





資治通鑑綱目卷之第九

起丁亥漢光武帝建武三年凡四十九年  
盡乙亥漢明帝永平十八年

三年春正月以馮異為征西大將軍○鄧禹馮異與赤眉

戰敗績

鄧禹慙於受任無功數以餓卒徵赤眉戰輒不利乃率  
車騎將軍鄧弘等自河北度至湖要馮異共攻赤眉異  
曰赤眉衆尚多可以恩信傾誘難卒用兵破也上今使  
諸將屯澠池要其東而異擊其西一舉取之此萬成計  
也禹弘不從弘遂大戰移日軍潰異與禹合兵救之赤  
眉小卻異以士卒餓倦可且休禹不聽復戰大為所敗  
禹以二十四騎脫歸宜陽異棄軍走與麾下數人歸營  
復收散卒堅壁自守延平陳氏曰鄧禹以桐邑付之惜  
歎其失在不知人而已今慙受任無功不量可否用錢  
卒取敗可謂不知命矣若馮異不守所見曲從二鄧幾  
不自脫雖終能成  
功不為無罪也

集覽

徵赤眉徵或作邀通作要音伊  
消反遮也下要其東同要馮異



要去聲約也。澠池縣名屬弘農。禹貢注屬河南郡。澠當作黽俗作澠音彌充反。

亦訓約論語父要是也。此為邀而約之義。下文要其東則邀遮也。

始二年澠池漢之縣名屬弘農郡。以地在峭黽間故名。新莽改陝亭東漢復舊曹魏徙治蠡城西魏屬河南郡。

後周屬同軌郡隋徙治大塢城屬熊州後屬宜陽郡唐初屬穀州貞觀初徙今治宋屬河南府金置韶州元省。

州復為縣本朝因之屬河南府。宜陽縣名注見周安王十一年。

### 立四親廟於洛陽

祀父南頓君以上至春陵節侯。質實南頓君以上至春陵節侯按東漢上至春陵節侯。

陵節侯買買生鬱林太守外生鉅鹿都尉回回生南頓令欽是謂四親也。南頓縣名注見建武十九年春陵。

縣名注見新莽地皇三年。

### 鄧禹上大司徒印綬以為右將軍。○馮異大破赤眉於

### 底賊衆東走帝勒軍宜陽降之得傳國爾綬

馮異與赤眉約期會戰使壯士變服與赤眉同伏於道側旦日赤眉使萬人攻異前部異少出兵以鞭之賊見

勢弱遂悉衆攻異異乃縱兵大戰日昃賊氣衰伏兵卒起衣服相亂赤眉不復識別衆遂驚潰追擊大破之於

峭底降男女八萬人帝降璽書勞異曰始雖垂翅回谿然能奮翼澠池可謂失之東隅收之桑榆赤眉餘衆東

向宜陽帝親勒六軍嚴陳以待之赤眉忽遇大軍驚震乃遣劉恭乞降曰盆子將百萬衆降陛下何以待之帝

曰待汝以不死耳丙午盆子及丞相徐宣以下肉袒降上所得傳國璽綬赤眉衆尚十餘萬人帝令縣厨皆賜

食明日大陳兵馬臨雒水令盆子君臣列而觀之帝謂樊崇等曰得無悔降乎朕今遣卿歸營勒兵鳴鼓相攻

次其勝負不欲疆相服也徐宣等叩頭曰臣等出長安東都門君臣計議歸命聖德今日得降猶去虎口歸慈

母誠懼誠喜無所恨也帝曰卿所謂鐵中錚錚傭中佼佼者也賜樊崇等洛陽田宅帝憐盆子以為趙王郎中

### 集覽

峭底峭山名今陝縣東二峭是也底下也元和志云東峭至西峭三十五里在秦閼之東漢閼之西







通鑑綱目卷之九十一 齊紀九 則書戊戌年周更作二寶則書癸丑年終綱目 書得璽三得寶一作寶二奉璽寶三竊璽一

三月劉永立董憲為海西王張步為齊王步執伏隆殺之

劉永聞伏隆至劇亦遣使立張步為齊王步貪王爵猶

豫未決隆曉譬曰高祖與天下約非劉氏不王今可得

十萬戶侯耳步欲留隆與共守二州隆不聽求反命

步遂執隆而受永封隆遣間使上書曰臣隆奉使無狀

受執凶逆雖在困阨授命不顧願以時進兵無以臣隆

為念帝得隆奏召其父湛流涕示之曰恨不且許而遽

求還也其後步遂殺之延平陳氏曰伏隆之求還足以

成命矣死而無憾安用且許之乎光武之言所以慰其

父耳 **集覽** 劇 菑川國邑時張步都此括地志云菑

耳 **集覽** 劇 菑川國邑時張步都此括地志云菑

志云伏隆東武人伏生十世孫劇漢之縣名屬北海郡

曹魏省之故城在青州府壽光縣西南三十里張步琅

琊不其人

三月以伏湛為大司徒○涿郡太守張豐反彭寵自稱燕

王

豐反與彭寵連兵朱浮以帝不自征彭寵上疏求救詔

報曰度此反虜執無父全其中必有內相斬者今軍資

未充故須後麥耳浮城中糧盡人相食會耿况遣騎

來救浮乃得脫身走薊城遂降於彭寵寵自稱燕王 **質**

**實** 涿郡注見帝玄更始二年

薊城即薊縣注同上年

帝自將征鄧奉夏四月奉降斬之 **考異** 據二年書將軍鄧

征則下當書奉

降誅之誤作斬

帝追奉至小長安與戰大破之奉肉袒因朱祐降帝憐

奉舊功臣且釁起吳漢欲全宥之岑彭耿弇諫曰鄧奉

背恩反逆暴師經年陛下既至不知悔善而親在行陣

兵敗乃降若不誅奉無以懲惡於是斬之復朱祐位

**集覽** 小長安聚落名釁起吳漢釁爭端也去年吳漢徇

南陽鄧奉怒漢掠其鄉里遂反擊漢悔善悔過而

向 **質實** 一統志云朱祐南陽宛人

善



馮異擊延岑破之岑走南陽關中平

延岑既破赤眉即拜置牧守欲據關中時關中衆寇猶盛各稱將軍據地擁兵多者萬餘人少者數千人馮異屯軍上林苑中延岑引寇張邛任良共攻異擊大破之諸營堡附岑者皆來降岑遂自武關走南陽時百姓餓餓道路斷隔委輸不至馮異軍士悉以果實為糧詔拜趙匡為右扶風將兵助異并送糶穀異兵穀甚盛乃稍誅擊豪傑不從令者褒賞降附有功勞者悉遣諸營渠帥詣京師散其衆歸本業威行關中餘寇悉平

**覽** 為右扶風郡守 **質實** 武關注見周赧王四年南陽郡名注見秦二世三年

吳漢圍劉永將蘇茂於廣樂大破之

漢率驃騎大將軍杜茂等七將軍圍蘇茂於廣樂周建招集得千餘萬人救之漢迎與之戰不利墮馬傷膝還營建等遂連兵入城諸將謂漢曰大敵在前而公傷卧衆心懼矣漢乃勃然衆創而起椎牛饗士慰勉之士氣自信且日蘇茂周建出兵圍漢

漢奮擊大破之茂走還湖陵 **質實** 一統志云杜茂南陽冠軍人廣樂縣

名未詳沿葦湖陵秦之縣名屬薛郡漢初仍舊後改為侯國東漢廢之故城在兗州府魚臺縣東六十里漢沛

公改湖陵即此

睢陽人反城迎劉永蓋延引兵圍之○五月帝還宮是月

晦日食○六月大將軍耿弇擊延岑走之其將鄧仲况以

陰降

仲况據陰縣而劉歆孫龔為其謀主前侍中扶風蘇竟以書說之仲况與龔降竟終不伐其功隱身樂道壽終

於 **集覽** 陰縣春秋穀伯國楚地陰國所遷秦漢為家 **質實** 縣屬南鄉郡隋改曰陰城宋陞光化軍

一統志云陰漢之縣名屬南陽郡晉屬順陽郡西魏置陰城縣屬鄧城郡後周郡廢隋以縣屬襄州唐廢為陰

城鎮宋置光化軍領乾德縣熙寧中軍廢改乾德為光化縣元屬襄陽府本朝因之仍屬襄陽府扶風郡名

注見周顯王八年岐縣



秋七月遣岑彭擊秦豐於鄧破之進圍黎丘別遣兵徇江東揚州平○睢陽人斬劉永以降諸將立其子紆復稱梁

王

蓋延圍睢陽百日劉永蘇茂周建突出將走鄧蓋延進擊之急永將慶吾斬永首降蘇茂周建共立永子紆為

梁集覽

鄧此鄧與南陽之鄧不同此音祚柯反字本

質

實

一統志云鄧城名本春秋鄧國地南齊將曹虎鎮此元魏孝文圍之經月不下唐於此置臨沮縣又改鄧

城縣宋廢入襄陽後元兵圍襄陽築此于要津以絕其援故城在襄陽府城東北二十里黎丘城名在襄陽府

宜城縣東漢書邛縣下有此城鄧漢之縣名屬沛郡後省之故城在開封府永城縣西南李奇曰此鄧音嗟

非是蕭何食邑

冬十月帝如春陵祠園廟質實

春陵城名注見○十一月新莽城皇三年

還宮○李憲稱帝

置百官擁九城數十餘萬

遣太中大夫來歙使隗囂

帝謂太中大夫來歙曰今西州未附子陽稱帝道里阻遠諸將方務關東思西州方畧未知所在奈何歙曰臣嘗與隗囂相遇長安其人始起以漢為名臣願得奉威命開以丹青之信囂必束手自歸則述自亡之勢不足圖也帝然之始令歙使於囂囂既有功於漢又受鄧禹爵署其腹心議者多勸通使京師囂乃奉奏詣闕帝報以殊禮言稱字用敵國集覽言稱字每言語質實來歙之儀所以慰籍之甚厚

新野人

子戊

四年春遣鄧禹將兵擊延岑破之岑奔蜀公孫述以為大司馬○夏四月帝如鄴遣吳漢擊五校於臨平破之遣耿



弁祭遵等討張豐斬之弁遂進擊彭寵

**考異**

據二年書漁陽太守彭寵

及三年書涿郡太守張豐反則此斬字當作誅擊字當作討

豐好方術有道士言豐當為天子以五綵囊裹石繫豐肘云石中有玉璽豐信之遂反既當斬猶曰肘石有玉璽傍人為推破之豐乃知彼詐仰天曰當死無恨上詔

取弁進擊彭寵弁以父况與寵同功又兄弟無在京師者不敢獨進求詣雒陽詔報曰將軍舉宗為國功效尤著何嫌何疑而求徵况聞之更遣弁弟國入侍

**覽** 雒陽雒本作洛成周洛陽也在澗水東漢河南郡屬

火行為水剋火故去水加佳其地在

成臯西宛縣北又注見周顯王三年

五年五校注見宣帝神爵元年

六月帝還宮○秋七月如譙遣將軍馬武王霸圍劉紆於

垂惠董憲將賁休以蘭陵降憲攻拔之

憲聞賁休以蘭陵降自郊圍之蓋延及龐萌在楚請往救之帝勅曰可直往擣郊則蘭陵自解延等以賁休城

危遂先赴之憲逆戰而陽敗退延等因拔圍入城明日憲大出兵合圍延等懼遽出突走因往攻郊帝讓之曰

間欲先赴郊者以其不意故耳今既奔走賊計已立圍豈可解乎延等至郊果不能克而董憲遂拔蘭陵殺賁

休

**集覽** 賁音肥姓名章懷曰賁音奔前書季布傳賁赫注縣有蘭陵山擣郊擣攻擊之

義也郊注見秦二世二年

馬武南陽湖陽人王霸潁陽人蘭陵戰國楚邑名即春秋時鄭國也漢置蘭陵縣屬東海郡晉置蘭陵郡治承

城隋罷郡置鄭州大業中州縣並廢而徙蘭陵縣於承

州以縣屬沂州宋因之金屬邳州後改承縣為蘭陵興

定中以縣置嶧州元初以州屬益都路至元初以縣省

入本朝初改州為縣屬兗州府

八月帝如壽春遣將軍馬成擊李憲九月圍舒

**集覽** 舒春



國桐國之地漢屬廬江唐改舒州宋陞安慶府郡縣志云  
舒有五名曰舒曰龍舒曰庸舒曰舒鳩曰舒成其實一也  
春秋注廬江南有舒城舒城之南有龍舒案舒成今廬  
州縣龍舒今安慶是也又注見獻帝建安四年皖城

**實** 壽春縣名注見秦王○以侯霸為尚書令

政六年馬成棘陽人○王莽末天下亂臨淮大尹侯霸獨能保全其郡帝徵霸  
會壽春拜尚書令時朝廷無故典又少舊臣霸明習故  
事收錄遺文條奏前

**質實**

臨淮郡名注見新莽天  
鳳四年侯霸河內密人

冬十月帝還宮○隗囂遣馬援奉書入見

隗囂使馬援往觀公孫述援與述舊同里開相善以為  
既至當握手歡如平生而述盛陳陛衛以延援入交拜  
禮畢使出就館更為援制都布單衣交讓冠會百官於  
宗廟中立舊交之位述鸞旗旄騎警蹕就車磬折而入  
禮饗官屬甚盛欲授援以封侯大將軍位賓客皆樂留  
援曉之曰天下唯雄未定公孫不吐哺走迎國士與圖  
成敗反修飾邊幅如偶人形此子何足久稽天下士乎  
因辭歸謂囂曰子陽井底蛙耳而妄自尊大不如專意

東方朔乃使援奉書雄陽初到良久中黃門引入帝在  
宣德殿南廡下但憤坐迎笑謂援曰卿遊二帝間今

見卿使人大慙援頓首辭謝因曰當今之世非但君擇  
臣臣亦擇君矣臣與公孫述同縣少相善臣前至蜀述  
陛戟而後進臣臣今遠來陛下何知非刺客姦人而簡  
易若是帝復笑曰卿非刺客顧說客耳援曰天下反覆  
盜名者不可勝數今見陛下恢廓

**集覽**

同里開閑侯  
南平與里門曰閑蓋援述皆扶風茂陵人也故云都布

單衣馬援傳注東觀記曰都作答布白疊布也南史

高昌國有草實如繭中絲為細繭名曰白疊安子國人

取以為布甚為輟白又史記答布千匹注疊布也一曰

都布單通作禪金音丹前書江充衣紗縠禪衣類師古

曰禪衣若朝服中單也二儀實錄曰古者朝燕之服有

擊不勝或墮冠旄騎本紀注秦文公時梓樹化為牛以騎  
先驅徐援釋疑曰乘輿黃麾內羽伏班弓箭左單右單  
執單者冠熊皮冠謂之旄頭磬折莊子漁父篇夫子曲

要磬折正義曰謂人曲體揖之若石磬之形也案磬一  
片黑石縣在籟上擊之其形中曲垂兩頭言人要側似



也吐哺史記魯世家周公戒伯禽曰我嘗一沐三握髮一飯三吐哺起以待士猶恐失天下之賢人修飾邊幅邊畔也田有界畔布帛廣曰幅修飾者言拘譎也顏師古曰若布帛之修整邊幅也井底蛙言如蛙坐井中所見者小也莊子秋水篇井蛙不可以語於海者拘於墟也陛戰謂陳列於階陛之下以為儀衛

交讓冠今按此蓋講質實馬援茂

太傅褒德侯卓茂卒○十二月帝如黎丘遣將軍朱祐圍

秦豐岑彭擊田戎

岑彭攻秦豐三歲斬首九萬餘級豐餘兵裁千人食且盡帝幸黎丘遣使招豐豐不肯降乃使朱祐等代岑彭圍黎丘使岑彭質實岑彭南陽棘陽人傳俊襄城人

公孫述遣兵屯陳倉隗囂遣兵助馮異擊破之述遣使招

囂囂斬其使

公孫述聚兵數十萬人積糧漢中又造十層樓船多刻天下牧守印章遣將軍李育程烏將數萬衆出屯陳倉就呂鮪將狗三輔馮異迎擊大破之是時隗囂遣兵佐

北御將胡之助則咸陽已為他人禽矣如令子陽到漢

中三輔願因將軍兵馬鼓旗相當儻肯如言即智士計

功割地之秋也其後公孫述數遣將間出囂輒與馮異

合勢共推挫之述遣使以大司空扶安王印綬授囂囂斬其使出兵擊之以故蜀兵不復北出

躡地曰復古編云躡躡住足也質實陳倉縣名注見

發明君于樂於成人之美故不以其終焉之惡而併

與夫公孫述遣使招囂囂斬其使等語皆所以示予之之意也使囂始終若此亦何不可之有惜哉

以陳俊為泰山太守質實陳俊南陽西鄂人泰山郡

五年春正月帝還宮○遣來歙送馬援歸隴右

丑巳



隗囂與援共卧起問以東方事曰前到朝廷上引見數十每接燕語自夕至旦才明勇畧非人敵也且開心見誠無所隱伏闕達多大節畧與高帝同經學博覽政事文辯前世無比囂曰卿謂何如高帝援曰不如也高帝無可無不可今上好吏事動如節度又不喜飲酒囂意不憚曰如卿言反復勝耶

**集覽**

天節畧案畧字

當屬下句無可無不可顏師古曰言唯其當而已胡氏曰此孔子自謂之言也以五字成文當渾全以會其意不當分析以求其義後世欲狀人之通儻不泥者必曰無可無不可

### 二月蘇茂救垂惠馬武王霸擊破之劉紆犇佼疆

蘇茂將五校兵救周建於垂惠馬武為茂建所敗犇過王霸營大呼求救霸曰賊兵盛出必兩敗努力而已乃閉營堅壁軍吏皆爭之霸曰茂兵精銳其衆又多吾吏士心恐而捕虜與吾相恃兩軍不一此敗道也今閉營固守示不相援賊必乘勝輕進捕虜無救其戰自倍如此茂衆疲勞吾承其敵乃可克也茂建果悉出攻武合戰良久霸軍中壯士數十人斷髮請戰霸乃開營後出精騎襲其背茂建前後受敵敗走霸武各歸營茂建復

聚兵挑戰霸堅卧不出方饗士作倡樂茂兩射營中中霸前酒樽霸安坐不動軍吏皆曰茂前日已破今易擊也霸曰不然蘇茂客兵遠來糧食不足故數挑戰以激一時之勝今閉營休士所謂不戰而屈人兵者也茂建既不得戰乃引還營其夜周建兄子誦反閉城拒之建於道死茂犇下邳與董憲合劉紆犇佼疆

**集覽**

捕虜馬武為捕虜將軍斷髮斷音短截也以示敢死戰也開營後開營壘後門微一時之勝微倖也一時本傳作一切注

**正誤**

微一時之勝今按微只訓要求中庸謂權時也

**實**馬武南陽湖陽人下邳

帝如魏郡實實魏郡注見成○彭寵奴斬寵來降夷其族

封奴為不義侯考異提要此下有以郭伋為漁陽太守八字

彭寵妻數為惡夢又多見恠變卜筮望氣者皆言兵當從中起寵以子右蘭卿質漢歸不信之使將兵居外無親於中寵齋在便室蒼頭子密等三人因寵卧寐共縛著牀告外吏云大王齋禁皆使吏休偽稱寵命收縛奴



婢又以寵命呼其妻妻入驚曰奴反奴乃粹其頭擊其  
頰寵急呼曰趣為諸將軍辨裝於是兩奴將妻入取寶  
物留一奴守寵收金玉衣物至寵所裝之被馬六匹使  
妻縫兩縑囊昏夜後解寵手令作記告城門將軍開門  
書成斬寵及妻頭置囊中便持記馳出城因以詣闕明  
旦閣門不開官屬踰牆而入見寵屍驚怖其尚書韓立  
等共立寵子午為王國師韓利斬午首詣祭遵降夷其  
宗族帝封子密為不義侯權德輿曰伯通之叛命子密  
之戕君同歸于亂罪不相蔽宜各致於法昭示王度乃  
爵於五等又以不義為名且舉以不義莫可侯也春秋  
書齊豹盜三叛人名集覽質漢歸為質子於漢而回歸  
之義無乃異於是乎集覽質如字便室猶便坐也非正  
寢蒼頭前書鮑宣傳蒼頭廬兒注漢名奴為蒼頭者服  
純黑以別於良人也諸給事殿中所居為廬蒼頭侍從  
因呼為廬兒使使休使其外吏各歸休沐也休沐注見  
昭帝始元四年伯通彭寵字爵於五等公侯伯子男春  
秋書齊豹盜三叛人名春秋昭二十年盜殺衛侯之兄  
繁襄二十一年邾庶其以漆閭丘來奔昭五年莒牟夷  
以牟婁及防茲來奔三十一年黑肱以濫來奔蓋春秋  
之例非命卿不書其名齊豹衛之卿也忿衛侯之兄而

殺之欲求不畏疆禦之名而春秋抑之但書曰盜所謂  
求名而不得邾庶其莒牟夷邾黑肱三人皆非命卿以  
邑來奔求食而已不期名之著於春秋而春秋正誤質  
故書其名所謂欲蓋而名章也此皆懲不義也正誤質  
歸今按彭寵從弟子后蘭卿  
為質于於漢而歸質當音致

**書法** 書其斬其降多矣不書所封據張步安平  
侯之類書不義侯何譏失賞且非名也

遣使迎上谷太守耿况還京師封牟平侯集覽牟平地理

牟平縣故城在今登州黃縣南志東萊有  
十三州記云牟平古陸縣也質實縣名屬東萊郡北齊  
移治黃縣馬嶺之南唐省入牟州  
故城在萊州府城東南九十里

**書法** 特書也其特書何嘉報功也  
帝之業耿况父子實濟之

○吳漢耿弇擊富平獲索於平原大破之弇遂進討張步

**集覽** 富平獲索地理志平原  
有富平縣獲索賊名質實一統志云富平漢之縣  
名屬平原郡晉於縣置



樂陵國後魏改國為郡隋初郡廢以樂陵縣屬滄州唐屬樂安郡後改屬滄州自唐以來徙治不一宋始徙今治金元因之國朝改屬濟南府平原漢之縣名為平原郡治所東漢改郡為國後魏徙郡治聊城而於縣置東青州尋廢州以縣屬安德郡隋屬冀州尋改屬德州唐屬齊州尋復舊屬五代宋金元俱仍舊國朝因之屬濟南府

**書法** 世祖之篇非書反不書討步也其書討何步既降矣復殺使者非反乎故從反例書討

○遣將軍龐萌蓋延擊董憲萌反帝自將討之

龐萌為人遜順帝信愛之常稱曰可以託六尺之孤寄百里之命者龐萌是也使與蓋延共擊董憲時詔書獨下延而不及萌萌以為延譖已自疑遂反襲延軍破之與董憲連和自號東平王屯桃鄉之北帝聞之大怒自將討萌與諸將書曰吾常以龐萌為社稷之臣將軍得無笑其言乎老賊當族其各厲兵馬會睢陽龐萌攻破彭城將殺楚郡太守孫萌郡吏劉平伏太守身上號泣請代其死身被七創龐萌義而捨之太守已絕復蘇渴求飲平傾創質實龐萌山陽人董憲海西人楚血以飲之

岑彭攻拔夷陵田戎奔蜀彭留屯津鄉

岑彭既拔夷陵謀伐蜀以夾川穀少水險難漕留威虜將軍馮駿軍江州都尉田鴻軍夷陵領軍李玄軍夷道自引兵還屯津鄉當荊州要會**集覽**江州縣名屬巴郡喻告諸蠻夷降者奏封其君長**津鄉**地名在巴郡境內**質實**縣名即巴郡治所蜀漢改為巴縣後周改巴城縣隋唐渝州治於此宋復為巴縣元併璧山縣入焉國朝因之屬重慶府夷道縣名詳注見建武九年

夏四月旱蝗 ○質融遣使奉書入見詔以融為涼州牧

初質融等聞帝威德心欲東向以河西隔遠未能自通乃從隗囂受建武正朔囂皆假其將軍印綬囂外順人望內懷異心使辨士張玄說融等曰更始事已成尋復亡滅此一姓不再興之效也方今豪傑競逐雌雄未決當各據土宇與隴蜀合從高可為六國下不失尉佗融等召豪傑議之其中識者皆曰今皇帝姓名見於圖書前世谷子雲夏賀良等皆言漢有再受命之符故劉子駿改易名字冀應其占及莽末西門君惠謀立子駿事



通鑑綱目卷之第九十一  
漢光武皇帝建武五年  
覺被殺出謂觀者曰識文不誤劉秀真汝主也此皆近  
事暴著者况今稱帝者數人而洛陽土地最廣甲兵最  
強號令最明觀符命而察人事他姓殆未能當也融遂  
決策東向遣長史劉鈞等奉書詣洛陽先是帝亦發使  
遺融書以招之遇鈞於道即與俱還見帝賜融璽書曰  
今益州有公孫子陽天水有隗將軍方蜀漢相攻權在  
將軍舉足左右便有輕重以此言之欲相厚豈有量哉  
欲遂立桓文輔微國當勉卒功業欲三分鼎足連衡合  
從亦宜以時定今之議者必有任器教尉佗制七郡之  
計王者有分土無分民自適已事而已因授融涼州牧  
璽書至河西河西北皆驚以  
**集覽** 隴蜀隴謂隗器蜀謂公  
孫述六國戰國時韓魏  
趙燕楚齊尉佗佗徒河反名也姓趙秦二世時南海尉  
任器病且死召龍川令趙佗語曰聞項羽劉季等各起  
兵中國擾亂吾欲與兵自備會病甚且南海東西數千  
里可以立國即以佗行南海尉事置器死佗即自立為南  
粵武王谷子雲谷永字子雲成帝時人夏賀良姓夏名  
賀良哀帝時方術士劉子駿劉歆字子駿王莽時為國  
師因識文云劉秀發兵捕不道故改名秀字穎叔西門  
君惠道士姓西門名君惠謂識文云劉氏當復興國師

公姓名是也遂欲與子駿却莽降漢謀世自殺立桓文  
輔微國齊桓公晉文公春秋時號為賢君能糾合諸侯  
尊周室治疆楚諸侯皆尊之以為霸王連衡合從注見  
周安王十五年從橫必有任器教尉佗制七郡之計秦  
二世時南海尉任器病教趙佗以制七郡之謀案七郡  
南海鬱林蒼梧合浦交趾九真日南是也王者有分土  
無分民王于况反分扶問反凡裂土以封諸侯其受封  
者各有分也地理志古有分土亡分民注有分土者謂  
立封疆也亡分民者謂通徃來不常厥  
居自適已事謂宜自謀順適已身之事  
**正誤** 王者有分  
只如字自適已事今按此言唯欲更適自  
實實  
已之事而已如集覽說則指實融矣非也  
實實  
六月秦豐降斬之○董憲劉紆使蘇茂佼彊救龐萌帝自  
將擊破之秋七月彊以衆降茂犇張步憲萌犇胸梁人斬

紆以降**集覽**胸其俱反縣名屬東海郡  
**質實**胸縣名注見  
秦二世二年

鄉子國故城在淮安  
府城北三百七十里



書法

高帝自將五唯韓王信書討餘書擊嘗比有也

世祖自將七非書征則書討此其獨書擊何紆

○冬十月帝如魯○耿弇拔祝阿濟南臨菑與張步戰大

破之帝勞弇軍步斬蘇茂以降齊地悉平

張步聞耿弇將至使其大將軍費邑軍歷下又令兵屯祝阿拔之故開圍一角令其衆得奔歸鐘城鐘城人聞祝阿已潰大恐空壁亡去費邑分遣弟敢守巨里弇進兵先脅巨里嚴令軍中趣修攻具後三日當悉力攻巨里城陰緩生口亡歸以弇期告邑邑至日果自將精兵三萬餘人來救之弇喜謂諸將曰吾所以修攻具者欲誘致之耳野兵不擊何以城爲即分三千人守巨里自引精兵上岡阪乘高合戰大破之臨陳斬邑既而收首級以示城中城中兒懼費敢悉衆亡歸張步弇復縱兵擊諸未下者平四十餘營遂定濟南時張步都劇使其弟藍將精兵二萬守西安諸郡太守合萬餘人守臨菑相

去四十里弇進軍居二城之間弇視西安城小而堅且藍兵又精臨菑名雖大而實易攻乃教諸校後五日會攻西安藍聞之晨夜警守至期夜半弇教諸將皆蓐食會明至臨菑城護軍荀梁等爭之以爲攻臨菑西安必救之攻西安臨菑不能救不如攻西安弇曰不然西安聞吾欲攻之日夜爲備方自憂何暇救人臨菑出不意而至必驚擾吾攻之一日必拔後臨菑即西安孤與劇隔絕必復亡去所謂擊一而得二者也遂攻臨菑半日拔之入據其城張藍聞之將其衆亡歸劇弇乃令軍中無得虜掠須張步至乃取之以激怒步步聞大笑曰以尤來大捨十餘萬衆吾皆即其營而破之今大耿兵少於彼又皆疲勞何足懼乎乃與三弟藍引壽及故大彤渠帥重異等兵號二十萬至臨菑大城東攻弇於是弇先出菑水上與重異遇弇故示弱以盛其氣乃引歸小城陳兵於內使都尉劉歆泰山太守陳俊分陳於城下步氣盛直攻弇營與劉歆等合戰弇視歆等鋒交乃自引精兵以橫突步陳於東城下大破之至暮罷弇明日復勒兵出是時帝在魯聞弇爲步所攻自往救之未至陳俊謂弇曰劇虜兵盛且可閉營休士以須上來弇曰乘輿且到臣子當擊牛醢酒以待百官反欲以賊虜遺



君父耶乃出兵大戰自旦及昏復大破之矣知步困將  
退豫置左右翼為伏以待之人定時步果引去伏兵起  
縱擊追至鉅昧水上僵尸相屬步還劇兄弟各分兵散  
去後數日車駕至臨菑自勞軍群臣大會帝謂弁曰昔  
韓信破歷下以開基今將軍前在南陽建此大策常以為落落  
難合有志者事竟成也帝進幸劇弁復追張步步奔平  
壽蘇茂將萬餘人來救之茂讓步曰以南陽兵精延岑  
善戰而耿弁走之大王奈何就攻其營既呼茂不能待  
邪步曰負負無可言者帝遣使告步茂能相斬降者封  
為列侯步遂斬茂請弁軍門肉袒降弁傳詣行在所而  
勒兵入據其城罷遣步兵各歸鄉里張步三弟自繫所  
在獄詔皆赦之封步為安丘侯於是琅琊未平上徙陳  
俊為琅琊太守始入境盜賊皆散弁復引兵至城陽降  
五校餘黨齊地悉平振旅還京師弁為將  
凡平郡四十六屠城三百未嘗挫折焉  
父沸反歷下前書韓信襲齊歷下軍注徐廣曰濟南歷  
城縣也或曰地名在齊南歷山之下齊之西界案地理  
志歷下古城枕泰山之麓極為雄壯又襟帶濟水祝阿  
注見周烈王六年河陰緩生口生口謂生獲之人陰緩

謂隱然寬其防閑令其得逃歸西安地理志齊郡西安  
縣諸校校者營壘之稱故軍之一部曰一校校音效養  
食前書音義曰早起就牀蓐中食也字宜從禘籍也愚  
謂若從禘禘字恐非只是軍行時所臥草蓐也案左傳  
軍行右轅左追蓐注蓐卧上之草也當軍行時在車右  
者校轅以為戰備在車左者使之追求草蓐以為宿備  
尤來賊大耿謂耿弁大彤賊帝在魯正義曰今兗州曲  
阜縣古魯國也括地志云故魯城在今兗州許昌縣南  
四十里本魯之朝宿邑劇勇時張步都劇故呼為劇勇  
劇注見三年醜酒章懷太子曰醜猶瀝也詩伐木篇醜  
酒有奠注以筐曰醜以籩曰醜醜徐音所宜反葛洪音  
所寄反謂以筐盛酒左右翼顏師古曰旁引其騎若鳥  
翼之為也楚辭天問篇金騎擊翼何以將之注引六韜  
曰翼其兩旁疾擊其後鉅昧水名一名巨洋案洋水在  
青州樂安國落落難合顏師古曰言不相入也瓚曰落  
落猶疏闊也既呼茂為句謂張步既已求救於我負負  
為句猶言負罪負罪傳詣傳株戀反車傳也顏師古曰  
傳若今之驛騎也安立北海郡安立縣屬青州城陽注  
見漢王劉質實一統志云歷下古齊城名漢置歷城縣  
邦四年屬濟南國晉屬濟南郡初郡治東平陵



城後移治於此隋初罷郡以縣屬齊州唐以平陵縣省入宋金元仍舊國朝因之屬濟南府泰山郡名注見秦始皇二十八年齊南郡名注見景帝三年西安漢之縣名屬齊郡晉廢之故城在青州府臨淄縣西二十里臨淄縣名注見楚義帝元年齊郡水注見漢王邦三年魯縣名注見周太祖廣順二年曲阜鉅昧水名源出青州府臨朐縣南一百一十里沂西麓一名巨洋水又名彌水國語謂之具水王韶以為巨篋或曰胸彌或曰沫實一水也流經本縣東北至益都壽光縣界入海平壽漢之縣名屬膠東國晉宋仍舊隋廢之故城在萊州府濰縣西南三十里安丘漢之縣名屬琅琊郡東漢屬北海郡後廢隋置牟山縣後改安丘縣屬高密郡唐改曰輔唐縣五代晉省入膠西縣宋復置安丘縣金元仍舊俱屬密州國朝改屬青州府琅琊漢之郡名治諸縣後廢之故城在青州府諸城縣東南一百五十里琅琊山下

初起太學帝還視之

**集覽**

初起太學帝還視之還讀曰旋

而曰幸太學今綱目不曰幸而曰視所以尊師道也

帝幸太學稽式古典修明禮樂煥然文物可觀矣

**書法**

初者何志始也帝即位於是五年日不暇給而能留意學校親臨視之帝可謂知所先後矣書

起太學始此書視學始此終綱目書立太學七是年順帝永建六年後主建興二年魏晉元帝建武元年是年太興三年趙成帝咸康三年齊乙亥年元魏書視學三年是年後主延熙十九年魏主髦庚寅年梁書臨學二明帝永平二年晉哀帝隆和元年秦書詣學二唐高祖武德七年太宗貞觀十四年

**發明**

禮王制王親視學則學謂之視者古也自漢以來則謂之幸矣綱目於此特書曰視者蓋亦推

原古制也然則崇師重道之意特嚴於一字之間亦豈無所本歟

十一月大司徒伏湛免以侯霸為大司徒

霸聞太原閔仲叔之名而辟之既至霸不及政事徒勞苦而已仲叔恨曰始蒙嘉命且喜且懼今見明公喜懼皆去以仲叔為不足問邪不當辟也辟而不問是失人也遂辭出投劾而去

**集覽**

勞苦禮秋官大行人



三問三勞注勞去聲謂苦倦之也投劾投上也案罪曰  
劾上狀自劾有過也其劾狀中有上文恨曰已下數語  
**質實** 伏湛東武人

十二月盧芳入塞掠據五郡 **考異** 此當書入寇與元朔  
三年匈奴入代郡同

初五原人李興隨昱朔方人田颯代郡人石鮪閔堪各  
起兵自稱將軍匈奴單于遣使與興等和親欲令盧芳  
還漢地為帝興等引兵至單于庭迎芳十二月與俱入  
塞都九原縣掠有五原朔方雲中定襄鴈門五郡並置  
守令與胡通 **集覽** 昱余六反颯思合  
兵侵善北邊 **通鑑** 釋文音立

**書法** 王莽之世書匈奴分道入塞不書入寇賊奔也  
此其書入塞何未忍以狄狄考也至與匈奴烏

桓連兵犯塞則書  
寇矣詳十二年

### 隗囂遣子入侍

隗囂自比西伯議欲稱王鄭興曰昔文王三分天下有  
其二尚服事殷武王八百諸侯不謀同會猶還兵待時

高祖征伐累年猶以沛公行師今世無宗周之祚未有  
高祖之功而欲舉未可之事招速禍患無乃不可乎囂  
乃止後又廣置職位鄭興曰夫中郎將太中大夫使持  
節官皆王者之器非人臣所當制也囂病之而止時關  
中將帥數上書言蜀可擊之狀帝以書示囂因使擊蜀  
以效其信囂上書盛言三輔單弱劉文伯在邊未宜謀  
蜀帝知囂欲恃兩端不願天下統一於是稍絀其禮正  
君臣之儀帝以囂與馬援來歙相善數使歙援奉使往  
來勸令入朝許以重爵囂言無功德須四方平定退伏  
閭里帝復遣來歙說囂遣子入侍囂聞劉永彭寵皆已  
破滅乃遣長子恂隨歙詣闕帝以為胡騎校尉封鎬羌  
侯鄭興因恂求歸葬父母與妻子俱東馬援亦將家屬  
隨恂歸洛陽囂將王元以為天下成敗未可知不願專  
心內事說囂曰今天水完富士馬最彊元請以一丸泥  
為大王東封函谷關此萬世一時也若計不及此且畜  
養士馬據隘自守以待四方之變圖王不成其敵猶足  
以霸囂心然元計雖遣子入質猶負其險阨欲專制方  
面申屠剛諫曰愚聞人所歸者天所與人所畔者天所  
去也本朝誠天之所福非人力也今置書數到委國歸  
信欲與將軍共同吉凶布衣相與尚有沒身不負然諾



之信况於萬乘者哉今久疑若是卒有非常之變上負忠孝下愧當世願反覆愚老之言囂不納於是遊士長者稍稍集覽劉文伯即盧芳也字君期安定天水人王去之孫劉文伯封鐫羗侯以恂實實人鄭興開封人孫劉文伯封鐫羗侯以恂實實人鄭興開封人能琢鑿羗戎故以為封號

### 交趾牧鄧讓等遣使貢獻

王莽末交趾諸郡閉境自守岑彭素與交趾牧鄧讓厚善與讓書陳國家威德又遣偏將軍屈充移檄江南班行詔命於是讓與江夏太守侯登武陵太守王堂長沙相韓福桂陽太守張隆零陵太守田翕蒼梧太守杜穆交趾太守錫光等相率遣使貢獻悉封為列侯錫光者漢中人在交趾教民夷以禮義帝復以宛人任延為九真太守延教民耕種嫁娶集覽中華風嶺南有質實郡名故嶺南華風始於二守馬集覽中華風嶺南有質實郡名注見唐宣宗大中二年江夏郡名注見唐僖宗乾符四年鄂州武陵郡名注見建武二十四年王堂廣漢郡人長沙國名注見獻帝興平元年桂陽郡名注見武帝元鼎六年零陵郡名注見晉武帝太康元年蒼梧郡名注

見武帝元鼎五年九真郡名注見唐宣宗大中二年交趾

徵處士周黨嚴光王良至京師黨光不屈以良為諫議大

夫考異按光本姓莊後避明帝諱史改作嚴據建元六年分注莊助元狩五年書莊青翟皆改舊史從本姓

此亦當書莊光傳錄誤耳

黨入見伏而不謁自陳願守所志博士范升奏曰伏見太原周黨東海王良山陽王成等象受厚恩使者三聘乃肯就車及陛見帝庭黨不以禮屈伏而不謁偃蹇驕悍同時俱逝黨等文不能演義武不能死君釣采華名庶幾三公之位臣願與坐雲臺之下考試圖國之道書奏詔曰自古明王聖主必有不賓之士伯夷叔齊不食周粟太原周黨不受朕祿亦各其志焉其賜帛四十匹罷之帝少與嚴光同遊學及即位以物色訪之得於齊國累徵乃至拜諫議大夫不肯受去耕釣於富春山中以壽終於家王良後歷沛郡太守大司徒司直在位恭儉布被瓦器妻子不入官舍後以病歸一歲復徵至榮陽疾篤不任進道過其友人友人拒不肯見曰不有忠



言奇謀而取大位何其往來屑屑不憚煩也良慙後徵不應卒於家高平范氏曰非光武不能遂子陵之高非子陵不能成光武之大也胡氏曰自古人君待遇臣下其禮雖一然嚴威儼格常施於爪牙甲冑之士以折其驕悍難使之氣柔巽謙屈常施於林壑退藏之人以厲其廉靖無求之節故能駕馭人才表正風俗反是道者難乎免於亂

**集覽** 偃蹇驕傲貌武不能死君言其武勇亡之禍矣

讀曰豫雲臺在南宮明帝永平三年圖畫建武中名臣列將於其中以物色訪之畫象其人物顏色以訪求之

**富春山** 新安志云漢富春縣西有富春山後避晉簡文鄭太后諱改曰富陽案嚴光傳耕於富春山圖經不載此山但云今名嚴陵山者是其所耕處却載嚴光富陽人耕於富春山沈約宋書吳時分富春縣地置桐廬縣則嚴陵山即富春山無疑不任

**正誤** 臣願與坐雲臺之進道任音王堪也不堪登途也

與周黨等坐於雲臺下而考試也

**質實** 一統志云范升代郡人嚴光餘西三十里一名嚴陵山清麗奇絕號錦峯縹嶺乃漢嚴子陵隱釣處前臨大江上有東西二釣臺

**書法**

書不居何嘉節守也書諫議大夫始此西漢書諫大夫六韓廷壽夏侯勝王褒王吉貢禹劉輔

東漢書諫議大夫三王良周舉劉陶當時諫官之能舉職者鮮矣綱目書聘士二徵士二十一書不至八

安帝延光二年順帝永和二年桓帝延熹二年後主建興四年魏主丁亥年晉武帝孝武太元十二年壬

午年梁武帝唐太宗貞觀元年不屈一是一年不就一順帝昇嘉二年不受一唐玄宗開元六年不食而卒

一晉穆帝永和六年遣歸一昭帝元鳳元年放還山

一唐昭宣帝天祐二年終綱目書議大夫十六王良

周舉劉陶喬豫等蘇世長魏徵等孫伏伽盧鴻陽城

吳通玄韋渠牟劉栖楚柳公權鄭朗杜光庭王朴惟

吳通玄韋渠牟杜

光庭為譏之焉

**發明**

嚴光之節奮乎百世之上下聞者莫不興起而見之綱目所書者乃與周黨王良並召觀范升

之毀黨與友人之誚良則二人非光之比明矣宜光

之愈不屈也且光乃帝握手故人帝不以手書招致

乃以詔書從事何哉嘗即光傳考之見其譏切侯霸之語則光固非碌碌隱者况光少有高名帝既與之



同學必知其才智果有大過人者是以始焉帝思其賢而終焉帝傷惜之向使帝不屈光以官爵而惟以故入待之從容訪問必有興治致化之方補益中興惜乎帝不及此爾按中元二年丁巳歲帝聖壽六十二則是今年已丑蓋三十有四矣光以建武十七年再召不屈至年八十終帝猶詔郡縣賜錢穀由是推之當光同學之時固已年尊於帝至帝君臨大寶召至闕下光是時蓋亦年踰耳順矣以年尊德邵之人帝不能待以賓師之禮乃欲臣而用之宜乎光之所應也後之論者但知光之不屈為高而不知光之所不以不屈者其意固自有在特其識量素高此意渾然不露圭角是以天下後世莫得而測識爾臣故備而論之以俟後之君子折衷焉

### 竇融承制以莎車王康為西域大都尉

元帝之世莎車王延嘗為侍子京師慕樂中國及王莽之亂匈奴畧有西域唯延不肯附屬常救諸子當世奉漢家不可負也延卒子康立康率傍國拒匈奴擁衛故都護吏士妻子餘口檄書河西問中國動靜竇融乃

承制立康為漢莎車建功懷德王西域大都尉五十五國皆屬焉

**集覽** 莎車注見武帝元鼎二年

寅庚

### 六年春正月以春陵鄉為章陵縣復其徭役

復徭役 **質實** 春陵鄉注見新莽地皇三年比豐沛注見晉元帝太興四年

#### 書法

高帝之復豐沛也書世世無有所與於是復徭役如豐沛則其不書何非創也譏於其事端則

餘者畧之可也

### 吳漢等拔胸斬董憲龐萌江淮山東悉平

#### 考異

據前書將軍龐萌反

此當書斬董憲誅龐萌

吳漢等諸將還京師置酒賞賜帝積苦兵間以愧囂遣子內侍公孫述遠據邊垂乃謂諸將曰且當置此兩子於度外耳因休諸將於雒陽分軍士於河內數騰書隴蜀告示禍福帝與述書曰君非吾賊臣亂子倉卒時人皆欲為君事耳天下神器不可力爭

#### 集覽

倉卒時卒讀曰猝倉卒急



遠貌事耳為句猶言分內事天下神器顏師古曰天下者神明之器也仲馮曰神器者即易繫辭聖人之大寶曰位是已老子曰天下神器不可為也

**正誤**

人皆欲為君事耳今按此言倉卒之時人皆欲為君所為

### 馮異入朝

異治關中出入三歲上林成都人有上章言異威權至重百姓歸心號為咸陽王帝以章示異異惶懼上書陳謝詔報曰將軍之於國家義為君臣恩猶父子何嫌何疑而有懼意至是自長安入朝帝謂公卿曰是我起兵時主簿也為吾披荆棘定關中既罷賜珍寶錢帛詔曰倉卒無羹亭豆粥滹沱河麥飯厚意久不報異稽首謝曰臣聞管仲謂桓公曰願君無忘射鈞臣無忘轡車齊國賴之臣今亦願國家無忘河北之難小臣不敢忘巾車之恩留十餘日

**集覽**

披荆棘顏師古曰披開也荆棘令與妻子還西

忘檻車春秋齊襄公醉殺魯桓公通其夫人又數欺大臣群弟恐及禍故次弟糾奔魯管仲傳之次弟小白奔齊鮑叔牙之後襄公被弒齊人召小白於魯魯亦送子糾而使管仲將兵遮莒道射中小白帶鈞小白佯死得先入齊立之是為桓公魯人患之遂殺子糾囚管仲及齊境鮑叔脫其桎梏以見桓公管仲既任政九合諸侯一匡天下巾車之恩馮異在中車鄉為漢兵所獲事在漢帝玄更始元年

### 夏四月帝如長安謁園陵○遣耿弇等七將軍從隴道伐

蜀

先是公孫述騎都尉平陵荆邯說述曰隗囂遭遇運會割有雍州兵彊士附威加山東遇更始政亂復失天下囂不及此時推危乘勝以爭天下而退欲為西伯之事尊師章句賓友處士偃武息戈卑辭事漢喟然自以文王復出也今漢帝釋開隴之憂專精東伐發間使召攜貳使西州豪傑咸歸心於山東若舉兵天水必至沮潰天水既定則九分而有其八陛下命將有王氏自潰之變乘外給三軍百姓愁困不堪上命將有王氏自潰之變矣臣之愚計以為宜及天下之望未絕豪傑尚可招誘急以此時發國內精兵令田戎據江陵臨江南之會倚



巫山之固築壘堅守傳檄吳楚長沙以南必隨風而靡  
令廷岑出漢中定三輔天水隴西拱手自服如此海內  
震挫冀有大利述然耶言欲悉發兵使廷岑田戎分宜  
兩道與漢中諸將合兵并執蜀人及其弟光以為不宜  
空國千里之外决成敗於一舉固爭之述乃止廷岑田  
戎亦數請兵立功述終疑不聽唯公孫氏得任事述之  
為政苛細察於小事如為清水令時而已立其兩子為  
王食捷為廣漢各數縣或諫曰成敗未可知戎士暴露  
而先王愛子示無大志也述不從由荆州不克帝乃詔  
述使田戎出江關招其故衆欲以取荆州不克帝乃詔  
隗囂欲從天水伐蜀囂上言述性嚴酷上下相患須其  
罪惡孰著而攻之帝知其終不為用乃謀討之遣耿弇  
蓋延等七將軍從隴道伐蜀先使中郎將來歛奉璽書  
賜囂喻旨囂猶豫不決歛遂發憤質責囂曰國家以君  
知臧否曉廢興故以手書暢意足下推忠誠既遣伯春  
委質而反欲用伎惑之言為族滅之計邪因欲前刺囂  
囂起入部勒兵將殺歛徐杖節就車而去囂使牛邯  
將兵圍守之囂將王遵諫曰殺之無損於漢而隨以族  
滅歛為人有信義言行不違及往來遊說皆可按  
覆西州士大夫皆信重之多為其言故得免歸

集覽

發問使召攜貳左傳問攜貳注攜離而相疑貳者也問  
使注見武帝元狩元年清水邑名在隴西案郡國志古  
清水縣屬天水郡杜甫詩清渠一邑傳即此廣漢括地  
志云益州谷縣漢廣漢也今成都路漢州是劉甲人物  
志序云唐以前凡稱郡及廣漢者乃潼川也先王愛子  
先封其所愛二子為王罪惡孰著孰與孰通飪也者明  
也尤豫尤與猶通猶豫注見秦孝文王元年質責正責  
之也前書汲黯質責張湯於上前注質對之也臧否善  
與不善也左傳一臧一否注或吉或凶也職事順  
成爲臧逆爲否否音鄙伯春隗囂長子隗恂字質實  
一統志云平陵縣名注見成帝元延元年天水郡名注  
見建武元年梁州注見周赧王四年漢中江陵縣名注  
見漢王邦元年巫山注見獻帝建安二十四年巫峽三  
輔注見武帝太初四年隴西郡名注見秦王政三年延  
岑漢中人清水漢之縣名屬天水郡晉屬畧陽郡後魏  
分畧陽置清水郡尋廢隋屬天水郡唐初置邽州於清  
水城尋廢州以縣屬秦州後陷於吐蕃大中初收復五  
代唐移置於上邽鎮宋金仍舊元以治坊省入國朝  
因之改屬鞏昌府捷爲郡名注見建武十二年廣漢漢  
之縣名屬廣漢郡梁於此置北宕渠郡及鹽亭縣西魏



置鹽亭郡隋罷郡存縣唐屬梓州又分置永泰東關二縣宋仍舊元併永泰東關入焉國朝因之屬潼川州

五月還宮考異

提要月下帝字據間無異事帝字當省

○隗囂反使其將王

元據隴坻諸將與戰大敗而還

質實

隴坻注見○六月并

省縣國減損吏員

詔曰夫張官置吏所以為民也今百姓遭難戶口耗少而縣官吏職所置尚繁其令司隸州牧各實所部省減吏員縣國不足置長吏者并之於是并省四百餘縣吏職減損十置其一胡氏曰按此詔六月所下歲十二月即詔田租三十稅一如舊制嗚呼人君意在斯民則其見效之速如此此孟子對齊王所以有不能不為之說歟也

秋九月晦日食

執金吾朱浮上疏曰昔堯舜之盛猶加三考大漢之興亦累功效吏皆積久至長子孫而聞者守宰數見換易

迎新相代疲勞道路尋其視事日淺未足昭見其職既加嚴切人不自保迫於舉劾懼於刺譏故爭飾詐偽以希虛譽斯所以致日月失行之應也願陛下遊意於經年之外望治於一世之後天下幸甚帝采其言自是牧守易代類簡集覽三考舜典三考黜陟幽明蔡氏傳曰考核得失可見於是陟其明而黜其幽至長子孫前書王嘉傳文帝時吏居官者或長子孫如淳注時無事吏不數遷甚至於子孫長質實朱浮沛國蕭縣人

冬十二月大司空弘免○復田租舊制

詔曰頃者師旅未解用度不足故行十一之稅今糧儲差積其令郡國收見田租三十稅一如舊制

隗囂遣兵下隴馮異祭遵擊破之

諸將之下隴也帝詔耿弇軍漆馮異軍拘邑祭遵軍汧吳漢等還屯長安馮異引軍未至拘邑隗囂乘勝使王元行巡將二萬餘人下隴分遣巡取拘邑異即馳兵欲先據之諸將曰虜兵盛而乘勝不可與爭鋒宜止軍便



地徐思方畧異曰虜兵臨境怛伏小利遂欲深入若得  
亦破王元於汧於是北地諸

豪長耿定等悉畔隗囂降

云漆水源出岐州普閔縣東南岐漆山漆溪東入渭今

城陽頃王子劉買於柁索隱曰柁音荀柁邑在臨州表

柁別也汧音牽地理志扶風有汧縣括地志云今隴州

馬東入渭索隱曰汧或作汧蓋有汧水汧山故也怛伏

本傳注慣習也左傳一夫不可怛注怛女九反亦伏也

怛音誓質實一統志云漆漢之縣名屬右扶風後魏置

復析置屬邠州神龍初屬京兆府景龍初復屬邠州宋

屬乾州金屬邠州元復屬乾州本朝因之屬西安府

淳化縣西一百三十里廢三水縣東二十五里汧漢之

縣名屬右扶風晉省隃麋後周置汧陽郡及縣以在汧

水之陽故名尋廢郡以縣屬隴州唐宋金元俱仍舊

本朝因之改屬鳳翔府

馮異擊盧芳匈奴兵破之北地上郡安定皆降○竇融遣

弟上書

書曰臣幸得託先后末屬累世二千石臣復假歷將帥

守持一隅故遣劉鈞口陳肝膽自以底裏上露長無纖

芥而重書盛稱蜀漢二主三分鼎足之權任囂尉佗之

謀竊自痛傷臣融雖無識猶知利害之際順逆之分豈

地徐思方畧異曰虜兵臨境怛伏小利遂欲深入若得

亦破王元於汧於是北地諸

豪長耿定等悉畔隗囂降

云漆水源出岐州普閔縣東南岐漆山漆溪東入渭今

城陽頃王子劉買於柁索隱曰柁音荀柁邑在臨州表

柁別也汧音牽地理志扶風有汧縣括地志云今隴州

馬東入渭索隱曰汧或作汧蓋有汧水汧山故也怛伏

本傳注慣習也左傳一夫不可怛注怛女九反亦伏也

怛音誓質實一統志云漆漢之縣名屬右扶風後魏置

復析置屬邠州神龍初屬京兆府景龍初復屬邠州宋

屬乾州金屬邠州元復屬乾州本朝因之屬西安府

淳化縣西一百三十里廢三水縣東二十五里汧漢之

縣名屬右扶風晉省隃麋後周置汧陽郡及縣以在汧

水之陽故名尋廢郡以縣屬隴州唐宋金元俱仍舊

本朝因之改屬鳳翔府

馮異擊盧芳匈奴兵破之北地上郡安定皆降○竇融遣

弟上書

書曰臣幸得託先后末屬累世二千石臣復假歷將帥

守持一隅故遣劉鈞口陳肝膽自以底裏上露長無纖

芥而重書盛稱蜀漢二主三分鼎足之權任囂尉佗之

謀竊自痛傷臣融雖無識猶知利害之際順逆之分豈

可皆真舊之主事姦偽之人廢忠貞之節為傾覆之事

而臣獨何以用心謹遣弟友詣闕口陳至誠友至高平

會隗囂反道不通乃遣司馬席封間道通書帝復遣封

賜融友書所以慰藉之甚厚融乃與隗囂書曰將軍親

遇厄會之際國家不利之時守節不回承事本朝融等

所以欣服高義願從役於將軍者良為此也而忿悁之

間改節易圖委成功造難就百年累之一朝毀之豈不



惜乎殆執事者貪功建謀以至於此當今西州地勢局迫民兵離散易以輔人難以自建計若失路不反聞道猶迷不南合子陽則北入文伯耳夫負虛交而易疆禦丘墟生民轉於溝壑幸賴天運少還而將軍復重其難是使積疴不得遂瘳幼孤將復流離言之可為酸鼻庸人且猶不忍况仁者乎融聞為忠甚易得宜實難憂人太過以德取怨知且以言獲罪也置不納

**集覽**  
底裏上露底裏猶底蘊也露披露也忿悞忿怒也悞榮年反亦忿也戰國策魯連曰棄忿悞之節負虛交與人交而不誠實易疆禦易輕之也公羊傳莊十二年仇牧不畏疆禦注禦禁也言力疆不可禁

**正誤**  
交今按負猶恃也言倚恃虛交指子陽文伯

**質實**  
一統志云高平漢之縣名為安定郡治所東漢永初間廢後魏置高平鎮後為太平郡兼置原州隋初廢郡州如故大業間廢州為高平郡唐初為原州後改平涼郡乾元初復原州宋置鎮戎軍金改為州屬平涼府元改為鎮原州屬鞏昌路本朝改州為縣屬平涼府

**隗囂降蜀**

先是隗囂問於班彪曰往者周亡戰國並爭數世然後定意者從橫之事復起於今乎將乘運迭興在於今日也彪曰周之廢興與漢殊異昔周爵五等諸侯從政本根既微技葉疆大故其未流有從橫之事執數然也漢承秦制改立郡縣主有專已之威臣無百年之柄至於成帝假借外家哀平短祚國嗣三絕故王氏擅朝能竊號位危自上起傷不及下是以即真之後天下莫不引領而歎十餘年間中外騷擾遠近俱發假號雲合成稱劉成不謀同辭方今雄傑帶州域者皆無六國世業之資而百姓謳吟思仰漢必復興已可知矣囂曰生言周漢之勢可也至於但見愚人習識劉氏姓號之故而謂漢復興踈矣昔秦失其鹿劉季逐而拮之時民復知漢乎彪乃為之著王命論以風切之曰俗見高祖興於布衣不達其故至此天下於逐鹿幸捷而得之不知神器有命不可以智力求也悲夫此世所以多亂臣賊子者也夫饑饉流隸饑寒道路所願不過一金然終轉死溝壑何則貧窮亦有命也况乎天子之貴四海之富神明之祚可得而妄處哉故雖遭羅厄會竊其權柄勇如信布疆如梁籍成如王莽然卒潤鑊伏質烹醢分裂又况公麼尚不及數子而欲閤奸天位者辱英雄誠知竟悟



遠覽深識審神器之有授母食不可冀則福祚流于子孫天祿其永終矣噐不聽馬援聞噐欲貳於漢數以書責譬之噐得書增怒及噐發兵反援上書願聽詣行在極陳噐之術帝乃召之援具言謀畫帝因使援將突騎五千往來遊說噐將高峻任禹之屬下及羗豪為陳禍福以離噐支黨援又為書與噐將楊廣使曉勸於噐曰援竊見四海已定兆民同情而季孟閉拒背畔為天下表的常懼海內切齒思相磨裂故遺書戀匕以致側隱之計乃聞季孟歸罪於援而納王游翁詣邪之說因自謂函谷以西舉足可定以今而觀竟何如邪今國家待春卿意深宜使牛孺卿與諸耆老大人共說季孟若計畫不從真可引領而去矣前披輿地圖見天下郡國百有六所奈何欲以區區二邦以當諸夏百有四乎春卿事季孟外有君臣之義內有朋友之道言君臣邪固當諫諍語朋友邪應有切磋豈有知其無成而但萎賤咋舌又手從族乎及今成計殊尚善也過是欲少味矣援不得久留願賜急報廣竟不能答噐上疏謝曰吏民聞大兵卒至驚恐自救臣噐不能禁止兵有大利不取廢臣子之節親自追還昔虞舜事父大杖則走小杖則受臣雖不敏敢忘斯義今臣之事在於本朝賜死則誅其子帝不忍復使來歙至汧陽賜噐書曰今若束手復遣恂弟歸闕庭者則爵祿獲全存浩大之福矣吾年垂四十在兵中十歲厭浮語虛辭即不欲勿報噐知帝審其詐遂遣使集覽假借外家假借並去声外家王氏稱臣於公孫述也謂以權勢假貸與諸舅秦失其鹿劉季逐而拮之史記淮陰侯傳秦失其鹿天下共逐之於是高材疾足者先得焉張晏曰以鹿喻帝位也劉季高帝也諱邦字季左傳襄十四年譬如捕鹿晉人角之諸戎拮之注拮居綺反賈逵注國語云從後牽曰拮流隸流離之人皂隸之徒信布韓信黥布梁籍項籍成如王莽謂王莽篡位其勢已成也後書邛彤傳皆成主注謂王即為已成之主即此公麼麼眉波反顏師古曰稱微細曰么麼閻奸天位閻於感反隱晦貌奸犯非禮也左傳襄十四年誰敢奸君注誰敢奸犯君位季孟隗噐字表的通鑑釋文曰表卑遙反標也言為標準的射的也言為指的王游翁詣邪之說王元字遊翁去年元說噐曰請以一丸泥東封函谷關春卿楊廣字姜賤咋舌又手從族通鑑釋文曰姜於罪反賤乃罪反姜賤奕弱也咋則革反大聲也以初加反手指相錯象义

死加刑則刑如更得洗心死骨不朽有司以噐言慢誅其子帝不忍復使來歙至汧陽賜噐書曰今若束手復遣恂弟歸闕庭者則爵祿獲全存浩大之福矣吾年垂四十在兵中十歲厭浮語虛辭即不欲勿報噐知帝審其詐遂遣使集覽假借外家假借並去声外家王氏稱臣於公孫述也謂以權勢假貸與諸舅秦失其鹿劉季逐而拮之史記淮陰侯傳秦失其鹿天下共逐之於是高材疾足者先得焉張晏曰以鹿喻帝位也劉季高帝也諱邦字季左傳襄十四年譬如捕鹿晉人角之諸戎拮之注拮居綺反賈逵注國語云從後牽曰拮流隸流離之人皂隸之徒信布韓信黥布梁籍項籍成如王莽謂王莽篡位其勢已成也後書邛彤傳皆成主注謂王即為已成之主即此公麼麼眉波反顏師古曰稱微細曰么麼閻奸天位閻於感反隱晦貌奸犯非禮也左傳襄十四年誰敢奸君注誰敢奸犯君位季孟隗噐字表的通鑑釋文曰表卑遙反標也言為標準的射的也言為指的王游翁詣邪之說王元字遊翁去年元說噐曰請以一丸泥東封函谷關春卿楊廣字姜賤咋舌又手從族通鑑釋文曰姜於罪反賤乃罪反姜賤奕弱也咋則革反大聲也以初加反手指相錯象义



卯辛

七年春三月罷郡國車騎材官還復民伍

唐朱金元俱仍舊本朝因之屬鳳翔府

**書法** 高帝之得天下也書兵罷歸家世祖之中興也

伏隋者其用心之公私不啻霄壤矣

**質實** 一統志班彪安陵人汧陽漢之縣名屬右扶風以在

前灌夫傳齟齬通齧也

今按昨與齟齬通齧也

帝紀酒心自新注酒小禮反汧陽扶風邑復遣

○公孫述立隗囂為朔寧王 **質實** 一統志云朔寧漢之郡名治馬邑縣東漢末廢

之故城在大同府城西南二百八十里朔州境內 ○是月晦日食詔百僚各上封

事不得言聖

太中大夫鄭興上疏曰夫國無善政則謫見日月要在

因人之心擇人處位今公卿大夫多舉漁陽太守郭伋

可大司空者而不以時定道路流言咸曰朝廷欲用功

臣功臣用則人位謬矣願陛下屈已從衆以濟群臣讓

善之功頃年日食每多在晦先時而合皆月行疾也日

君象而月臣象君亢急則陛下促迫故月行疾今陛下

高明而群臣惶促宜留思柔克之政垂意洪

範之法帝躬勤政事頗傷嚴急故興奏及之

**書法**

日食書求言有之矣未有書各者各者何無一人不責之以言也且戒不得言聖帝之遇災思

先於嚴急高明書洪範六三德高明柔克蔡氏傳曰高明者高亢明爽過乎中者也克

**質實**

漁陽郡名注見秦

**陽**

王政三年郭伋南



谷可謂誠矣  
故特書之

**發明** 人君莫不憚於聽言而詔各上封事人君莫不喜於好高而詔不得言聖書之于冊光武於是

乎不可及矣

夏五月以李通為大司空○冬盧芳朔方雲中郡降

考以事誅其五原太守李興兄弟其朔方太守田颯雲中太守喬扈各舉郡降帝令領職如故**質實**五原

郡名注見明帝永平八年朔方郡名注見武帝元朔元年雲中郡名注見秦王政三年

以杜詩為南陽太守

詩政治清平興利除害百姓便之又修治陂池廣拓土田郡內比室殷足時人方於召信臣南陽為之語曰前有召父母後

有杜母**集覽**召信臣字翁質實杜詩河內汲人召信臣九江壽春人

**書法**光武之後此稱蕭范而巳自是終東漢之世太守之賢者視良李固張綱輩皆以平盜賊稱則世道可悲矣

辰壬

八年春遣中郎將來歙伐隗囂取畧陽斬其守將夏閏四

月帝自將征囂竇融等率五郡兵以從囂衆皆降囂奔西

城吳漢引兵圍之**考異**據前書隗囂反後書討隗囂則此二條擊字伐字並當作討**考**

**證**伐當作討謹按鄧奉為漢破虜將軍彭寵漁陽太守隗囂以鄧奉承制為西州上將軍皆漢之臣子故曰誅

來歙將二千餘人伐山開道從番須回中徑襲畧陽斬

隗囂守將金梁囂大驚曰何其神也帝聞得畧陽甚喜

曰畧陽囂所依阻心腹已壞則制其支體易矣吳漢等

諸將聞歙據畧陽爭馳赴之上以為囂失所恃亡其要

城執必悉以精銳來攻曠日又圍而城不拔士卒頓敝乃可乘危而進皆追漢等還隗囂果使王元拒隴坻行

巡守番須口王孟塞雞頭道牛邯軍无亭囂自悉其大衆數萬人圍畧陽公孫述遣將李育田奔助之塹山築



隄激水灌城來歙與將士固死堅守矢盡發屋斷木以  
為兵器盡銳攻之累月不能下夏閏四月帝自征隗囂  
光祿勳郭憲諫曰東方初定車駕未可遠征乃當車拔  
珮刀以斷車勒帝不從西至漆諸將多以王師之重不  
宜遠入阻險計猶豫未決帝召馬援問之援因說隗囂  
將帥有土崩之勢兵進有必破之狀又於帝前聚米為  
山谷指畫形勢開示軍衆所從道徑往來分析昭然可  
曉帝曰虜在吾目中矣明旦遂進軍至高平第一竇融  
率王郡太守及羗虜小月氏等步騎數萬輜重五千餘  
兩與太軍會時軍旅草創諸將朝會禮容多不肅融  
先遣從事問會見儀帝聞而善之以宣告百僚乃置酒  
高會待融等以殊禮遂進軍數道上隴使王遵以書招  
牛邯下之拜邯太中大夫於是囂大將十三人屬縣十  
六衆十餘萬皆降囂將妻子奔西城從楊廣而田奔李  
育保上邽畧陽圍解帝勞賜來歙班坐絕席在諸將之  
右賜歙妻縑千匹進幸上邽詔告隗囂曰若束手自請  
父子相見保無他也若遂欲為黔布者亦自任也囂終  
不降於是誅其子恂使吳漢岑彭圍西城耿弇蓋延圍  
上邽以四縣封竇融為安豐侯弟友為顯親侯及五郡  
太守皆封列侯遣西還所鎮融以久專方面懼不自安

執謙退何不曉人意勉循士民無擅離部曲

**集覽**

番須

十七年畧陽注見晉懷帝永嘉四年士卒頓散委頓困

敝也隴坻在隴西郡漢陽縣坻音典禮反杜佑通典曰

漢陽有大阪曰隴坻亦曰隴山案隴山南連秦嶺北抵

黃河東西百八十里其阪九回上者七日乃越登隴東

望秦川極目泯然隴外無蠶桑五月凍解八月乃麥

頭道注見秦始皇二十七年斷車勒斷音短截也勒音

引所以引軸一曰駕車鞞在胷曰勒高平第一安定郡

高平縣有第一城此安定在隴西今熙河路寧州是西

城西邑名屬隴西郡有潘冢山漢水所出上邽地理志

通鑑綱目卷之第九

漢書卷之第九

三十九

八十八



里今設巡檢司於此郭憲汝南人漆縣名注見建武六年高平第一城名在平涼府鎮原縣東漢寇恂云隗囂將高峻據高平第一城即此西城漢之縣名屬隴西郡東漢末省之故城在鞏昌府城西九十里上却漢之縣名屬隴西郡晉天水郡治此隋仍舊唐廢之故城在鞏昌府秦州境內安豐漢初縣名屬陸安國東漢廢之故址在鳳陽府壽州南六十里今為安豐鄉顯親漢之縣名屬天水郡三國魏廢之故城在鞏昌府秦州東南

### 穎川盜起秋九月帝還宮六日自將討平之

穎川盜群起寇沒屬縣河東守兵亦叛京師騷動帝聞之曰吾悔不用郭子橫之言秋八月帝自上却晨夜東馳賜岑彭等書曰兩城若下便可將兵南擊蜀虜人若不知足既平隴復望蜀每一發兵頭須為白九月乙卯車駕還宮帝謂執金吾寇恂曰穎川迫近京師當以時定惟念獨卿能平之耳從九卿復出以憂國可也對曰穎川聞陛下有事隴蜀故狂校乘間相誑誤耳如聞乘輿南向賊必惶怖歸死臣願執銳前驅帝從之庚申車駕南征穎川盜賊悉降寇恂竟不拜郡百姓遮道曰穎從陛下復借寇君一年乃留恂長社鎮撫吏民受納餘

降東郡濟陰盜賊亦起帝遣李通王常擊之以東光侯耿純嘗為東郡太守威信著於衛地遣使拜太守大夫使與大兵會東郡東郡聞純入界盜賊九千餘人皆詣純降大兵不戰而還璽書復以純為東郡太守戊寅車駕還自集覽郭子橫之言先是郭憲嘗諫曰東方初定穎川車駕不可遠征從九卿復出以憂國可也

七制解云時寇恂為執金吾雖非九卿亦陪卿也可也猶言可乎長社地理志穎川郡有長社縣括地志云故城在今許州長社縣西其社中有樹暴長因名焉長如字讀三國魏文帝改曰許昌東郡今東昌州是杜甫詩東郡趨庭日注兖州漢之東郡也濟陰地理志景帝中六年別為濟陰國屬兖州括地志云曹州是也今曹州有濟陰縣東光今景實穎川郡以其社中有樹暴長州東光縣屬河間府

故名焉後周以許州治此本朝省入許州故址在開封府城西南二百二十五里東郡秦之郡名治聊城縣漢因之曹魏隸平原郡晉因之劉宋嘗置魏郡後魏置南冀州及平原郡治聊城未幾州廢隋初郡廢後置博州大業初州廢唐初復置天寶初復置博平郡乾元初復為博州五代晉徙治礫陵宋屬河北東路淳化間移



今治金屬大名府路元初隸東平路至元初析為博州  
路尋改為東昌路本朝改東昌府隸山東道濟陰漢  
之郡名治定陶縣後置國尋復為郡三國魏因之晉改  
為濟陽郡後周改為曹州隋復改濟陰郡唐初復為曹  
州後復為濟陰郡五代晉置威信軍周改為彰信軍宋為  
興仁府金復為曹州元仍舊本朝初改為縣後復為陸  
為州屬兗州府東光漢之縣名屬渤海郡後魏徙渤海  
郡治此隋初郡廢置觀州大業初州罷屬平原郡以安  
陵縣省入唐屬滄州貞元初改為屬景州五代周以弓高  
縣省入宋為永靜軍治金為觀州治元屬景州本朝  
因之改屬河間府

**書法**

特筆也帝於是可謂不敢自暇矣高帝書留四  
日復如廣武世祖書還宮六日自將討平之二

**轍**

祖同

**發明**

帝王經營大業固不可以憚勞然世祖方征隴  
坻自夏迄秋經歷數月至是還宮甫爾一聞穎  
川盜起即自將討之于時猛將如雲豈無可任之人  
顧乃不遑安處如此特書六日則帝之不自暇逸為

如何哉光濟  
中興宜矣

**冬公孫述遣兵救隗囂吳漢引兵下隴**

楊廣死隗囂窮困初帝勅吳漢曰諸郡甲卒但坐費糧  
食若有逃亡則沮敗衆心宜悉罷之漢等貪并力攻囂  
遂不能遣糧食日少吏士疲役逃亡者多岑彭壅谷水  
灌西城城未沒丈餘會王元行巡周宗將蜀兵五千餘  
乘高卒至鼓譟大呼曰百萬之衆方乃至漢軍大驚未  
及陳元等決圍殊死戰遂得入城迎囂歸冀吳漢軍食  
盡乃燒輜重引兵下隴蓋延耿弇亦相隨而退囂出兵  
尾擊諸營岑彭為後拒諸將乃得全軍東歸唯祭遵屯  
濟不退吳漢等復屯長安岑彭還津鄉於是安定北地  
天水隴西復反為囂校尉太原温序為囂將荀宇所獲  
宇欲降之序大怒叱宇等曰虜何敢迫脅漢將因以前  
搦殺數人宇衆爭欲殺之宇止之曰此義士死節可賜  
以劍序受劍街須於口顧左右曰既為賊所殺無令須  
汗血遂伏劍而死從事王忠持其喪歸雒陽詔賜以冢  
地拜三集覽殊死戰謂決意必死也顏師古曰殊絕也  
子為郎異也言其身首離絕而異處冀周以前為



西戎地秦武公滅却冀戎置縣括地志云冀縣屬天水郡東漢改天水為漢陽郡治冀

冀本冀戎之地名秦武公伏冀戎置冀縣東漢於此置漢陽郡晉屬天水郡後魏改當亭郡後周改冀城縣唐

改為伏羗縣兼置伏州尋廢州以縣屬秦州宋初為伏羗寨屬清水縣後為伏羗城屬秦州金察為寨元復陞

為伏羗縣本朝因之屬鞏昌府津鄉注見建武五年

大水

九年春正月征虜將軍穎陽侯祭遵卒於軍詔馮異領其

營質實

一統志云潁陽漢之縣名屬潁川郡東漢末廢之故城在河南府登封縣西南八十里

遵為人蕭約小心克己奉公賞賜盡與士卒約東嚴整

所任吏民不知有軍取士皆用儒術對酒設樂必雅歌

投壺臨終遺戒薄葬問以家事終無所言帝愍悼之尤甚遵喪至河南車駕素服臨之望哭哀慟親祠以大牢

詔大長秋謁者河南尹護喪事大司農給費至葬車駕臨其墳存見夫人室家其後朝會帝每嘆曰安得憂國

奉公如祭征虜者乎衛尉姚期曰陛下至仁哀念祭遵不已群臣各懷慙懼帝乃止

雅投壺為樂也一說雅歌者歌詩得騷雅之趣也投壺詳見禮記大長秋百官表有將行景帝更名大長秋注

皇后卿也後百官志大長秋一人前或用士人中興常用宦者職掌奉宣中宮命謁者注見高帝七年存見

者血質實姚期穎川人

書法

卒於軍何嘉死事也終綱目書卒于軍者八祭遵馮異馬援諸葛亮劉方段文操任雅李相嗣

業皆嘉之也故書卒於軍

隗囂死諸將立其子純

囂病且餓餐糗糒恚憤而卒王元周宗立囂小子純為王總兵據冀公孫述遣將趙匡田奔助純帝使馮異擊

之集覽糗糒去父反乾飯屑也糒也

公孫述遣兵陷夷陵據荆門



述遣其翼江王田戎大司徒任滿南郡太守程汎將數萬人下江關擊破馮駿等軍遂拔巫及夷道夷陵因據荆門虎牙橫江水起浮橋關樓立橫柱

**集覽**

江關荆門

山之間名曰江關荆門虎牙二山俱在峽州荆門在江南屬宜都縣虎牙在江北屬夷陵縣二山相對楚西塞也張式記云荆門峯巒對起厥狀如門故名荆門虎牙山石文如齒故名虎牙

**質實**

一統志云巫漢之縣名屬南郡晉屬建平郡梁為歸鄉縣置信陵郡後周郡廢改縣曰樂鄉屬信州

隋改為巴東縣唐屬歸州宋元仍舊國朝初改屬夷陵州後復屬荆州府夷道漢之縣名屬南郡蜀漢置宜都郡劉宋析置宜昌縣陳改宜都縣隋復曰宜昌屬荆州唐復曰宜都置江州改東松州貞觀中省州入宜都

縣宋元仍舊國朝因之改屬荆州府夷陵春秋楚國之地名秦伐楚燒之漢為夷陵縣屬南郡三國魏於此置臨江郡蜀漢改為宜都郡又改縣為西陵晉復曰夷陵梁兼置宜州西魏改為柘州後周又改峽州隋初郡廢後改州為夷陵郡唐初復為峽州天寶初又改夷陵郡元初復為峽州宋因之元改為峽州路國朝初為

峽州府後改為夷陵州以夷陵縣省入屬荆州府荆門山名在荆州府宜都縣西北五十里大江與南與虎牙山相對虎牙山名在荆州府城南大江北岸與荆門山相對狀如虎牙昔公孫述遣將依二山作浮橋拒漢師下有虎牙灘又名武牙

### 夏六月吳漢等擊盧芳匈奴救之漢等不利

吳漢率王常等四將軍兵五萬餘人擊盧芳將賈覽閔堪於高柳匈奴救之漢兵不利於是匈奴轉盛鈔暴日增詔朱祐屯常山王常屯涿郡破姦將軍侯進屯

**集覽**

高柳縣名屬代郡常山常本作恒漢書避文帝諱作常爾雅恒山為北嶽史記注恒山在定州恒陽縣西北百四十里白虎通曰陰終陽始其道常父故曰恒山漢恒山郡周武帝置恒州因山名焉今真定府是恒胡登反

**質實**

一統志云恒山漢初郡名治真定縣後避諱改曰常山武帝初置真定國於此常山屬焉東漢建武

間併真定屬常山國魏復為郡晉因之治真定後魏移治安樂壘後周於郡置恒州隋廢郡存州大業間省州



以縣屬高陽郡唐復置恒州開元間改恒山郡置大都督府元和中改鎮州後陞成德軍節度五代時梁改武順軍唐復為成德軍後復為鎮州宋為真定府成德軍節度金屬河此西路元改真定路國朝改為真定府直隸京師涿郡注見帝玄更始二年漁陽郡名注見秦王政三年上谷郡名注同見上年

遣來歙馬援護諸將馮異等屯長安

帝使來歙悉監護諸將屯長安太中大夫馬援為之副歙上書曰公孫述以隴西天水為藩蔽故得延命假息今二郡平蕩則述智計窮矣宜益選兵馬儲積資糧今西州新破兵人疲饑若招以財穀則其衆可集臣知國家所給非一用度不足然有不得已集覽假息假權也也帝然之於是詔於沂積穀六萬斛集覽猶言苟延視息之質實隴西郡名注見秦王政三年天水郡名注見建武六年

秋八月歙率異等討隗純於天水○以牛邯為護羌校尉

諸羌自王莽未入居塞內金城屬縣多為所有隗囂不能討因就慰納發其衆與漢相拒司徒掾班彪上言今涼州部皆有降羌羗胡被髮左衽而與漢人雜處習俗既異言語不通數為小吏黥人所見侵奪窮恚無聊故致反叛夫蠻夷寇亂皆為此也舊制益州部置蠻夷騎都尉幽州部置領烏桓校尉涼州部置護羌校尉皆持節領護治其怨結歲時巡行問所疾苦又數遣使譯通道動靜使塞外羗夷為吏耳目州郡因此可得警備今宜復如舊制以明威防帝集覽烏桓注見宣帝本始三年從之以牛邯為護羌校尉集覽烏桓注見宣帝本始三年譯使去聲譯傳四夷之言者譯質實金城郡名注見建武十年涼州注見建武十年涼州注見建武十年建興三年幽州注見唐高祖武德四年

封陰就為宣恩侯考異陰貴人弟就

盜殺陰貴人母鄧氏及弟訢帝甚傷之封貴人弟就為宣恩侯復召就兄侍中興欲封之置印綬於前興固讓曰臣未有先登陷陳之功而一家數人並蒙爵土今天下缺望誠所不願帝嘉之不奪其志貴人問其故興曰



夫外戚家苦不知謙退嫁女欲配侯王取婦眡曉公主  
愚心實不安也富貴有極人當知足誇奢益為觀聽所  
譏貴人感其言深自降

鄭伯之旗以先登注率先鄭兵也陷陳謂  
中缺望注見高帝六年取婦取讀與娶同眡  
反眡研計反斜視也誇奢誇張自大  
奢侈也降挹挹乙力反義與抑同  
以器俯而取水曰質實陰貴人譚麗華南陽  
挹故為謙下之義新野人光武帝之后

午甲

十年春正月吳漢等擊盧芳將賈覽破走之○夏征西大

將軍夏陽侯馮異卒於軍質實一統志云夏陽漢之縣名

城在西安府郿陽縣東四十里  
內有周文王妃太妙墓存焉

書法 書卒於軍 嘉死事也

○秋八月帝如長安遂至汧隗囂將高峻降

初隗囂將高峻擁兵據高平第一建威大將軍耿弇等  
圍之一歲不拔帝自將征之寇恂諫曰長安道里居中  
應接迹便安定隴西必懷震懼此從容一處可以制四  
方也今士馬疲倦方履險阻非萬乘之固也前年潁川  
可為至戒帝不從進幸汧遣寇恂往降之恂至第一峻  
遣軍師皇甫文出謁辭禮不屈恂怒將誅之諸將諫曰  
高峻精兵萬人率多彊弩西遮隴道連年不下今欲降  
之而反戮其使無乃不可乎恂不應遂斬之遣其副歸  
告峻曰軍師無禮已戮之矣欲降急降不欲固守峻惶  
恐即日開城門諸將皆賀因曰敢問殺其使而降其城  
何也恂曰皇甫文峻之腹心其所取計者也今來辭意  
不屈必無降心全之則文得其計殺之則峻亡其膽是  
以降耳諸將皆曰非所及也

正誤

從容一處今按從七容切

質實

高平第一城名注見建武八年

冬十月來歙等攻破落門隗純降王元犇蜀隴右悉平集

覽 落門聚名在天水郡冀縣南



徒諸隗於京師以東後隗純與  
賓客亡入胡至武威捕得誅之  
又於此置涼州後魏立武威郡隋為涼州唐初為李軌  
所據尋克平之復置涼州天寶初改武威郡宋改為西  
涼府元改西涼州 國朝改置涼  
州衛仍屬四川行都指揮使司

先零羗寇金城來歙擊破之

於是開倉廩以賑饑乏  
隴右遂安而涼州通焉  
郡魏晉時為重鎮後魏周並為武始郡隋初廢郡為蘭  
州大業初廢州置金城郡唐復置蘭州天寶初改金城  
郡乾元初復為蘭州宋治蘭泉縣金廢蘭泉  
元屬鞏昌路 國朝改州為縣屬臨洮府

帝還宮

**書法**

八月如長安於  
是還宮志久也

十一年春三月遣吳漢等將兵會岑彭伐蜀破其浮橋遂

入江關

岑彭屯津鄉數攻田戎等不克帝遣吳漢率誅虜將軍  
劉隆等三將發荊州兵凡六萬餘人騎五千匹與彭會  
荊門彭裝戰船數十艘吳漢以諸郡棹卒多費糧穀欲  
罷之彭以為蜀兵盛不可遣上書言狀帝報彭曰大司  
馬習用步騎不曉水戰荊門之事一由征南公為重而  
已閏月岑彭令軍中募攻浮橋先登者上賞於是偏將  
軍魯奇應募而前時東風狂急魯奇船逆流而上直衝  
浮橋而攢柱有反把鉤奇船不得去奇等乘勢殊死戰  
因飛炬焚之風怒火盛橋樓崩燒岑彭悉軍順風並進  
所向無前蜀兵大亂溺死者數千人斬任滿生獲程汎  
而田戎走保江州彭上劉隆為南郡太守自率輔威將  
軍臧宮驍騎將軍劉歆長驅入江關令軍中無得虜掠  
所過百姓皆奉牛酒迎勞彭復讓不受百姓大喜爭開  
門降詔彭守益州牧所下郡輒行太守事彭若出界即  
以太守號付後將軍選官屬守州中長吏彭到江州以  
其城固糧多難卒拔留馮駿守之自引兵乘利直指墊  
江攻破平曲收其米數十萬  
石吳漢留夷陵裝露橈繼進

**集覽**

艘蘇刀反船之總名  
棹卒猶言篙師也棹



直教反所以進船一由征南公為重先是岑彭為征南大將軍後封於沔水故今稱為征南公言事權盡當歸重於彭彭上劉隆上是掌反登進之墊江禹貢梁州之域秦漢巴郡墊江縣宋於此置宕渠郡西魏置合州改墊江為石鏡縣改宕渠曰墊江郡隋唐改合州墊音徒爾雅檝謂之橈正義曰橈短楫也露橈者謂露其楫在外人在船之中

**正誤** 彭上劉隆為南郡太守今按上謂上請質實一統志云津鄉地名注見建武五年而命之也

注見建武九年江州漢之縣名為巴郡治所蜀漢改為巴縣後周改巴城縣隋唐渝州治於此宋復為巴縣元併壁山縣入焉國朝因之改為重慶府治所仍屬焉南郡注見獻帝建安十二年荆州臧宮穎川人江關注見建武九年益州注見後主建興三年墊江秦之縣名屬巴郡漢晉因之劉宋於此置東宕渠郡南齊以墊江屬寧蜀郡西魏置合州改郡曰墊江改縣曰石鏡隋開皇初郡廢後改合州曰涪州大業初州廢為涪陵郡唐初復改合州大寶初又改巴川郡乾元初復為合州宋因之改縣曰石照淳祐中遷州治約魚山元復舊治

以赤水縣省入石照後併縣入州國朝因之屬重慶府夷陵縣名注見建武九年

**書法**

特筆也浮橋不破則江關不可入蜀未易攻也攻取之際事有關於成敗者綱目必特筆書之

漢書破蜀浮橋唐書斷周浮梁丁巳年皆特筆也

夏先零羗反以馬援為隴西太守擊破之集覽先零羗注見宣帝元年

康四年 ○公孫述遣王元拒河池六月諸將擊破之述使盜殺監護使者來歙詔以將軍馬成代之

公孫述以王元為將軍使與領軍環安拒河池六月來歙與蓋延等進攻元安大破之遂克下辨乘勝遂進蜀人大懼使刺客刺歙未殊馳召蓋延延見歙因伏悲哀不能仰視歙叱延曰虎牙何敢然今使者中刺客無以報國故呼巨卿欲相屬以軍事而反效兒女子涕泣乎刃雖在身不能勒兵斬公邪延收淚彊起受所誠歙自書表曰臣夜人定後為何人所賊傷中臣要害臣不敢自惜誠恨奉職不稱以為朝廷羞夫理國以得賢為本



太中大夫段襄骨鯁可任願陛下裁察又臣兄弟不肖終恐被罪陛下哀憐數賜教督投筆抽刀而絕帝聞大驚省書攬涕以楊武將軍馬成守中郎將代之歛喪還洛陽乘輿縞素臨弔送葬

**集覽**

河池秦隴西郡

地漢武置武都郡其屬有河池縣隋置河池郡唐改為鳳州河池縣隸焉在利州西路下辨注見獻帝建安二

十二年末殊謂命未殊絕虎牙謂虎牙將軍蓋延巨卿蓋延字骨鯁注見漢王劉邦三年縞素注見秦莊襄王

三**質實**一統志云河池漢之縣名屬武都郡晉陷於氏

名河池縣唐因之元於此置南鳳州至元初改為徽州以河池及永寧縣省入鞏昌國朝因之屬鞏昌府

帝自將征蜀秋七月次長安

**考證**

征當作伐○謹按公孫述據蜀固未嘗臣於光

武凡例曰用兵若非其臣子曰伐蜀○岑彭及將軍臧宮大破蜀

兵延岑走王元以其衆降

公孫述使其將延岑呂鮪王元公孫恢悉兵拒廣漢及資中又遣將侯丹率二萬餘人拒黃石岑彭使臧宮將

降卒五萬從涪水上平曲拒延岑自分兵浮江下還江州泝都江而上襲擊侯丹大破之因晨夜倍道兼行二

千餘里徑拔武陽使精騎馳擊廣都去成都數十里執若風雨所至皆奔散初述聞漢兵在平曲故遣大兵逆

擊之及彭至武陽統出延岑盛兵於沅水臧宮衆多食少轉輸不至降者皆欲散畔郡邑復更保聚觀望成敗宮欲

引還恐為所及會帝遣謁者將兵詣岑彭有馬七百匹宮矯制取以自益晨夜進兵多張旗幟登山鼓譟左步

右騎挾船而引呼聲動山谷岑不意漢軍卒至登山望之大震恐宮因縱擊大破之斬首溺死者萬餘人水為

之濁延岑奔成都其衆悉降軍至陽鄉王元舉衆降帝與公孫述書陳言禍福示以丹青之信述省書嘆息以

示所親太常常少光祿勳張隆皆勸述降述曰廢興由命也豈有降天子哉左右莫

敢復言少隆皆以憂死**集覽**資中漢犍為郡資中縣

資州於資中故城隋置資陽郡唐改資州宋因之涪水關名在龍州距城一里水出廣漢郡劄氏道徼外南入

于漢都江即成都江也在益州成都縣括地志云郫江一名成都江一名市橋江一名中日江一名內江西北



自新繁縣界流來武陽縣屬捷為郡廣都縣屬益州今  
成都府縣去府東七十里沅水沅音元水在武陵郡臨  
沅縣南酈道元水經云沅本作沅水在廣漢郡入涪或  
作沅非是應劭曰沅水出牂牁郡且蘭縣入于江去武  
陵界分為五谿質實一統志云廣漢縣名注見建武六  
年資中漢之縣名屬捷為郡後周  
改盤石縣徙資州治此兼置資中郡隋初廢郡後改州  
為資陽郡唐改郡為資州天寶初復為郡乾元初又為  
州宋屬潼川府元省入簡州後復置國朝改州為資  
州屬成都府涪水在成都府綿州治東南源自龍州下  
流入潼川界都江在成都府城西四里水宜造粉故又  
名粉江武陽秦之縣名屬蜀郡漢屬捷為郡王莽改曰  
戰成東漢仍曰武陽為犍為郡治梁故靈石縣西魏改  
縣曰隆山置江州後周省州置隆山郡隋初郡廢以縣  
屬陵州唐因之先天初改彭山縣屬眉州宋元仍舊  
國朝併入眉縣屬眉州廣都漢之縣名屬蜀郡晉置寧  
蜀郡後周郡廢隋初改廣都為雙流縣取蜀都賦帶二  
江之雙流為名唐復析置廣都縣宋仍舊元省廣都入  
焉國朝因之仍屬成都府沅水  
在潼川州射洪縣東南八十里

帝還宮○冬十月公孫述使盜刺殺征南大將軍舞陰侯

岑彭

冬十月公孫述使刺客詐為亡奴降岑彭夜刺殺彭太  
中大夫監軍鄭興領其營以侯吳漢至而授之彭持軍  
整齊秋毫無犯邛穀王任貴聞彭威信數千里遣使迎  
降會彭已被害帝盡以任貴所獻賜彭妻子蜀人為立  
廟祠質實一統志云舞陰漢之縣名屬南陽郡東漢改  
之質實臨舞縣及置期城郡隋廢郡以縣屬顯州唐  
始改必陽縣乾元初屬唐州五代梁初嘗以汝州徙治  
此宋金皆屬唐州元初因之後省國朝復置改屬南  
陽府邛穀王任貴愚按一統志考索歷代郡州府縣俱  
無號為邛穀者惟漢武時任貴為越雋郡太守建武中  
封為邛都國王未  
知是否知者鑑之

**書法**

於是再書述使盜殺述之所以備禦者下  
矣終綱目書使盜殺三公孫述二表附一

馬成等破河池平武都遂與馬援擊破先零羗

通鑑綱目卷九

漢書卷九

卷九

同



先零諸羗數萬人屯聚寇鈔拒浩壘隘成與馬援深入討擊大破之徙降羗致天水隴西扶風是時朝臣以金城破羗之西塗遠多寇議欲棄之馬援上言破羗以西城多完牢易可依固其田土肥壤灌漑流通如今羗在湟中則為害不休不可棄也帝從之民歸者三千餘口援為置長吏繕城郭起鳩候開溝洫勸以耕牧郡中樂業又招撫塞外氏羗皆來降附援奏復其侯王君長帝悉從之乃罷馬成軍

**集覽** 浩壘注見元年金城注見武帝元狩二年破羗縣名屬金城湟中注見宣帝元康四年城郭釋名郭廓也廓落在城外也鳩候許慎說文鳩本作鳩小障也司望曰候守疆吏也氏羗風俗通曰氏本西南夷種羗本西方牧羊人地理志武都白馬氏魚豢魏畧云漢置武都郡排其種人分竄山谷或號青氐或號白氐續漢書云羗本三苗姜姓之別裔今河

**質實** 一統志云破羗漢之縣名屬金城關之西南羗是

髮烏孤所據後魏置鄯州後周改置樂都郡隋初郡廢置鄯州大業初廢州置西平郡唐因之治湟水縣上元間沒於吐蕃號青唐城宋叔復置鄯州尋改西寧州元屬亦集乃路 國朝改置西寧衛屬陝西行都司

以郭伋為并州牧

郭伋為并州牧過京師帝問以得失伋曰選補衆職當簡天下賢俊不宜專用南陽人是時在位多鄉曲故舊故伋言

**集覽** 郭伋姓名

**質實** 并州注見晉愍帝建興四年

十二年春正月吳漢大破蜀兵遂拔廣都

申丙

吳漢破公孫述將魏黨公孫求於魚涪津遂圍武陽述遣子壻史興救之漢迎擊破之因入犍為界諸縣皆城守詔漢直取廣都據其腹心漢乃進軍攻廣都拔之遣輕騎燒成都市橋公孫述將帥恐懼日夜離叛述雖誅滅其家猶不能禁帝必欲降之又下詔諭述曰勿以來歛岑彭受害自疑今以時自詣則宗族完全詔書手記不可數得述

**集覽** 魚涪津水渡也名曰魚涪在犍

**質實** 一統志云魚涪津在眉州彭山縣東北二里武陽縣

**實** 一統志云魚涪津在眉州彭山縣東北二里武陽縣

之樊國也東漢徙治武陽縣南齊復為犍為郡治梁武帝立戎州又置六同郡於南廣縣隋初廢六同郡而存



戎州大業初改州為犍為郡唐武德初復為戎州移治南溪貞觀初復移治犍道天寶初改州為南溪郡乾元初復為戎州宋初州治宜賓政和間改為叙州取西戎即叙之義元陸叙州路以叙南等處宣撫司治此國朝改為叙州府隸四川道廣都縣名注見建武十一年

秋七月將軍馮駿拔江州獲田戎○吳漢進攻成都九月

入其郭滅宮拔綿竹引兵與漢會

帝戒吳漢曰成都十萬衆不可輕也但堅據廣都待其擊也漢乘利遂自將步騎二萬進逼成都去城十餘里阻江北營作浮橋使副將武威將軍劉尚將萬餘人屯於江南為營相去二十餘里帝聞之大驚讓漢曰此救公千條萬端何意臨事勃亂既輕敵深入又與尚別營事有緩急不復相及賊若出兵綴公以大眾攻尚尚破公即敗矣幸無他者急引兵還廣都詔書未到九月述果使其大司徒謝豐執金吾表吉將衆十許萬分為二十餘營出攻漢使別將將萬餘人劫劉尚令不得相救

漢與大戰一日兵敗走入壁豐因圍之漢乃召諸將厲之曰吾與諸君踰越險阻轉戰千里遂深入敵地至其城下而今與劉尚二處受圍執既不接其禍難量欲潛師就尚於江南并兵禦之若能同心一力人自為戰大功可立如其不然敗必無餘成敗之機在此一舉諸將皆曰諾於是饗士秣馬閉營三日不出乃多樹幡旗使烟火不絕夜銜枚引兵與劉尚合軍豐等不覺明日乃分兵拒水北自將攻江南漢悉兵迎戰遂大破之斬豐吉於是引還廣都留劉尚拒述具以狀畧尚而深自譴責帝報曰公還廣都甚得其宜述必不敢畧尚而擊公也若先攻尚公從廣都五十里悉步騎赴之適當值其危困破之必矣自是漢與述戰於廣都成都之間入戰八克遂軍於其郭中滅宮拔綿竹破涪城斬公孫恢復攻拔繁郫與吳漢會於成都

集覽

綴公綴

義執金吾注見武帝太初元年又崔豹古今注云金吾車輻棒也漢執金吾亦棒名以銅為之金塗兩末謂之

金吾御史大夫司隸校尉亦得執焉郡守縣長例皆以木為金吾用以乘車形如車輻轉戰陸克反轉相戰

闕也饗士秣馬秣莫易反食馬以穀曰秣顏師古曰士言饗馬言秣皆所以飽之也綿竹縣名屬廣漢郡今成



都路漢州綿竹縣繁郫二縣名也繁符表反今成都新繁縣是郫浦眉反古郫城也今成都郫縣是**正誤**

**出**兵綴公今按**質實**一統志云綿竹縣名注見獻帝興平元年涪城漢之縣名屬廣漢郡

東漢以後因之後周改為安城縣隋復為涪城縣元併入郫縣故城在潼川州西北六十里**繁漢之縣名屬蜀**

郡以繁江為名蜀漢改為新繁縣晉宋齊復為繁縣後周仍改新繁隋省入成都縣唐初復置宋元仍舊**本**

朝因之屬成都府**郫**古邑名為蜀王杜宇所都秦始置郫縣隸蜀郡漢以後並因之隋大業初縣省尋復置唐

因之垂拱初析成都置犀浦縣宋省犀浦入焉元仍舊**本朝因之屬成都府**

### 大司空通罷

通欲避權乞骸骨積二歲帝**集覽**以特進奉朝請特進乃聽上印綬以特進奉朝請

奉朝請如古諸侯朝請之禮也**集覽**注見成帝鴻嘉元年曰請請音才性反杜佑通典曰奉朝請本不為官無員

漢東京罷三公外戚宗室諸侯多奉朝請奉朝請者奉朝會請召而已

### 冬十一月公孫述引兵出戰吳漢擊殺之延岑以成都降

### 蜀地悉平

公孫述困急謂延岑曰事當奈何岑曰男兒當死中求生可坐窮乎財物易聚耳不宜有愛述乃悉散金帛募

敢死士五千餘人以配岑岑襲擊破吳漢軍漢隨水緣馬尾得出漢軍餘七日糧陰具船欲遁去蜀郡太守張

堪聞之馳往見漢說述必敗不宜退師之策漢從之冬十一月滅宮軍咸陽門述自將數萬人攻漢使延岑扼

宮大戰岑三合三勝自旦至日中軍士不得食並疲漢因使護軍高午唐卿將銳卒數萬擊之述兵大亂高午

奔陳刺述洞胸墮馬左右輿入城述以兵屬延岑其夜死明日延岑以城降吳漢夷述妻子盡滅公孫氏并族

延岑遂放兵大掠焚述宮室帝聞之怒以譴漢又讓劉尚曰賊降三日吏民從服一旦放兵縱火聞之可為酸

鼻尚宗室子孫嘗更吏職何忍行此良失斬將弔民之義也初述徵廣漢李業為傳士業固稱疾不起述蓋不

能致使大鴻臚尹融奉詔命以劫業若起則受公侯之位不起賜以毒酒融譬旨曰方今天下分崩孰知是非

通鑑綱目卷之第九十一 蜀書卷之二十一 蜀書卷之二十一 蜀書卷之二十一



而以區區之身試於不測之淵乎朝廷貪慕名德曠官  
缺位于今七年四時珍御不以忘君宜上奉知已下為  
子孫身名俱全不亦優乎業乃歎曰古人危邦不入亂  
邦不居為此故也君子見危授命乃誘以高位重餌乎  
融曰宜呼室家計之業曰丈夫斷之於心久矣何妻子  
之為遂飲毒而死述耻有殺賢之名遣使弔祠贈百  
匹業子暈逃辭不受又聘巴郡譙玄玄不詣亦遣使者  
以毒藥劫之太守自詣玄廬勸之行玄曰保志全高死  
亦奚恨遂受毒藥玄子瑛泣血叩頭於太守願奉家錢  
千萬以贖父死太守為請述許之述又徵蜀郡王皓王  
嘉恐其不至先繫其妻子使者謂嘉曰速裝妻子可全  
對曰犬馬猶識主况於人乎王皓先自刎以首付使者  
述怒遂誅皓家屬王嘉聞而嘆曰後之哉乃對使者伏  
劍而死犍為費貽不肯仕述漆身為癩陽狂以避之同  
郡任永馮信皆託青盲以辭徵命帝既平蜀詔贈常少  
為太常張隆為光祿勳譙玄已卒祠以中牢救所在還  
其家錢而表李業之間徵費貽任永馮信會永信病卒  
獨貽仕至合浦太守上以述將程烏李育有才幹皆擢  
用之於是西主皆悅莫不歸心焉

**集覽**

歷職主吏事劫業劫者威驅勢

魯也業謂李業贈公羊傳隱元年貨財曰贈何休注  
云贈音附助也疏云案既夕禮曰知死者贈知生者贈  
鄭注云各主於所知也又聘禮注見齊武帝永明五年  
後之哉我死建於王皓矣青盲眼科龍木總論曰高風  
雀目內障肝風目暗內障後皆變質實蜀郡注見後主  
為青盲中牢注見昭帝元鳳元年延興三年張堪  
南陽宛人廣漢縣名注見建武六年巴郡注見獻  
帝建安十四年合浦郡名注見武帝元鼎六年

**參狼羗寇武都馬援擊破之**

是歲參狼羗與諸種寇武都隴西太守馬援擊破之降  
者萬餘人於是隴右清靜援務開恩信寬以待下任吏  
以職但總大體而賓客故人日滿其門諸曹時白外事  
援輒曰此丞掾之任何足相煩頗哀老子使得遨遊若  
大姓侵小民黠吏不從令此乃太守事耳傍縣嘗有報  
讐者吏民驚言羗反百姓犇入城狄道長詣門請閉城  
發兵援時與眉客飲大笑曰虜何敢復犯我曉狄道  
長歸守寺舍良怖急者可牀下伏後稍定郡中服之

**覽**

參狼羗武都西羗種名也參所今反黠吏不從  
令黠下八反桀黠也本傳作黠羗欲旅距注旅距不



從貌曉狄道長曉諭狄道縣之令長也狄  
道注見高皇后六年寺舍官舍謂之寺  
獻帝二十四年隴西郡  
名注見秦王政三年

詔邊吏料敵戰守不拘以逗留法

**質實** 逗留注見宣帝本始二年

**發明**

遇敵不進則法有逗留之罪然兵有利鈍事有緩急要在隨機應變可也光武當四海平定之後詔邊吏料敵戰守不拘以逗留法不獨知用兵之要亦足見不貪功之意宜乎綱目詳書以美之也

○盧芳與匈奴烏桓連兵寇邊遣將軍杜茂將兵築亭障

以備之

茂治飛狐道築亭障修烽燧凡與匈奴烏桓大小數十百戰終不能克

**集覽** 飛狐注見漢王劉邦三年

右曰漢制每塞上要險處別築為城因置吏士而為障蔽以杆寇謂之候城此即障也

**書法**

盧芳前書入塞而已此其書寇何引狄亂華則足以寇之矣

竇融及五郡太守入朝以融為冀州牧

上詔竇融與五郡太守入朝融等奉詔而行官屬賓客相隨駕乘千餘兩既至詣城門上印綬詔遣使者還侯

印綬引見賞賜恩寵傾動京師尋拜融冀州牧又以梁統為太中大夫姑臧長孔奮為武都郡丞姑臧在河西

最為富饒天下未定士多不修檢操奮在職四年力行清潔為衆人所笑以為身處脂膏不能自潤及從融入

朝諸守令財貨連轂彌竟川澤唯**集覽** 姑臧縣名在河

奮無資單車就道帝以是賞之

地志云姑臧在羌胡中**質實** 冀州注見秦二世二年為富饒檢操本傳作節操

**姑臧** 縣名注見晉元帝建武六年孔奮扶風茂陵人

雍奴侯寇恂卒 **質實** 一統志云雍奴漢之縣名屬燕陽郡初改為武清縣五代宋金皆因之元初屬大興府尋割隸鄭州 國朝改屬通州仍隸順天府



三年春正月大司徒霸卒。詔太官勿受郡國異味。

詔曰郡國獻異味其令太官勿復受遠方口實所以為宗廟自如舊制時異國有獻名馬者日行千里又進寶

劍價値百金詔以劍賜騎士馬駕鼓車上雅不喜听音樂手不持珠玉嘗出獵車駕夜還上東門候郵憚拒闕

不開上令從者見面於門間憚曰大明遼遠遂不受詔上乃回從中東門入明日憚上書諫曰陛下遠獵山林

夜以繼晝如社稷宗廟何書奏賜**集覽**太官注見武帝憚布百匹賤中東門候為參封尉

**鼓車**七制解云馬在轆中曰駕天子車駕出後有黃門鼓車案鼓車載鼓之車也鹵簿中有記里鼓車上東門

候郵憚雒陽城十二門按十二支每一方三門李左銘之曰上東少陽厥位在寅上東者寅方門也每門候一

人秩六百石屬城門校尉司啓閉出入郵憚其姓名郵之日反憚於紛反中東門銘曰中東門仲月位當卯中

東者卯方門也參封尉參封**質實**郵憚汝南縣名屬琅琊郡尉主盜賊**質實**西平人

**書法**書美非食也後此和帝有詔太官勿受遠國珍羞之書安帝有省薦新物二十三種之書帝啓

網也與書置檢校進食使者異矣唐玄宗天寶九年永元十五年安帝永初六年辛亥年周

**發明**自古人君莫不勤苦於多事之時而宴安於無事之日于時龍蜀既平四海寧一以積年間關

政履之勞至是亦可自安少享玉食之奉而乃申詔太官勿受郡國異味則帝之兢兢畏謹畧無自滿之

意為如何哉書之于冊可以為人君暫得少安即肆奢慾者之戒矣

盧芳犇匈奴

盧芳攻雲中久不下其將隨昱留守九原欲脅芳來降芳知之與十餘騎亡入匈奴其眾盡歸隨昱乃詣闕

降詔拜昱五原太守封鐫胡侯**集覽**鐫胡侯鐫謂能琢也故以為號**質實**雲中郡名

政三年九原郡名注見明帝永平六年五原

詔諸王皆降為公侯



朱祐奏古者人臣受封不加王爵詔長沙王興真定王  
得河間王邵中山王茂皆降爵為侯趙王良為趙公太  
原王章為齊公魯王興為魯公是時宗  
室及絕國封侯者凡一百三十七人

**發明**

王者有天下之號非人臣所得稱也天無二日  
民無二王焉有諸王並封之理自戰國諸侯僭  
號交稱而後秦人更以皇帝自尊由漢以來遂以王  
爵而封臣子可謂失之甚矣先武詔諸王皆降為公  
侯深合古典惜乎不能終守此制爾大書  
于冊亦足為後世封爵臣子者之法也

以紹嘉公孔安為宋公承休公姬常為衛公

元帝初 ○以韓歆為大司徒 **質實** 韓歆南陽人 ○夏四月吳漢

軍還大饗將士諸功臣皆增邑更封

吳漢自蜀振旅而還夏四月至京師於是大饗將士功  
臣增邑更封凡三百六十五人其外戚恩澤封者四十  
五人定封鄧禹為高密侯食四縣李通為固始侯賈復  
為膠東侯食六縣餘各有差已歿者益封其子孫或更

封支庶帝在兵間久厭武事且知天下疲耗恩樂息肩  
自隴蜀平後非警急未嘗復言軍旅皇太子嘗問攻戰

之事帝曰昔衛靈公問陳孔子不對此非爾所及鄧禹  
賈復知帝偃干戈修文德不欲功臣擁衆京師乃去甲

兵敦儒學帝思念欲完功臣爵土不令以吏職為過遂  
罷左右將軍官耿弇等亦上大將軍印綬皆以列侯就

第加位特進奉朝請鄧禹內行淳備有子十三人各使  
守一藝修整閨門教養子孫皆可以為後世法資用國

邑不修產利賈復為人剛毅方直多大節既還私第闔  
門養威重朱祐等薦復宜為宰相帝方以吏事責三公

故功臣並不用是時列侯唯高密固始膠東三侯與公  
卿參議國家大事恩遇甚厚帝雖制御功臣而每能回

容宥其小失遠方貢珍其必先徧賜諸侯而太官無餘  
故皆保其福祿無誅譴者胡氏曰鄧禹賈復寇恂朱祐

祭遵卓茂之徒皆公輔之器宜為宰相平章大論乃一  
切待以功臣不復任使雖有經國遠猷豈敢自陳耶

**集覽** 高密注見漢王劉邦四年固始即固陵本屬陳州

後改固始今屬光州膠東注見漢王劉邦元年更

封支庶更改也支庶謂庶孽之多如木之有枝也又庶  
孽注見景帝三年乃去甲兵去上聲賈復傳作迺與鄧



禹並剽甲兵注剽匹妙反削也削去之也以吏事責三公太尉公掌四方兵事司徒公掌人民孝悌謙儉事司空公掌水土營城起邑浚溝洫修墳坊事質實一統志云固始東漢之縣名改置滄州隋初州郡並廢以縣屬弋陽郡唐屬光州宋以廢城縣省入元仍舊本朝因之屬汝寧府

### 以竇融為大司空

融自以非舊臣一旦入朝在功臣之右每召會進見容貌辭氣卑恭已甚帝愈親厚之融小心又不自安數辭爵位上疏曰臣融有子朝夕教導以經藝不令觀天文見識記欲令恭肅畏事恂恂守道不願其有才能况當傳以連城廣土享故諸侯王國哉帝不許詔勿得復言

### 五月匈奴寇河東

質實河東郡名注見獻帝建安七年

### 十四年沙車郵善遣使奉獻請置都護不許

考異提要漏置字

沙車王賢郵善王安皆遣使奉獻西域苦匈奴重斂皆願屬漢復置都護上以中國新定不許質實車國名注見武帝元鼎二年郵善國名注見上年

### 太中大夫梁統請更定律不報

考異提要律下有令字

統上疏曰臣竊見元帝輕殊死刑三十四事哀帝輕殊死刑八十一事其四十二事手殺人者減死一等自後著為常準故人輕犯法吏易殺人臣聞刑罰在衷無取於輕高帝受命約令定律誠得其宜文帝唯除省肉刑相坐之法至哀平繼體即位日淺聽斷尚寡丞相王嘉輕為穿鑿虧除先帝舊約成律數年之間百有餘事或不便於理或不厭民心謹表具尤害於體者傳奏於左願陛下宣詔有司詳擇其善定不易之典事下公卿光祿勳杜林奏曰大漢初興蠲除苛政海內歡欣及至其後漸以滋章果桃李茹之饋集以成賦小事無妨於義以為大戮至於法不能禁令不能止上下相遁為散彌深臣愚以為宜如舊制統復上言曰臣之所奏非曰嚴刑經曰爰制百姓于孝宣海內稱治至初元建平而盜賊浸也自高祖至于孝宣海內稱治至初元建平而盜賊浸



多皆刑罰不衷愚人易犯之所致也由此觀之則刑輕之作反生大患惠加姦軌而害及良善也事寢不報

**集覽** 輕殊死刑顏師古曰殊絕也異也言其身首離絕而異處也輕其殊死謂減死一等刑罰在衷衷與

中通並去聲論語刑罰不中注不中謂有淫刑濫罰也

不厭民心前書景帝詔曰諸獄疑而於人心不厭者輒

讞之注厭服也音一贍反傳奏傳讀

與敷同陳也滋章滋繁也條章漸繁

**正誤** 不厭民心今聲傳奏于左今按

**質實** 杜林扶風茂陵人

**發明** 言路也書梁統請更定律不報美善守舊章也

春秋之法美惡不嫌同詞

亥巳

十五年春正月免大司徒歆歸田里歆自殺

韓歆好直言無隱帝每不能容歆於上前證歲將饑凶指天畫地言甚剴切故坐免歸田里帝猶不釋復遣使

多不厭帝乃追賜錢穀以成禮葬之司馬公曰切直之

言非人臣之利乃國家之福是以人君夙夜求之唯懼

弗得聞惜乎以光武之世而韓歆用直諫死豈不為仁

明之**集覽** 以成禮葬之成禮具禮也

言不以為命而降其葬禮也

**發明** 韓歆之死先儒既已論之矣今觀綱目書免書

官書自殺而不書其罪則歆不得其死為可知

夫以上公之尊無罪見責而以直諫死則仕於下僚

出於草茅者不可以有言矣此君子所以深為光武

有星孛于昴○以歐陽歆為大司徒**質實** 歐陽歆樂○二

月徙邊郡吏民避匈奴

匈奴寇鈔日盛州郡不能禁二月遣吳漢率馬成馬武

等北擊匈奴徙鴈門代郡上谷吏民六萬餘口置居庸

常山關以東以避胡寇匈奴左部遂復轉居塞內朝廷患之增綠邊兵郡數千人

**集覽** 寇鈔寇

劫也鈔掠取也居庸常山關居庸關注見唐武宗會昌元年常山關在常山郡地道記云山在常山郡上曲陽



縣西北百四十里北行四百五十里得常山岷號飛狐口所謂常山關也

### 夏四月追謚兄續為齊武公

帝感續功業不就撫育二子章興恩愛甚篤以其少貴欲令親吏事使章試守平陰令與維氏令其後章遷梁郡太守興遷

**集覽**平陰括地志云今鄭州河陰縣本漢平陰也在路州洛陽縣東北維氏注

見武帝元**質實**徙治頻河山下改為河陰縣晉屬河南郡唐又徙治輸場之東渠口屬河南府宋以汜水縣省入之金屬鄭州元移治廣武山之峪口本朝因之

改屬開封府梁郡注見景帝三年梁國弘農郡名注見周顯王四十六年陝

### 詔州郡檢覈田戶口

帝以天下墾田多不以實自占又戶口年紀互有增減乃詔下州郡檢覆於是刺史太守多為詐巧苟以度田為名聚民田中奔度廬屋里落民遮道啼呼或優饒豪右侵刻羸弱時諸部各遣使奏事帝見陳留吏牘上有

書視之云穎川弘農可問河南南陽不可問帝詰吏由趣抵言於長壽街上得之帝怒時東海公陽年十二在

帳後言曰吏受郡敕當欲以墾田相方耳帝曰即如此何故言河南南陽不可問對曰河南帝城多近臣南陽

帝鄉多近親田宅踰制不可為準帝令虎賁將詰問吏吏乃實首服如東海公對上猶是益奇愛陽遣謁者考

實二千石長吏**集覽**羸弱謂貧民下戶陳留吏牘上有阿枉不平者

書字也不可問謂此二郡多有近臣近親不可得而理問也帝詰吏由光武詰問吏因由抵言托辭也相方耳

方比也阿枉阿諛枉曲也

### 冬十一月大司徒歛有罪下獄死

歛坐前為汝南太守度田不實贓罪千萬下獄歛世授尚書八世為博士諸生守關為歛求哀者千餘人至有

自髡剔者平原禮震年十七求代歛死帝竟不赦歛死獄中

拔以示必獲罪也大人曰髡小兒曰髡盡及身毛曰剔**集覽**守關守去聲詰也

通鑑綱目卷之第九 漢光武皇帝建武十五年 四十一



以戴涉為大司徒○盧芳復入居高柳

**實覽** 高柳縣名注見建武九年

○遣馬成繕治障塞以張堪為漁陽太守

驃騎大將軍杜茂生使軍吏殺人免使楊武將軍馬成代茂繕治障塞十里一堠以備匈奴使騎都尉張堪領杜茂營擊破匈奴於高柳拜堪漁陽太守堪視事八年匈奴不敢犯塞勸民耕稼以致殷富

子庚

十六年春二月交阯女子徵側徵貳反

交阯雋冷縣雋將女子徵側甚雄勇交阯太守蘇定以法繩之徵側忿怨與妹徵貳反九真日南合浦蠻俚皆應之凡畧六十五城自立為王都雋

**集覽**

雋冷縣名字或作卷玲音

徵側嫁為朱為人詩索妻蠻俚南夷種名

三月晦日食○秋九月河南尹諸郡守十餘人皆有罪下

獄死

昔坐度田不實後上從容謂虎賁中郎將馬援曰吾甚恨前殺守相多也對曰死得其罪何多之有但死者既往不可復生也上大笑

群盜起冬十月詔許相斬除罪遂皆解散

郡國群盜處處並起郡縣追討到則解散去復屯結冬十月遣使者下郡國聽群盜自相糾擿五人共斬一人者除其罪吏雖逗留回避故縱者皆勿問聽以禽討為效其牧守令長坐界內有盜賊而不收捕者又以畏懼指城委守者皆不以為負但取獲賊多少為殿最唯蔽匿者乃罪之於是更相追捕賊並解散徒其魁帥於他郡賊田受廩使安生業自是牛馬放牧不收邑門不閉

**集覽**

畏懼者斬顏師古曰

受廩注見文帝十一年廩食

**書法**

特筆也書善之

盧芳降立以為代王



虜芳與閔堪使使請降帝立芳為代王堪為代相賜緡二萬匹因使和集匈奴初匈奴聞漢購求芳貪得財帛故遣芳還降既而芳以自歸為功不稱匈奴所遣單于復耻言其計故賞遂不行由是大恨入寇尤深芳入朝南及昌平有詔**集覽**昌平漢上谷郡軍都縣新莽改昌平令更朝明歲**集覽**昌平漢上谷郡軍都縣新莽改昌平屬大興府更朝**質實**一統志云昌平漢之縣名屬上谷更改朝見之期**質實**郡東漢屬廣陽郡晉屬燕國後魏屬昌平郡後周廢之唐復置昌平縣五代唐改為燕平縣石晉復為昌平縣遼金元仍舊本朝改屬順天府

### 復行五銖錢

馬援奏宜如舊鑄五銖錢上從之天下賴其便

### 書法

自元鼎元年書鑄五銖更莽四變帝至是始復行之自是至于靈帝無改焉則以五銖得輕重故也

丑辛

### 十七年春正月以趙憲為平原太守

初懷縣大姓李子春二孫殺人懷令趙憲窮治其姦二孫自殺收繫子春京師貴戚為請者數十憲終不聽趙孝公良病上臨視之問所欲言良曰素與李子春厚今犯罪懷令趙憲欲殺之願乞其命帝曰吏奉法律不可枉也更道他所欲良無復言既薨上追思良乃賞出子春遷憲為平原太守

### 質實

趙憲南陽宛人平原

### 集覽

懷縣注見周威烈王

### 二月晦日食○冬十月廢皇后郭氏立貴人陰氏為皇后

郭后寵衰數懷怨對上怒之廢后立貴人陰氏為皇后詔曰異常之事非國休福不得上壽稱慶郭氏言於帝曰臣聞夫婦之好父不能得之於子况臣能得之於君乎是臣所不敢言雖然願陛下念其不可勿亂大倫使天下有議社稷者帝曰憚善怒已量**集覽**怨對音墜主知我必不有所左右而輕天下也**集覽**亦怨也父不能得之於子七制解云父且不能彊其子怒已量主已謂諉其責於已量主謂揣其意於君量平聲知我必不有所左右七制解云光武自謂憚知我廢**正誤**量主后必無所徧狗而輕視天下也此帝自飾辭



今按謂能推已之心以度人也知我必不有所左右而輕天下今按此謂必不偏愛而動搖國本也太子彊乃郭后所生恐后既廢併及太子

**書法** 綱目書廢后多矣未有繼書立后者繼書立陰氏著郭氏所以廢也是故有陰氏而後郭氏廢

是年有郁久間氏而後乙弗氏廢梁戊午年有武氏而後王氏廢唐永徽六年綱目皆聯書之所以志禍本也綱目中書廢立后三而已

進右馮翊公輔為中山王 **考異** 提要作沛王後無從中○

帝如章陵

帝幸章陵修園廟祠舊宅觀田廬置酒作樂賞賜時宗室諸母因酣悅相與語曰文叔少時謹信與人不欵曲

唯直柔耳今乃能如此帝聞之大 **集覽** 欵曲類師古 **實** 章陵縣名注見 **實** 章陵縣名注見

笑曰吾治天下亦欲以柔道行之 **實** 章陵縣名注見

十二月還宮○以莎車王賢為漢大將軍

是歲莎車王賢復遣使奉獻請都護帝賜賢西域都護印綬及車旗黃金錦繡敦煌太守裴遵上言夷狄不可假以大權又令諸國失望詔書收還都護印綬更賜賢以漢大將軍印綬其使不肯易遵迫奪之賢由是始恨而猶詐稱大都護移 **實** 莎車國名注見武帝元鼎二年 **實** 莎車國名注見唐莊宗同

光二年

**書法** 西域之不安自此始故謹書之

以馬援為伏波將軍討交阯 **考異** 討當作擊據下文徵側

也討

徵側等寇亂連年詔長沙合浦交阯具車船修道橋通障谿儲糧穀拜馬援為伏波將軍以扶樂侯劉隆為副

南擊 **實** 長沙國名注見獻帝興平元年 **實** 交阯郡名注見同上年

交阯 **實** 長沙國名注見武帝元鼎六年 **實** 交阯郡名注見同上年



十八年春二月蜀郡守將史歆及遣吳漢等擊之○三月帝如河東祠后土○馬援與徵側徵貳戰大破之

援緣海而進隨山刊道千餘里至浪泊上與徵側等戰大破之進至禁谿賊遂散走

隨山刊木蔡氏傳曰隨山質實一統志云浪泊在安南

湖馬援既平交趾謂官屬曰吾弟少遊常哀吾慷慨有大志嘆曰士生一世但取衣食纔足為郡縣吏守墳墓

使鄉里稱為善人足矣至求贏餘自苦耳吾在浪泊西里間賊未戒時下潦上霧毒氣薰蒸仰視飛鷲跼跼墮

水中念少游語何可得也

夏四月帝還宮○五月旱○盧芳復反犇匈奴

芳自昌平還內自疑懼遂復反匈奴遣數百騎迎芳出塞芳留匈奴中病死

質實昌平縣名注見建武

十六年

秋七月吳漢拔成都誅史歆○罷州牧置刺史

十九年春正月尊孝宣皇帝廟為中宗始祠元帝以上於太廟成帝以下於長安徙四親廟於章陵

五官中郎將張純與太僕朱浮奏議禮為人子事大宗降其私親當除今親廟四以先帝四廟代之大司徒涉

等奏立元成哀平四廟上自以昭穆次第當為元帝後遂追尊宣帝曰中宗始祠昭帝元帝於太廟成帝哀帝

平帝於長安春陵節侯以下於章陵其長安章陵皆太守令長侍祠胡氏曰王莽篡時漢祚既絕光武掃平禍

亂奮然崛起雖祖高祖而帝四親非與哀朝尊崇藩統同事於義未有大不可者一聞純等建議斷然從之章

陵四祠蔑有異等寡恩之譖不聞於當年失禮之議不生於後代以是較之宣哀過舉益明而禮所載為人後

者為其父母降而不得祭豈可違而不守哉

南子為穆面北昭明穆欽也

**集覽**

事大鄭玄曰父為昭面

**質實**

張純京北杜陵人



馬援斬徵側徵貳

進擊餘黨都陽等降之嶠南悉平援與越人申

**集覽**

嶠南

明舊制以約束之自後駱越奉行馬將軍故事

妖賊單臣等據原武夏四月滅宮破斬之

**考異**

據永初三年書海賊

張伯路四年書青州刺史法雄討張伯路熹平元年書會稽妖賊許生三年書吳郡司馬孫堅討許生斬之則此條

破字當

妖賊單臣傳鎮等相聚入原武城自稱將軍詔太中大

夫藏宮將兵圍之數攻不下帝召公卿諸侯王問方畧

皆曰宜重其購賞東海王陽獨曰妖巫相劫勢無久立

其中必有悔欲亡者但外圍急不得走耳宜小挺緩令

得逃亡逃亡則一亭長足以禽矣帝然之即敕

宮散圍緩賊賊衆分散遂按原武斬臣鎮等

**集覽**單臣姓名虜復姓可單氏後改單氏音多寒反又常演反原

武本鄭州縣今屬開封府挺緩記月令仲夏挺重囚注

挺猶寬也音大頂反質實一統志云原武漢之縣名屬河南郡三

原陵縣唐改為原武縣屬鄭州宋省入陽武縣

後復置金元改屬鄭州國朝改屬開封府

六月廢皇太子彊為東海王立東海王陽為皇太子改名

**考異**皇字羨據景帝七年書廢太子榮為臨江王

建初七年書廢太子慶為清河王皆省皇字

郭后既廢太子彊意不自安到憚說太子曰父處疑位

上違孝道下近危殆不如辭位以奉養母氏太子從之

數因左右及諸王陳其懇誠願備藩國上不忍遲回者

數歲六月戊申詔曰春秋之義立子以貴東海王陽皇

后之子宜承大統皇太子彊崇執謙退願備藩國父子

之情重久違之其封彊為東海王立陽為皇太子改名

莊表宏曰夫建太子所以重宗統一民心也非有大惡

於天下不可移也世祖中興漢業宜遵正道以為後世

法今太子之德未虧於外內寵既多嫡子遷位可謂失

矣然東海歸藩謙恭之心彌亮明帝承統友于之情愈

篤雖長幼易位興廢不同父子兄弟至性無間夫以三

代之道處之亦何以過乎胡氏曰春秋之義立子以長

子



不以功以德不以貴無立子以貴之說也借如立貴者  
疆非后子乎蓋不得於義故不得於言曰春秋之義立  
子以貴東海王陽皇后之子宜承大統則是得失之分  
不待辨而自明矣○帝以太子舅陰識守執金吾陰興  
為衛尉皆輔導太子識性忠厚入雖禮賢好施而門無游  
客語未嘗及國事帝敬重之興雖禮賢好施而門無游  
俠與同郡張宗上谷鮮于哀不相好知其有用猶稱所  
長而達之友人張汎杜禽與興厚善以為華而少實但  
私之以財終不為言是以世稱其忠後帝欲以興為大  
司徒興固讓曰臣不敢惜身誠虧損盛德不敢苟冒帝  
遂聽之以沛國相榮為議郎使授太子經車駕幸大學  
會諸博士論難於前榮辨明經義每以禮讓相厭不以  
辭長勝人儒者莫之及又詔諸儒生雅歌擊磬盡日乃  
罷帝使左中郎將鐘興授皇太子及宗室諸侯春秋賜  
興爵關內侯興辭以無功帝曰生教訓太子及諸王侯  
非大功邪興曰臣師少府丁恭於是復封恭而興遂固  
辭不**集覽**遲回注見靈帝建寧元年春秋之義立子以  
受不以長何休注適謂適夫人之子尊無與適故以齒  
干謂左右媵及姪姪之子位有貴賤又防其同時而生

故以貴也禮適夫人無子立右媵右媵無子立左媵左  
媵無子立嫡姪嫡適姪嫡無子立右媵姪嫡右媵姪嫡  
無子立左媵親姪嫡質家親先立弟文家尊尊先立姪  
適子有孫而死質家親親先立弟文家尊尊先立孫其  
雙生也質家據見立先生文家據本意立後生皆所以  
防愛爭也嫡姪注見成帝建始二年重又違之重猶言  
難也鮮于哀鮮于復姓哀名也鮮音僂哀音杯不相好  
好去聲素不與之交好以禮讓相厭禮謂禮儀讓謂謙  
遜厭益涉反勝也孔子曰能以禮讓為國乎何有雅歌  
擊磬雅歌注見九年磬樂石也今大成樂中石磬是  
**正誤**今按厭服也**質實**丁恭山陽東鄉人  
**書法**於是太子意不自安願備藩國則何以直書廢  
右廢矣太子欲不廢得乎書曰廢太子所以深

探其情也

**發明**

書廢后廢太子皆不書其故是帝無故廢之也  
然太子之廢非帝本心特以其懇請不已故從  
之爾綱目何不以太子疆請就藩國書之要之郭后  
既廢而陰后有子太子疆意不自安其所以使之不



自安者誰歟使疆不自致其請亦豈能久於其位哉  
直書曰廢皇太子則其輕動國本廢嫡立庶詒謀不  
善其失皆自見矣惜哉

### 賜雒陽令董宣錢三十萬

陳留董宣為雒陽令湖陽公主蒼頭白日殺人因匿主  
家吏不能得及主出行以奴驂乘宣候之駐車叩馬以  
刀畫地大言數主之失叱奴下車因格殺之主即還宮  
訴帝帝大怒召宣欲殺之宣叩頭曰願乞一言而死  
帝曰欲何言宣曰陛下聖德中興而縱奴殺人將何以  
治天下乎臣不須審請自殺即以頭擊楹流血被面帝  
令小黃門持之使宣叩頭謝主宣不從彊使頓之宣兩  
手據地終不肯俯主曰文叔為白衣時藏亡匿死吏不  
敢至門今為天子威不能行一令乎帝笑曰天子不與  
白衣同因敕彊項令出賜錢三十萬宣悉以班諸吏由  
是能搏擊豪彊

**集覽**

數主之失數計其失而一一責之  
京師莫不震慄

彊渠良反言不依屈也

**書法**

賜錢不書書董宣何交美之也曷為美之宣不  
畏彊禦帝不私其親而容之非徒容之又賞賜

焉可謂交盡其善矣終  
綱目書賜錢一而已

### 秋九月帝如南頓賜復二歲

上幸南陽進幸汝南南頓縣舍置酒會賜吏民復南頓  
田租一歲父老前叩頭言願賜復十年帝曰天下重器  
常恐不任日復一日安敢遠期十歲乎吏民又

**集覽**

汝

豫州屬郡本秦三川郡漢為汝南郡宋為蔡州今改汝  
寧府南頓本汝南郡頓縣古頓子國也頓迫於陳其後

南徙因名南頓屬陳州在蔡州東北賜  
復賜與復除令勿輸徭賦也復音福

**纂賞**

一統志云汝南春秋

沈蔡二國地名秦屬潁川郡漢初為汝南國後置汝南  
郡劉宋立司州號其城曰懸瓠後魏改為豫州東魏置

行臺後周置總管府後改舒州尋復曰豫州又改為溱  
州後改蔡州汝南郡如故隋初發郡大業初廢州復為

汝南郡治汝陽縣唐初置豫州天寶初改汝南郡乾元  
初復為豫州寶應初仍改蔡州宋為淮康軍節度使金



改鎮南軍元為蔡州後陞為汝寧府 國朝因之屬河南道

二十年春二月還宮○夏四月大司徒涉下獄死大司空

融坐免

戴涉坐入故大倉令奚涉罪下獄死帝以三公連職策免實融

**發明** 戴涉之死不書其罪豈濫殺耶下書大司空融坐免曰坐則知涉實有罪而融連坐之矣此以

一字見 義也

五月大司馬廣平侯吳漢卒 **質實** 一統志云廣平漢之縣

鹿郡曹魏於縣置廣平郡北齊以曲梁縣省入隋置武安郡唐屬魏州宋屬洺州金以魏縣併為廣平縣元仍舊

本朝因之屬廣平府

漢病篤車駕親臨問所欲言對曰臣愚無所知識願陛下慎無赦而已及薨詔送塋如大將軍霍光故事漢性

彊力每從征伐帝未安常側足而立諸將見戰陳不利或多惶懼失其常度漢意氣自若方整厲器械激揚吏

士帝時遣人觀大司馬何為還言方修戰攻之具乃歎曰吳公差強人意隱若一敵國矣每當出師朝受詔夕

則引道初無辨嚴之日及在朝廷斤斤謹質形於體貌漢嘗出征妻子在後買田宅漢還讓之曰軍師在外吏

士不足何多買田宅乎遂盡以分 **集覽** 彊力彊大而與昆弟外家故能任職以功名終 **集覽** 力吳公差彊人

意謂吳漢甚起發人意思無辨嚴之日治行李曰辨嚴今日無辨嚴有素備也斤斤謹質斤音靳爾雅斤斤察

也李巡曰精詳之察孫炎曰重慎之察詩執競篇斤斤其明

匈奴寇上黨天水扶風 **質實** 上黨郡名注見周赧王五十年 **扶風** 郡名注見建武元年 **周顯王** 八年岐縣 ○六月以蔡茂為大司徒朱浮為大司

空

太子太傅張湛自郭后之廢稱疾不朝帝彊起之欲以為司徒湛辭疾篤不能復任朝事遂罷之而用茂浮



**質實**

蔡茂河內懷人朱  
浮沛國蕭縣人

徙中山王輔為沛王

**書法**

東漢封子不悉書東海王陽不書封此何以書  
輔廢后子也后雖被廢而帝之加恩其子猶若  
此故進為中山王書從為沛王書子  
存厚也下書以郭况為大鴻臚義同

○以郭况為大鴻臚

帝數幸况弟賞賜金帛豐盛  
莫比京師號况家為金穴

**質實**

郭况真定藁  
人郭后之弟

冬十二月遣馬援屯襄國

馬援自交趾還平陵孟冀迎勞之援曰方今匈奴烏桓  
尚擾北邊欲自請擊之男兒要當死於邊野以馬革裹  
尸還葬耳何能卧牀上在兒女子手中邪冀曰諒為烈  
士當如是矣十二月匈奴再寇天水扶風上黨援自請  
擊帝許之使出屯襄國詔百官祖道援謂黃門郎梁松  
實固曰凡人富貴當使可復賤也如卿等欲不可復賤

居高堅自持  
勉思鄙言

**集覽**

襄國注見漢王劉邦元年  
祖道注見武帝征和三年

**質實**

平陵縣名

注見成帝元延元年梁松安定  
烏氏人實固平陵人融之從子

二十一年春正月烏桓與匈奴鮮卑連兵入寇

巴

代郡以東尤被烏桓之害其居止近塞朝發穹廬暮至  
城郭五郡民無家受其辜至於郡縣損壞百姓流亡邊  
陲蕭條無復人迹秋八月帝遣馬援與諸謂者分築堡  
塞稍興立郡縣或空置太守令長招還人民烏桓居上  
谷塞外白山者最為疆富援  
將三千騎擊之無功而還

**集覽**

五郡武威張掖酒泉  
敦煌金城北河西五

郡邊陲陸與垂通遠邊也堡塞堡小城也塞先代反風  
俗通白塞者壅塞夷秋也秦築長城土皆紫色因曰紫

塞曰山郭義恭廣志西域有白山通歲有雪一名雪山  
括地志云山在伊州伊吾縣北百二十里一名析羅漫

山地理志伊州在敦煌大磧外索隱曰白山本名天山  
一名祁連山蓋匈奴呼天為祁連也又祁連注見武帝

元朔  
三年



書法

鮮卑始見綱目

鮮卑寇遼東太守祭彤擊走之

鮮卑萬餘騎寇遼東太守祭彤率數千人迎擊之自被甲陷陣虜大奔投水死者過半遂窮追出塞虜急皆棄

兵裸身散走是後鮮卑震怖畏彤不敢復闕塞

**質實** 祭彤穎州潁陽人導之從弟也

冬匈奴寇上谷中山

**質實**

上谷郡名注見秦王政三年中國名注見周威烈王二十三年

年 ○西域十八國遣子入侍請都護不許

莎車王賈浸以驕橫欲兼并西域數攻諸國諸國愁懼車師前王鄯善焉耆等十八國俱遣子入侍願得都護

帝以中國初定北邊未服皆還其侍子厚賞賜之諸國聞都護不出而侍子皆還大憂恐乃與敦煌太守檄願

留侍子以示莎車言侍子見留都護尋至冀且息其兵裴遵以狀聞帝許之

**集覽**

莎車注見武帝元昌

二年車師前王注同上年焉耆注見新莽始建國五年見留句絕見音形句反

**質實**

敦煌郡名注見唐控

宗同光二年冀縣名注見建武八年

丙午

二十二年春閏正月帝如長安祠高廟上陵○二月還宮 ○夏五月晦日食○秋九月地震○冬大司空浮免以杜

林為大司空○以劉昆為光祿勳

初昆為江陵令縣有火災昆向火叩頭火尋滅後為弘農太守虎皆負子渡河帝聞而異之徵昆代林為光祿

勳帝問昆曰前在江陵反風滅火後守弘農虎北渡河行何德政而致是事對曰偶然耳左右皆笑帝歎曰此

乃長者之言也

**集覽**

江陵注見漢王劉邦元年光祿勳顧命書諸策百官表郎中令秦官漢武更名光

祿勳瓚曰主郎內諸官故曰郎中令應劭曰光明祿爵勳功也顏師古曰勳猶闕也主宮殿門戶之職顧命書

諸策回視曰顧竹簡曰策

**質實**

劉昆陳留東昏人弘農郡名詳注見獻帝興平

年二



青州蝗○匈奴單于興死子蒲奴立求和親許之

匈奴中連年旱蝗赤地數千里人畜饑疫死耗大半單于畏漢乘其散乃遣使詣漁陽求和親帝遣中郎將李茂報命

**書法**

書求又切於書請者矣書求和親始此終綱目書求和親三求昏二請和親四請昏一及和親

一詳文帝六年

詔罷邊郡亭候招降烏桓

**質實**

烏桓東胡國名注見宣帝本始三年

烏桓乘匈奴之弱擊破之匈奴北徙數千里幕南地空詔罷諸邊郡亭候吏卒以幣帛招降烏桓

**集覽**

幕南注見獻帝建安二十五年沙漠亭候注見建武十二年亭障

西域復請都護不許遂附於匈奴

西域諸國侍子久留敦煌皆愁思亡歸莎車王賢知都護不出擊破鄯善攻殺龜茲王鄯善王安上書願復遣

子入侍更請都護都護不出誠迫於匈奴帝報曰今使者大兵未能得出如諸國力不從心東西南北自在也

於是鄯善車師復附匈奴班固曰孝武之世圖制匈奴患其兼從西國結黨南羌乃表河曲列四郡開玉門通

西域以斷匈奴右臂隔絕南羌月氏單于失援由是遠遁而幕南無王庭矣然通西域近有龍堆遠則葱嶺身

熱頭痛懸度之阨淮南杜欽楊雄之論皆以為此天地所以界別區域絕外內也西域諸國各有君長兵衆分

弱無所統一雖屬匈奴不相親附匈奴能得其馬畜旃罽而不能統率與之進退與漢隔絕道里又遠得之不

為益棄之不為損盛德在我無取於彼故自建武以來西域思漢威德咸樂內屬數遣使置質于漢願請都護

聖上遠覽古今因時之宜辭而未許雖大禹之序西戎周公之讓白雉太宗之卻走馬義兼之矣

**集覽**

龜茲王句絕龜茲西域小國在大宛國西天竺國東孫奕示兒編曰前書龜音丘茲音慈今龜音勾丘反茲音沮惟反蓋急言耳章懷說兼從西國兼并從親也過秦論曰合從締交注從與縱通此言兼從西國謂與西域

諸國兼并合從也河曲列四郡河西九曲本西戎地在河關縣西公羊傳曰河千里而一曲案曲言其隈地也



四郡謂酒泉武威張掖敦煌王庭注見武帝元狩四年

龍堆孟康曰白龍堆也形如土龍身無頭有尾高大者

二三大甲者丈餘皆東北向相似也在西域中樓閣王

所居地葱嶺注見和帝永元二年身熱頭痛懸度之阨

顏師古曰阨塞也礙也西域有大小頭痛之山赤土身

熱之阨過之令人身熱無色頭痛嘔吐也懸度注見成

帝河平四年旃罽旃與同罽通作罽西胡毳布織毛

為之置質此質如字讀大禹之序西戎書禹貢西戎即

叙注西方戎落皆就次叙美禹之功及戎狄也周公之

讓白雉越裳氏獻白雉曰天之無烈風淫雨海不揚波

三年矣意者中國有聖人乎蓋往朝之周公謙讓而歸

之成王稱先王神致薦于宗廟太宗之御走馬太宗文

帝也時有獻千里馬者帝曰鸞旗在

前屬車在後朕乘千里馬獨先安之

致一統志云白龍堆在陝西行都司故

質寶燉煌郡正西關外白龍堆沙是也

書法先是再書請都護不許矣於是三書其

發明前書請都護不許今書復請都護不許則帝不

勤遠畧務內不務外之意曉然見矣漢業昂安

未丁

宜哉

二十三年夏五月大司徒茂卒○秋八月大司空林卒

以玉况為大司徒集覽玉况姓名玉音肅况許放反字從

伯京○冬十月以張純為大司空

質寶張純杜陵人放之

○武陵蠻反遣將軍劉尚擊之敗沒

尚泝沅水入武谿擊之尚輕敵武谿武陵縣西三

深入蠻乘險邀之尚一軍悉沒

有樂瓠石水出謂之集覽一統志云沅水在常德府城

武陵溪一名德勝泉南上自辰州府界流入桃源

縣境經此東流至龍陽縣北入洞庭湖武谿即武

陵溪也在常德府城西三十里源出武山入沅水

鬲侯朱祐卒質寶一統志云鬲漢之縣名屬平原郡東漢

東一百六十里未省入平昌縣故城在濟南府德州城



祐為人質直尚儒學為將多受降  
以克定城邑為本不存首級之功  
斬首為級因謂  
**集覽** 首級案秦法以斬一人首賜爵

**書法** 建武功臣多矣書卒者十二人皆顯功者也祐無顯功則何以書祐為將多受降不存首級之功蓋賢將也故特書之

二十四年春正月匈奴南邊八部立日逐王比為南單于

疑塞內附

初匈奴單于與弟右谷蠡王知牙師以次當為左賢王左賢王次即當為單于單于欲傳其子遂殺知牙師烏珠留單于有子曰比為右莫鞬日逐王領南邊八部比見知牙師死出怨言曰以兄弟言之右谷蠡王次當立以子言之我前單于長子我當立遂內懷猜懼度會稀聞單于疑之乃遣兩骨都侯監領比所部兵及單于蒲奴立比益恨望密遣漢人郭衡奉匈奴地圖詣西河太守求內附兩骨都侯頗覺其意勸單于誅比比弟漸將

王在單于帳下聞之馳以報比比遂聚八部兵四五萬人待兩骨都侯還欲殺之骨都侯且到知其謀亡去單于遣萬騎擊之見比衆盛不敢進而還八部大人共議立比為呼韓邪單于欵五原塞願永為藩蔽扞禦北虜事下公卿議者皆以為天下初定中國空虛不可許五官中都將取國獨以為宜如孝宣故事受之令東扞鮮卑北拒匈奴率厲四夷完復邊郡帝從之於是分為南北匈奴

**集覽**

右谷蠡王右音有左右手之右也下

倣此又注見昭帝始元二年右莫鞬日逐王右莫鞬匈奴官號莫於六反鞬紀言反七制作日逐王比注日逐匈奴貴王之號賤於左賢王比其名也骨都侯匈奴官號亦有左右索隱曰骨都異姓大臣漸將王比之弟也失其名欵五原塞注見宣帝甘露二年

秋七月遣馬援征武陵蠻

**考異**

按征伐例用兵於臣子之叛亂者曰征曰討於夷狄

曰伐曰攻曰擊據前年書武陵蠻反遣將軍劉尚擊之則此誤作征

武陵蠻寇臨沅遣謁者李嵩中山太守馬成討之不克馬援請行帝愍其老未許援曰臣尚能被甲上馬帝令



試之援據鞍顧盼以示可用帝笑曰矍鑠哉是翁遂遣  
率中郎將馬武耿舒等將四萬餘人征五溪援謂友人  
杜愔曰吾受厚恩年迫日索常恐不得死國事今獲所  
願甘心瞑目但畏長者家兒或在左右與從事殊難得  
調介介獨集覽武陵禹貢荊州之域秦為黔中郡光武  
惡是耳改名武陵郡今常德府沅江縣是矍鑠哉

武陵以南臨沅水故名焉今常德府沅江縣是矍鑠哉  
是翁矍鑠輕健貌索觀記矍哉是翁注矍許縛反五溪  
酈道元水經注沅水出牂牁郡且蘭縣去武陵界分五  
溪五溪謂雉溪楠溪酉溪瀘溪辰溪皆槃瓠子孫所居  
謂之五溪蠻也漢書注五溪今在辰州年迫日索迫逼  
也索盡也謂歲月老也畏長者家兒謂權要子弟可畏  
也明年果為梁松所構陷或在左右與從事質實一統

本作或在左右或與從事得調句絕調和也志云  
武陵漢之郡名治索縣王莽改為建平郡東漢復為武  
陵郡治臨沅縣三國時初屬蜀後屬吳梁改為沅州隋  
改為朗州唐初因之後改為武陵郡宋初改為朗州後  
陞常德府元改為常德路國朝改為常德府屬湖廣  
道臨沅漢之縣名為武陵郡治所以南臨沅水故名晉  
因之隋初改為武陵縣屬朗州後改屬武陵郡唐屬

州宋屬常德府元屬常德路國朝因之屬常德府五  
溪在辰州府廬溪縣西武山酈道元水經武陵有五溪  
謂雉溪楠溪酉溪瀘溪辰溪皆  
槃瓠子孫所居謂之五溪蠻也

### 冬十月匈奴南單于遣使入貢

南單于奉藩稱臣上以問朗陵侯臧宮宮曰匈奴饑疫  
分事臣願得五千騎以立功帝笑曰常勝之家難與慮  
敵吾方質實朗陵縣名注見明帝永平  
自思之十五年臧宮穎川郊人

### 二十五年春正月朔人鮮卑烏桓並入朝貢

遼東徼外朔人寇邊太守祭彤招降之彤又以財利撫  
納鮮卑大都護偏何使招致異種絡繹款塞彤曰審欲  
立功當歸擊匈奴斬送頭首乃信耳偏何等即擊斬匈  
奴持頭詣郡其後相攻輒送首級受賞賜自是匈奴衰

弱邊無寇警鮮卑烏桓並入朝貢彤為人質厚集覽徼  
重毅撫夷狄以恩信故皆畏而愛之得其死力徼  
朔人徼吉弔反境也顏師古曰謂以木石水為界晉灼

曰西南之徼猶東北之塞也朔注見新莽始建國四年

酉巳



藏貉偏何大都護姓名絡繹欵塞韻會注往來不絕曰  
絡繹字通作落驛鮮卑烏桓本皆東胡種漢初匈奴冒  
頓破東胡其餘眾散保質實鮮卑烏桓注見梁武  
烏桓山鮮卑山為二族帝大同十一年突厥

南單于擊北單于破之來請使者監護考異南上漏匈奴  
二字提要北

單于作  
北匈奴

南單于遣其弟左賢王莫將兵萬餘人擊北單于弟莫  
韃左賢王生獲之北單于震怖却地千餘里南單于復  
遣使詣闕貢獻求使者  
監護遣侍子修舊約

三月晦日食○夏新息侯馬援卒于軍詔收其印綬

馬援軍至臨鄉擊破蠻兵初援嘗有疾虎賁中郎將梁  
松來僕之獨拜牀下援不答松意不平諸子問曰梁伯  
孫帝婿貴重朝廷公卿以下莫不憚之大人奈何獨不  
為禮援曰我乃松父友也雖貴何得失其序乎援兄子  
嚴敦並喜譏議通輕俠援前在交趾還書誡之曰吾欲  
汝曹聞人過失如聞父母之名耳可得聞口不可得言

也好議論人長短妄是非政法此吾所大惡寧死不願  
聞子孫有此行也龍伯高敦厚周慎口無擇言謙約節  
儉廉公有威吾愛之重之願汝曹效之杜季良豪俠好  
義憂人之憂樂人之樂父喪致客數郡畢至吾愛之重  
之不願汝曹效也效伯高不得猶為謹敕之士所謂刻  
鵠不成尚類鶩者也效季良不得陷為天下輕薄子所  
謂畫虎不成反類狗者也伯高者山都長龍述也季良  
者越騎司馬杜保也會保仇人上書訟保為行浮薄亂  
群惑眾伏波將軍萬里還書以誠兄子而梁松實固與  
之交結帝召松固以訟書及援誠書示之松固叩頭流  
血而得不罪詔免保官擢拜龍述為零陵太守松由是  
恨援及援討武陵蠻軍次下雋有兩道可入從壺頭則  
路近而水險從克則塗夷而運遠耿舒欲從克道援以  
為棄日費糧不如進壺道搃其咽喉充賊自破以事上  
之帝從援策進營壺頭賊乘高守隘水疾船不得上會  
暑甚士卒多疫死援亦中病乃穿岸為室以避炎氣賊  
每升險鼓譟援輒曳足以觀之左右哀其壯莫不為之  
流涕耿舒與兄好時侯舍書曰前舒上書當先擊克糧  
雖難進而兵馬得用軍人數萬爭欲先奮今壺頭竟不  
得進大衆怫鬱行死誠可痛惜前到臨鄉賊無故自致



若夜擊之即可殄滅伏波類西域賈胡到一處輒止以是失利今果疫疾皆如舒言余得書奏之帝乃使梁松乘驛責問援因代監軍會援卒松因是構陷援帝大怒追收援新息侯印綬初援在交趾常餽憲政實能輕身勝瘴氣軍還載之一車及卒後有上書譖之者以為昔所載還皆明珠文犀帝益怒援妻李惶懼與嚴章索相連詣闕請罪帝乃出松書以示之方知所坐上書訐寃者南討立陷臨鄉師已有紫未竟而死吏士雖疫援不獨存惟援得事朝廷二十二年北出塞漠南渡江海觸冒害氣僵死軍事名滅爵絕國土不傳海內不知其過衆庶未聞其毀家屬杜門葬不歸墓怨隙並與宗親怖慄死者不能自列生者莫為之訟臣竊傷之願下公卿平援功罪宜絕宜續以厭海內之望帝意稍解胡氏曰梁松坐馬援書叩頭流血帝所親見也而使之乘驛責援代監其軍援請營壺頭耿舒請從克道兩事俱上帝從援策尋復聽舒咎援失利誣陷之言又自松口帝平日料敵制勝明見萬里之外乃於此舉屢失事宜得非春秋既高智有所困耶不然有臣如援集覽臨鄉一七制而不保令終其為君德之累豈小小哉注臨鄉一七制

名屬武陵縣松父松之父名統下傳注見晉惠帝大安二年壺頭山名也山在石開處數十丈其上名曰天門在辰州沅陵縣東山邊有石窟即馬援所穿室以避炎氣者武陵記曰此山頭與東海方壺山相似神僊多所遊集因名壺頭方輿記曰山形似壺因以名山從克充縣名屬武陵郡從者由也好時候時音止好時縣名屬右扶風耿弇所封邑也今京兆府乾州屬縣佛鬱行死佛鬱蓋積也行死猶言將死魏武帝樂府曰中心何佛鬱意蓋實蓋藥名味甘微寒主風濕痺下氣久服輕身延年文犀犀南徼外獸爾雅注形似水牛猪頭二角一在頂一在鼻文犀即通天犀角上白縷直至端妻孥孥子也通作帑記中庸注古者謂子孫曰帑與嚴草索相連嚴援之兄子名晉灼曰古者相隨坐罪不至扑刑者令衣褐帶索相隨以執役所謂膏靡者是間者猶言近間也以厭海內之望正誤以厭海內之望今按厭厭蓋涉及伏也望怨也塞也滿也望願望也實實一統志云山都秦之縣名屬南陽郡漢因之東漢為侯國後廢之故城在襄陽府城南中廬鎮龍述京兆人杜保同上零陵郡名注見晉武帝太康元年壺頭山名在辰州府城東百三十里以山頭與東海方壺相似



故名漢建武間武陵蠻叛馬援等征之進營壺頭會暑甚士卒多疫死援穿山為室以避炎氣今山邊有石窟即援所居室也充漢之縣名屬武陵郡晉廢之唐復置尋省之故城在岳州府慈利縣西二百四十里耿舒茂陵人奔之弟好時漢之縣名屬右扶風後周省之故城在西安府乾州城東七里新息縣名注見平帝元始四年雲陽漢之縣名昭帝所置屬安定郡晉宋以後俱仍舊唐初廢之故址在西安府涇陽縣西北七十里

**書法**

春秋書卒于師嘉死事也上書卒于軍下書收其印綬帝之失大矣特書詔譏之終綱目書卒

于軍八年詳建武九年

**發明**

君臣之交難矣哉馬援當雲擾之初擇君而事一見世祖恢廓大度知其帝王有真即委質臣

服帝亦推誠用之由是奮其智能建立事功為中興名臣及其晚節乃不能自保况援此行止於未能成功而已非有敗軍殺將之非何為怒之若此綱目書援卒于軍則見其沒於王事之實書詔收印綬則見其無罪可書之實由是觀之明如光武智如馬援猶不保始終况他人乎吁

冬十月監軍謁者宗均矯制告諭群蠻降之

謁者宗均監軍援既卒軍士疫死者大半蠻亦饑困均乃與諸將議曰今道遠士病不可以戰欲權承制降之何如諸將莫敢應均曰夫忠臣出境有可以安國家專之可也乃矯制調伏波司馬呂种守沅陵長命种奉詔書入虜營告以恩信因勒兵隨其後蠻夷震怖冬十月共斬其大帥而降於是均入賊營散其衆遣歸本郡為置長吏而還群蠻遂平均未至先自質實質實一統志云沅陵本秦黔中郡地名漢初為長沙國下雋縣地後置沅陵縣屬武陵郡晉因之陳為沅陵郡治隋辰州治此唐宋元仍舊本朝因之為辰州府治所仍屬焉

**書法**

矯制雖有功必書矯綱目之修君臣之義而已矣

遼西烏桓內屬置校尉以領之

是歲遼西烏桓大人郝旦等率衆內屬詔封烏桓渠帥為侯王君長者八十一人使居塞內布於緣邊諸郡令



成庚

招來種人給其衣食遂為漢偵候助擊匈奴鮮卑時司徒掾班彪上言鳥桓天性輕黠好為寇賊若久放縱而無總領者必復掠居人但委主降掾吏恐非所能制臣愚以為宜復置鳥桓校尉誠有益於附集省國家之邊慮帝從之於是始復置校尉於上谷寧城

郡案上谷今保定路易州是

**質實**

遼西烏桓注見獻帝建安十年

二十六年春正月詔增百官俸

千石已上減於西京舊制六百石已下增於舊秩

初作壽陵

帝曰古者帝王之葬皆陶人瓦器木車茅馬使後世之人不知其處太宗識終始之義景帝能述遵孝道禮天下反覆而霸陵獨完受其福豈不美哉今所制地不過二三頃無為山陵陂池裁令流水而已使迭興之後與丘隴同體胡氏曰光武幸南陽宗戚馬復十年帝曰天下至重日復一日敢望許久邪及壽陵初作即有迭興

之念此皆理所必至而人所諱言者明

**集覽**

作壽陵壽陵即原陵

也去洛陽十五里帝生前豫作陵墓故曰壽陵案作壽陵非禮也家語曰孔子在宋見桓魋自為石椁舟子僕曰禮凶事不豫此何謂也孔子曰既死而議謚謚定而卜葬既葬而立廟皆臣子之事非所豫屬也况自為之哉陶人陶瓦為人之形也禮記注以陶去土而為之故謂之陶陂池顏之推刊謬正俗曰東觀記光武作壽陵云為山陵陂池案陂池當讀如坡陀猶言靡迤耳言不須高作山陵但令小隆起坡陀然裁得流泄水潦耳今讀者謂為陂池令得流水此讀非也使迭興之後與丘隴同體丘小隴大陂也謂異時易姓受命之後庶使陵墓與丘隴之形體無別

**書法**

皇帝踐阼即起陵邑漢舊制也於是帝即位二十六年矣始作壽陵制度簡易故特書初美之

也是故宣帝作杜陵書初光武作壽陵書初明帝作壽陵書初皆久而後作者也

立南單于庭置使匈奴中郎將以領之



遣中郎將段柳副校尉王郁使南匈奴立其庭去五原  
西部塞八十里詔聽南單于入居雲中始置使匈奴中  
郎將兵衛護之

### 秋南單于遣子入侍

**考異**

南上漏匈奴二字

詔賜單于冠帶重緞車馬金帛甲兵仗器又轉河東米  
糒牛羊以贍給之令中郎將將弛刑五十人隨單于所  
處參辭訟察動靜單于歲盡輒遣奉送侍子入朝漢  
遣謁者送前侍子還單于定賜單于及關氏左右賢王  
以下繒絲合萬匹歲以為常於是雲中五原朔方北地  
定襄鴈門上谷代八郡民歸於本土遣謁者分將弛刑  
補治城郭發遣邊民在中國者布還諸縣皆賜以裝  
錢轉給糧食時城郭丘墟掃地更為上乃悔前徙之  
**覽**弛刑弛或作施亦音弛有赦令罪人去  
其鉗缺赭衣謂之弛刑即輸贖徒作者

### 冬徙南單于居西河美稷

冬南單于五骨都侯子復將其衆三千人歸南部北單  
于使騎追擊悉獲其衆南單于遣兵拒之進戰不利於

亥辛

是復詔單于徙居西河美稷因使段柳王郁留西河擁  
護之令西河長史歲將騎二千弛刑五百人助中郎將  
衛護單于冬七月夏罷自後以為常南單于既居西河亦  
列置諸部王助漢扞戍北地朔方五原雲中定襄鴈門  
代郡皆領部衆為郡縣偵邏耳目北單于惶恐頻還所  
畧漢民以示善意鈔兵每到南部下還過亭堠報謝曰  
自擊亡虜莫韃日逐  
耳非敢犯漢民也  
**集覽**亡虜莫韃日逐  
耳非敢犯漢民也  
**質實**西河郡名注見周威烈王二十三年  
年美稷縣名注見安帝永初二年

二十七年夏大司徒況卒○五月詔三公去大名改司馬

**質實**

馮勤魏郡人楊魯孫○

### 北匈奴求和親不許

北匈奴遣使詣武威求和親帝召公卿廷議不決皇太  
子言曰南單于新附北虜懼於見伐故傾耳而聽爭欲  
歸義耳今未能出兵而反交通北虜臣恐南單于將有  
二心北虜降者且不復來矣帝然之告武威太守勿受



其使臧宮馬武上書曰虜今人畜疫死旱蝗赤地疫困  
乏力不當中國一郡萬里死命縣在陛下豈宜固守文  
德而墮武事乎今命將臨塞厚縣購賞諭告高句驪烏  
桓鮮卑攻其左發河西四郡天水隴西羗胡擊其右如  
此北虜之戒不過數年詔報曰今國無善政災變不息  
百姓驚惶人不自保而復欲遠事邊外乎孔子曰吾恐  
季孫之憂不在顓臾且北狄尚彊而屯兵警備傳聞之  
事恒多失實誠能舉天下之半以戒大寇豈非至願苟  
非其時不如息民自是

**集覽**

赤地空盡無物曰赤臧宮傳注赤地言在地之物皆

盡也陛下蔡邕曰陛下階也所由升堂也天子必有近臣  
立於陛下者與之言因卑

**管實**

武威郡名注見建武十年

壽張侯樊宏卒

宏為人謙柔畏慎每當朝會輒迎期先到俯伏待事所  
上便宜手白書寫毀削草本公朝訪逮不敢衆對宗族  
染其化未嘗犯法帝甚重之及病困遺令薄葬一無所  
用以為棺柩一藏不宜復見如有腐敗傷孝子之心使

與夫人同墳異藏帝善其令以書示百官因曰今不  
順壽張侯意無以彰其德且吾萬歲之後欲以為式

**覽**公朝訪逮不敢衆對訪逮謂訪問時政也三國吳  
顧雍訪逮民間及政職所宜輒密以聞即此意

**誤**公朝訪逮今按逮**管實**一統志云壽張東漢縣名即  
及也訪問不及也春秋時之良邑漢為壽良縣

屬東郡東漢改為壽張縣隋屬濟州後屬鄆州唐於此  
置壽州并增置壽良縣尋俱省宋屬東平府金元仍舊  
本朝初省入須城陽穀二縣後  
復置改屬兗州府樊宏湖陽人

**書法**於是功臣封侯者三百六十五人其外戚封者  
四十五人不皆卒卒宏何宏近有德者也故特

之書

子壬

二十八年春以魯益東海

徙魯王興為北海王以魯益東海帝以東海王彊去就  
有禮故優以大封食二十九縣賜虎賁旄頭設鐘虡之  
樂擬於乘輿延平陳氏曰愛

**集覽**

虎賁注見平帝元始  
五年旄頭注見建武



四年旄騎鍾籟注見秦質實魯國名注見周太祖廣順

始皇二十六年鍾籟拒帝永康元年青州東海國名注見秦二世二年

**書法**廢興之際難矣彊能為子帝能為父故特書美之

夏六月沛太后郭氏薨

**書法**王太后卒未有書者此其書何廢后也廢后以善終者鮮矣帝可謂能存厚后可為善處廢故

書薨交予之綱目之例自戰國分王外其善薨者非不成君廢帝廢后則謚為帝為后者也然則帝母

也公主有大功者也非是無薨道矣唐會昌以後宰相節鎮有書薨者誤也終綱目自分王外書薨十四

不成君一安帝延光四年北鄉侯廢帝二晉孝武帝太元十一年海西公奕已卯年唐鄴公廢后一是年

沛太后謚為帝二唐高宗上元二年太子弘玄宗開元二年襄王重茂二十九年寧王憲謚為后一唐玄宗

宗開元二十五年惠妃武氏帝母一晉哀帝興寧元年皇太妃周氏有功公主一癸未年唐平陽公主方

鎮三唐武宗會昌三年劉從諫宣宗太中十二年王紹昂懿宗咸通十二年張允伸宰相一唐僖宗乾符

元年劉瞻

○秋八月遣諸王就國

先是上問趙憲以長父之計憲請遣諸王就國上遂遣魯王興齊王石就國初馬援兄子壻王磐平阿侯仁之

子也王莽敗磐擁富貴為游俠有名江淮間游京師與諸貴戚友善援謂姊子曹訓曰王氏廢姓也子石當屏

居自守而反游京師長者用氣自行多所陵折其敗必也後歲餘磐坐事死磐子肅復出入王侯邸第時禁罔

尚疎諸王皆在京師競修名譽招游士援因謂司馬呂种曰建武之元名為天下重開自今以往海內日當安

耳但憂國家諸子並壯而舊防未立若多通賓客則大獄起矣卿曹戒慎之至是有上書告肅等受誅之家為

諸王賓客慮因事生亂會更始子壽光侯鯉得幸於沛王怨劉盆子結客殺故武侯恭帝怒沛王坐繫詔獄三

日乃得出因詔郡縣收捕諸王賓客更相牽引死者以千數呂种以其禍臨命歎曰馬將軍神人也秋八月



戊寅東海王彊沛王輔楚王英  
濟南王康淮陽王延始就國

**質實** 一統志云壽光漢之縣名屬北海郡東漢屬樂安國隋以閭丘縣省入屬青州唐屬萊州後復屬青州

州宋金元仍舊本朝因之改屬青州  
府沛國名注見秦始皇二十八年沛郡

### 以張佚為太子太傅桓榮為少傅

上大會群臣問誰可傳太子者群臣承望上意皆言太子舅執金吾原鹿侯陰識可博士張佚正色曰今陛下立太子為陰氏乎為天下乎即為陰氏則陰侯可為天下則固宜用天下之賢才帝稱善曰欲置傳者以輔太子也今博士桓榮為少傅賜以輜車乘馬榮為太子太傅以傳士桓榮為少傅賜以輜車乘馬榮大會諸生陳其轎馬印綬曰今日所蒙**集覽** 且難正朕張佚正救我猶稽古之力也可不勉哉

服志注駟車有衣蔽無後轆者謂之輜車乘馬乘去聲四馬曰乘公羊傳說云周禮大夫以上皆乘四馬所以通四方印綬七制解云印雙印長寸二分方六分黑犀為文有刻文光明章表轉相結綬故因之綬加以雙印

### 北匈奴乞和親許之

北匈奴遣使貢馬及裘更乞和親并請音樂又求率西域諸國胡客俱獻見帝下二府議酬答之宜司徒掾班彪曰臣聞孝宣帝救邊守尉曰匈奴大國多變詐交接得其情則却敵折衝應對入其數則反為輕欺今北匈奴見南單于來附懼謀其國故數乞和親又遠驅牛馬與漢合市重遣名王多所貢獻斯皆外示富彊以相欺誕也臣見其獻益重知其國益虛歸親愈數為懼愈多然今既未獲助南則亦不宜絕北羈縻之義禮無不答謂可願加賞賜畧與所獻相當報答之辭令必有適今立藁草并上曰單于不忘漢恩追念先祖舊約欲求和親以輔身安國計議甚高為單于嘉之往者匈奴數有乖亂呼韓邪到支自相讐隙並蒙孝宣皇帝垂恩救護故各遣侍子稱藩保塞其後到支遂保國傳嗣子孫相繼今南單于攜衆向南款塞歸命自以呼韓嫡長次第當立而侵奪失職猜疑相背數請兵將歸掃北庭策謀紛

通鑑綱目卷之九十一 漢紀六十五 宣帝本紀 匈奴傳 第六十五



紛無所不至惟念斯言不可獨聽又以北單于比年貢  
獻款脩和親故拒而未許將以成單于忠孝之義漢秉  
威信總率萬國日月所照皆為臣妾殊俗百蠻義無親  
疎服順者褒賞畔逆者誅罰善惡之效呼韓鄯支是也  
今單于欲修和親款誠已達何嫌而欲率西域諸國俱  
來獻見西域國屬匈奴與屬漢何異單于數連兵亂國  
內虛耗貢物裁以通禮何必獻馬裘今齊雜繒五百匹  
弓鞬鞞九一矢四發遺單于又賜獻馬左骨都侯右谷  
蠡王雜繒各四百匹斬馬劍各一單于前言先帝時所  
賜呼韓邪等瑟空侯皆敗願復裁賜念單于國尚未安  
方厲武節以戰攻為務等瑟之用不如良弓利劍故未  
以齊朕不愛小物於單于便宜所欲遣驛以聞帝悉納  
從之

**集覽**

三府謂太尉司徒司空三公之府守尉十三州  
記云大郡曰守小郡曰尉折衝注見成帝綏和

二年應對入其數謂應答失言則中其術數也重遣名

王重柱用反再也更為也令必有適適猶言當也謂所

答辭語須令得其當立藁草立謂創制也文章曰藁立

藁草猶言起草檢弓鞬鞞九一鞬居言反弓衣也鞬徒

谷反箭箭也九胡官反鞬與積通左傳昭二十五年公

徒釋甲執冰而踞注冰積九蓋或云積九是箭筒其蓋

可以取飲矢四發漢書十二矢為一發顏師古曰矢一

發猶今言箭一放詩猗嗟篇四矢反弓以禦亂弓注四

矢乘矢也箋云禮射三而止每射四矢必四矢者象其

能禦四方之亂字女媧氏所作竿大於笙列管三十六

於匏內施簧管端而吹之空侯師延所作空國

之侯所好靡靡之音也風俗通曰一名坎侯

**書法** 書求和親矣未有書乞和親者乞卑辭也又切

於書求者矣先是北匈奴嘗求和親不許建武

二十七年於是夏乞和親莫不善於結和親高帝九年書

乞和親一而已詳文帝六年

二十九年春二月朔日食

三十年春二月帝東巡

癸丑 甲寅

群臣上言即位三十年宜封禪泰山詔曰即位三十年  
百姓怨氣滿腹吾誰欺欺天乎曾謂泰山不如林放乎  
何事汗七十二代之編錄若郡縣遠遣吏上壽  
盛稱虛美必斲令屯田於是群臣不敢復言

**集覽**



泰山不如林放乎語八佾文也案禮諸侯祭山川在其封內者泰山在魯地魯公所當祭今季氏祭之非禮也孔子意謂神不享非禮林放尚知問禮誰道泰山之神反不如林放邪欲誣而祭之今光武舉此語者謂泰山不可欺也何事汙七十二代之編錄封禪書管仲曰古者封泰山禪梁父者七十二君而夷吾所記者十有二焉昔無懷氏伏羲神農炎帝黃帝顓頊帝嚳堯舜禹湯成王皆受命然後得封禪索隱曰管仲曰者今管子書封禪篇是正義曰案管仲所記自無懷氏以下十有二家其六十家無記錄今光武言何事汙者猶言何必汙也

**質實**

泰山注見秦始皇二十八年林放魯人也

閏月還宮○有星孛于紫宮○夏大水○膠東侯賈復卒

**質實**

一統志云膠東東漢縣名屬北海國即西漢平度縣

郡唐宋金元並屬萊州本朝初陞縣為平度州屬萊州府

復從征伐未嘗喪敗數與諸將潰圍解急帝以復敢深入希令遠征而壯其勇節常自從之故少方面之勲諸

將每論功伐復未嘗有言帝輒曰賈君之功我自知之

三十一年夏五月大水○晦日食○蝗

建武中元元年春正月以第五倫為會稽太守

丙卯

京兆掾第五倫領長安市公平廉介市無姦枉每讀詔書歎息曰此聖主也一見決矣後補淮陽王醫工長王入朝倫隨官屬得會見帝問以政事倫因此酬對帝大悅明日復特召入與語至夕以倫為扶夷長未到官追拜會稽太守為政清而有惠百姓愛之

**集覽**

第五倫第五復姓元和姓纂云出於齊諸田之後諸田徙

園陵者多故以次第為氏倫其名也長安市長安縣司市也周禮地官司市掌市之治教政刑量度禁令扶夷長扶夷縣之長也百官志萬戶以上為令減萬戶為長

**質實**

一統志云第五倫長陵人扶夷漢之縣名

屬零陵郡長沙王子義封為夫夷侯國即此東漢省之故址在寶慶府武岡州城東北二百四十二里會稽郡名注見和帝永元元年



二月帝東巡封泰山禪梁陰

上讀河圖會昌符曰赤劉之九會命岱宗上感此文乃  
詔虎賁中即將梁松等按索河洛讖文言九世當封禪  
者凡三十六事於是張純等復奏請封禪上乃許焉詔  
有司求元封故事當用方石再累玉檢金泥上以石功  
難就欲因孝武故封石置玉牒其中梁松爭以為不可  
乃命石工取完青石無必五色丁卯車駕東巡二月已  
卯幸魯進幸泰山辛卯晨燎祭天於泰山下南方群神  
皆從用樂如南郊事畢至食時天子御輦登山日中後  
到山上更衣親封之訖太常命驃騎二千餘人發壇上方  
寸二分重親封之訖太常命驃騎二千餘人發壇上方  
石尚書令藏玉牒已復石覆訖尚書令以五十印封石  
檢事畢天子再拜群臣稱萬歲乃復道下夜半後上乃  
到山下百官明旦乃訖甲午禪祭地于梁陰以高台配  
山川群神從如元始中北郊故事胡氏曰七十二君之  
編錄詩書禮典畧不經見審有是事乃天下國家之盛  
舉堯舜禹湯周武成康昭宣皆身致太平安得闕而弗  
講故前世論登封者莫善於許懋惜乎世祖之臣智不  
及此陷其君於過舉而不得聞也延平陳氏曰三十年

群臣請封禪詔引欺天林放之語以止之  
然而信聖人之言不如信圖讖之篤也

集覽

會昌符

記之書也會昌其書之名赤劉之九赤火色漢姓劉以  
火德王故尚赤赤劉猶言炎正也九世數也光武高帝  
九世孫故云河洛讖文易繫辭傳曰河出圖洛出書聖  
人則之孔安國云河圖者伏羲氏王龍馬出河遂則其  
文以畫八卦洛書者禹治水時神龜負文而列於背有  
數至九禹遂因而第之以成九類孫奕示兒編曰河出  
圖洛出書論語與易大傳兩言之而已春秋緯乃云河  
以通乾出天苞洛以流坤吐地符河龍圖發洛龜書感  
河圖有九篇洛書有六篇讖符命之書也當用方石再  
累玉檢金泥謂當用玉牒書藏方石有五檢又用石檢  
十枚列於石傍檢用金縷五周以水銀和金為泥詳見  
郊祀志玉牒注見武帝元封元年泰山下南方泰山之  
陽也梁陰山北曰陰謂梁父山之北也璜曰梁父泰山  
下小山也莫善於許懋梁武帝時有請封會稽禪國山  
者許懋諫質貫一統志云岱宗注見章帝元和二年梁  
之而止質貫父山在濟南府泰安州東南一百一十  
里漢嘗以此山名縣



**書法**

先是群臣請封禪不許至是感河圖文遂行之帝於是亦不得為有定見矣書譏之

**發明**

唐貞觀間群臣有請封禪太宗不許綱目備書于冊今此建武三十年群臣亦請封禪光武不

許綱目何為削而不書蓋太宗之所謂不許其後終於不行光武之所謂不許曾未幾而行之此書法之所異也然則封禪是耶否耶先儒辯論既已詳矣秦皇漢武之侈心何足多述然太宗之不封禪亦非確然不惑者惟綱目樂予人為善故幸其不許大書以美之若世祖既蹈其失綱目雖欲予之不可得也故凡書不許封禪者皆幸之予之也其書封禪者皆譏之貶之也

三月司空純卒○夏四月帝還宮○赦改元

**書法**

改元不書此何以書非常也自文帝以來改元多矣此其為非常何帝即位三十一年不改元矣於是特改中元以為為異也故書是故文帝改後元書更世祖改中元書改皆異之也

○六月以馮魴為司空質實

馮魴南陽湖陽人

○司徒勤卒○京

師醴泉出赤草生郡國言甘露降集覽

醴泉言泉之味非如醴赤草朱草也

孝經援神契曰德及草木則生朱草

群臣奏言靈物仍降宜令太史撰集以傳來世帝不納常自謙無德每郡國所上輒抑而不當故史官罕得而

馬記

**書法**

宣帝之篇書鳳皇甘露降集矣此其書言甘露降何疑辭也若曰郡國之言云爾是故世祖中

元之甘露書言是年桓帝永康之黃龍書言元年齊高湛之河清書言陳主午年皆疑之之辭也終綱目書甘露二宣帝元康二年是年合是無書者矣

秋蝗

**書法**

書蝗何為災也上書醴泉赤草下書秋蝗則醴泉赤草之不為瑞明矣是故武帝書產芝九莖

而繼書早元封二年世祖書醴泉赤草而繼書蝗是年綱目之意微哉



○冬十月以李訢為司徒○尊薄太后曰高皇后遷呂太

后主于園薄后配食地祇呂后四時上祭

**書法**

書尊薄太后何譏也文帝之立也呂后不書太

高帝也於是遷主于園四時上祭可乎尊薄太后曰

此書曰尊薄太后曰高皇后遷呂太后主于園又書

曰薄后配食地祇呂后四時上祭辭繁不殺所以著其甚不可也

○十一月晦日食○起明堂靈臺辟雍宣布圖識於天下

初上以赤伏符即帝位由是信用識文多以決定嫌疑

給事中桓譚上疏諫曰凡人忽於見事而貴於異聞觀

先王之所紀述咸以仁義正道為本非有奇怪虛誕之

事蓋天道性命聖人所難言也自子貢以下不得而聞

况後世淺儒能通之乎今諸巧慧小才伎數之人增益

圖書矯稱識記以欺惑貪邪誣誤人主焉可不抑遠之

哉臣譚伏聞陛下窮折方士黃白之術甚為明矣而乃

欲聽納識記又何誤也其事雖有時合譬猶卜數隻偶

之類陛下宜垂明聽發聖意屏群小之曲說述五經之

正義疏奏帝不悅會議靈臺所處帝謂譚曰吾欲以識

決之譚默然良久曰臣不讀識帝問其故譚復極言識

之非經帝大怒曰桓譚非聖無法將下斬之譚叩頭流血

血良久乃得解出為六安郡丞道病卒范曄曰桓譚以

**集覽**

赤伏符注見建武元年見事謂常見

此論學悲哉之事注見元帝建昭二年黃白

之術丹竈之事也漢武內傳曰李少君言臣能凝瀕成

白銀飛丹砂成黃金成服之白日升天抱朴子論僊

篇曰夫作金皆在神僊集漢淮南王安抄出以作鴻寶

枕中書雖有其文然皆秘其要所用藥物復多改其本

**所處**

猶言方所也非經言識文不合經典正誤按見當

音現見在之事即常見之事也所處質實六安郡名注

今按處上聲謂靈臺所宜處之地也見泰二世

年六



書法

書起何燕靈臺言之也建辟雍盛典也而繼有

圖識始此終綱目書圖識五年是年丁亥年晉武晉孝

武帝寧康三年秦齊乙丑年魏隋文帝開皇十三年

發明

賊奔詐稱符命篡奪漢祚公孫述自陳符命竊

君臨大寶踰三十載乃始宣布圖識於天下何哉且

帝之中興漢業以開關百戰得之非以圖識在已拱

手而得之也彼符堅醜類猶能禁絕識緯帝乃宣布

南單于比死弟莫立考異

南上漏句

帝遣使齎璽書拜授璽綬賜以

二年春正月初立北郊祀后土

書法

書初何緩辭也二年書立郊社于城南矣至祠

十有四年矣

二月帝崩

帝崩於南宮前殿年六十二帝每旦視朝日昃乃罷數

引公卿即將講論經理夜分乃寐皇太子見帝勤勞不

怠承閒諫曰陛下有禹湯之明而失黃老養性之福願

願愛精神優游自寧帝曰我自樂此不為疲也雖以征

伐濟大業及天下既定乃退功臣而進文吏明慎政體

總覽權綱量時度力舉無過事故能恢復前烈身致太

平太尉趙憲典喪事時經王莽之亂舊典不存皇太子

與諸王雜坐同席藩國官屬出入宮省與百僚無別憲

正色橫劍殿階扶下諸王以明尊卑奏遣謁者將護官

屬分止宅縣諸王並令就邸唯朝晡入臨整禮儀嚴門

衛內外肅然山陽王荆哭臨不哀而作飛書令蒼頭詐

稱大鴻臚郭况書與東海王彊言其無罪被廢及郭后

黜辱勸令束飾舉兵以取天下且曰高祖起亭長陛下

興白水何况於王陛下長子故副主哉當為秋霜無為

巳丁



搢羊人主崩亡間閻之伍尚為盜賊欲有所望何况王邪疆得書惶怖即執其使封書上之明帝以荆母弟秘其事遣荆出

**集覽**

經理五經之義理將護將兵護送也

止河南宮按光武本紀注舊宅在今秦陽東南宅旁二里有白水是也當為秋霜無為搢羊正義曰秋霜有肅殺之威當為此也搢籠也羊在籠中受制於人不可為此

**質實**

白水鄉名注見新莽地皇三年

**書法**

賀善贊曰世祖即位之先綱目有特書三起兵則書漢宗室興復帝室至河北則特書除莽苛

政皆玄等所無也故其即位也特書即皇帝位即位之後書三大政要皆有關於風俗運柞者元年首以卓茂為太傅封褒德侯而當時多植交天下畧定即起太學親臨視之而東都盛儒學徵三處士而未造多節義之士其所以祀漢配天以垂二百年之基者實在於此然其失亦有二焉以私愛廢皇后太子信圖讖竟事封禪獨此二者不能不為盛德之累至其加恩廢后母子親黨則又後世人生所難能也

太子蒞即位尊皇后曰皇太后○三月塋原陵

**質實**

原陵在河

南府孟津縣西本朝載於祀典

○夏四月以鄧禹為太傅東平王蒼為驃

騎將軍

詔曰方今上無天子下無方伯若涉淵冰而無舟楫夫萬乘至重而壯者慮輕實賴有德左右小子高密侯禹

元功之首東平王蒼寬博有謀其以禹為太傅蒼為驃騎將軍蒼懇辭帝不許又詔驃騎將軍置長史掾史員

四十人位在三公上蒼嘗薦西曹掾吳良帝曰薦賢助國宰相之職也蕭何舉韓信設壇而拜不復考試今以

良為

**集覽**

上無天子下無方伯公羊傳蒞四年文也何休曰有而無益於治曰無猶易豐卦闕其戶

議即聞其無人注聞古賜反壯者慮輕男子三十曰壯明帝年方三十故自稱壯者輕去聲慮輕者言無遠慮也左

傳曰

輕則寡謀

**正誤**

上無天子今按此因光武初崩故云與公羊註義不同

**質實**

高密縣名注見漢王

邦三年吳良臨淄人

燒當羗反遣兵擊之敗沒冬復遣馬武等討之

**考異**

提要無等



字討字當依  
上文作擊

初燒當羗豪真良擊破先零奪居其地真良卒子真吾  
與弟真岸率眾寇隴西敗太守劉盱於允街於是守塞  
諸羗皆叛詔謁者張鴻領諸郡兵擊之戰於允吾鴻軍  
敗沒冬十一月復遣中郎將鄧固監捕虜將軍馬武等  
二將軍討之集覽燒當西羗種號也無弋爰劔之後從爰  
萬又十三世至燒當時元帝朝也燒當復豪健子孫更  
以爲種號居河北大允谷真良羗豪姓名真音顛本西  
夷國名或曰句就種羗也史記漢書並作真越國楚莊  
王弟莊驕爲國於此漢武時真王降以其地爲益州其  
後因以真爲氏焉真注見武帝元狩元年先零注見宣  
帝元康四年盱凶于反允街史炤通鑑釋文曰允街邑  
名也屬金城郡案金城郡今蘭州是在鞏昌路質實  
允音鉛允吾邑名也屬金城郡允音鉛吾音牙統  
志云允吾漢初縣名爲金城郡治所東漢末  
廢之故城在臨洮府蘭縣西南五十二里

顯宗孝明皇帝永平元年春正月朝原陵

下戊

帝率公卿以下朝于原陵如元會儀乘輿拜神坐退坐  
東廂侍衛官皆在神坐後太官上食太常奏樂郡國上  
計吏以次前當神軒占其郡穀價及民所疾苦是後遂  
以爲常胡氏曰送死之禮即遠而無退至于墓則終事  
盡矣人子孝思不忘則專精乎廟享而已矣蓋墓藏體  
魄而致生之是不智也廟以宅神而致死之是不仁也  
此聖人制禮明乎幽明之故仁智合而義禮盡也既已  
送形而往安乎地下迎精而反主于廟中而又致隆于  
陵園如元會儀上食奏樂郡國奏計言民疾苦是反易  
陵廟之禮以體魄爲有知虛廟拓而不重設復奉廟中  
之主而祭於陵所皆違禮也明帝此舉蓋生於原廟祭  
匱不折衷以聖人之制而直論其情情豈有既哉使明  
帝移此情於四時太廟之祭簋簋籩豆尊彝鼎俎惟禮  
之循而兢兢業業監於光武成憲損益修明之期乎至  
治其爲孝也集覽即遠而無退即就也就使墓藏體魄而致  
何以加諸亦須送至而無退却墓藏體魄而致  
生之是不智也廟以宅神而致死之是不仁也墓只藏  
體魄而魂不在焉不當祭而祭之是致生之也廟者神  
之宅魂靈在焉當祭而不祭是致死之也祀檀弓上孔  
子曰之生而致死之不仁而不可爲也之死而致生之



不知而不可為也注云之往也死之生之謂無知與有知也為猶行也知音智左傳子產曰人生始化曰魄既生魄陽曰魂注人生始變化而為形形之靈者名曰魄若視聽運動之類魄屬陰其中自有陽氣氣之神者名曰魂  
謂迎其精靈反歸其神主安置于廟中致隆謂致此隆禮有知知靈也虛廟拓而不重設重去聲再也言祭於陵園而不再設祭於廟也廟拓注見隋文帝開皇二十  
年宗廟原廟注見惠帝四年折衷注見成帝綏和二年折中簠簋注見文帝六年  
籩豆籩以竹為之口有滕綠形如豆容受四升以盛乾物豆以木為之高并口員徑一尺二寸漆赤中以盛濡物  
尊尊與樽通酒器也  
宗廟常器也與爵相似周禮六尊六彝以侍祭祀賓客注獻尊飾以翡翠也獻通作犧鄭氏以獻與犧皆音素何反王肅讀為犧牲之犧象尊飾以象骨也者尊謂着地無足也着直畧反壺尊謂以壺為尊也大尊太古之瓦尊也大音泰山尊畫山雲於上也雞彝謂刻而畫雞之形於彝也鳥彝畫鳳凰之形竿彝畫禾稼之形黃彝黃目尊也虎彝畫虎之形雉彝畫雉之形於彝也詳見屬也音誅鼎和五味之寶器  
周禮即遠而無退今按禮記曾子于於負夏主  
俎之圖正誤  
人既俎推極而反之子游曰飯於牖下小飲於戶內大飲於阼饋於客位俎於庭塋於墓所以即遠也故喪事有進而無退註謂喪事一節遠於一節有進而往無退而還豈可推極而反之乎愚謂即遠者漸就于遠也集覽誤

周禮即遠而無退今按禮記曾子于於負夏主  
俎之圖正誤  
人既俎推極而反之子游曰飯於牖下小飲於戶內大飲於阼饋於客位俎於庭塋於墓所以即遠也故喪事有進而無退註謂喪事一節遠於一節有進而往無退而還豈可推極而反之乎愚謂即遠者漸就于遠也集覽誤

**發明**

朝陵之失胡氏既已論之矣綱目書此亦譏之爾自是而後凡書朝陵者皆倣此

夏五月太傅高密侯鄧禹卒

**質實**

高密縣名注見漢王邦三年

謚曰元

東海王彊卒

東海王彊病上遣使者太醫乘驛視疾絡繹不絕詔沛王輔等詣魯省疾戊寅彊薨臨終上疏謝恩言身既天命孤弱復為皇太后陛下憂慮誠悲誠慙息政小人也猥當襲臣後必非所以全利之也願還東海郡今天下新罹大憂惟陛下知供養皇太后數進御餐臣彊困劣言不能盡意願並謝諸王不意永不復相見也帝覽書



悲慟從太后出幸津門亭發哀使大司空持節護喪事  
贈送以殊禮詔楚王英等及京師親戚皆會葬帝追惟  
疆深執謙儉不欲厚葬以違其意於是特詔遣送之物  
務從約省衣足欵形茅車瓦器物咸於制以彰王卓爾  
獨行之志將作集覽息政息謂子也生息之義政其子  
大匠留起陵廟集覽之名供養供居用反養弋亮反追  
惟惟思也

**書法**廢太子未有書卒者書此何善疆之能處廢也  
外此則惟承乾書卒然與疆霄壤矣綱目書廢  
太子十二書太子廢二其書卒者二而  
已 是年疆唐太宗貞觀十八年承乾

秋七月馬武等擊羗破之○祭彤討烏桓大破之罷緣邊

**屯兵考異**此討字亦當作擊

遼東太守祭彤使偏裨討赤山烏桓大破之斬其魁帥  
塞外震讙西自武威東盡玄菟皆來內附野無風塵乃  
悉罷緣邊集覽武威注見光武建武九年  
邊屯兵集覽玄菟注見武帝元封三年

好時侯耿弇卒質實好時縣名注見光武建武二十五年

朱巳

二年春正月宗祀光武皇帝於明堂始服冠冕玉佩登靈

臺望雲物集覽冠冕冠有邃延曰冕○三月臨辟雍行大射禮集覽大射禮注見成帝鴻嘉三年○冬十月行養老禮

上幸辟雍初行養老禮以李躬為三老桓榮為五更三  
老服都紵大袍冠進賢扶玉杖乘輿到辟雍禮殿御坐  
東廂遣使者安車迎三老五更於太學講堂天子迎於  
門屏交禮道自阼階三老亦自賓階至階天子揖如禮  
三老升東面三公設几九卿正履天子親袒割牲執醬  
而饋執爵而酌祝哽在前祝饘在後五更南面三公進  
供禮亦如之禮畢引桓榮及弟子升堂上自為下說諸  
儒執經問難於前冠帶縉紳之人園橋門而觀聽者蓋  
億萬計於是下詔賜榮爵關內侯三老五更皆以二千  
石祿養終厥身賜天下三老酒人一石肉四升上自  
為太子受尚書於桓榮及即帝位猶尊榮以師禮嘗幸  
太常府令榮坐東面設几杖會百官及榮門生數百人



上親自執業諸生或避位發難上謙曰太師在是既罷  
悉以太官供具賜太常家祭每疾病帝輒遣使者存問  
太官太醫相望於道及篤上疏謝恩讓還爵土帝幸其  
家問起居入街下車擁經而前撫榮垂涕賜以牀茵帷  
帳刀劔衣被良久乃去自是諸侯將軍大夫問疾者不  
敢復乘車到門皆拜牀下榮卒帝親自變服臨喪送葬  
賜冢塋于首山之陽子郁當嗣讓其兄子洗帝不許郁  
乃受封而悉以租入與之帝以郁為侍中胡氏曰觀顯  
宗事師之意多儀及物數千百年鮮有其儷可謂人主  
之高致盛節也惜乎桓榮授經專門章句不知仲尼脩  
身治天下之微旨大義故其君之德業如是而止若使  
子思孟子之徒遭遇此時得行所學則二帝可三而三  
正可四**集覽**養老禮記內則曰凡養老五帝憲三王有  
也必矣乞言注憲法也五帝養之為法其德行也  
有讀曰又三王養之又從之水善言可施行也三老五  
更東漢禮儀志養三老五更之儀先吉日司徒上太傅  
若講師故三公人各用其德行年耆高者一人為老次  
一人為更顏師古曰選三公老者為三老卿大夫中老  
者為五更亦參五之也鄧展曰漢直以三公為三老大  
夫為五更幸經援神契曰尊事三老父象也謂以父道

事之所以示老也兄事五更謂以兄道事之所以示  
長也宋均曰三老老人知天地之事者五更老人知  
五行更代者劉放東漢刊誤曰天地之事之字當作人  
字言知天地人三才故曰三老禮記鄭玄注皆年老更  
事致仕者也名三五者象三辰五星又謂老人更知三  
德五事者蔡邕以為更當作叟老人之稱也未詳孰是  
服都紵大袍服衣著也都謂都布也以綿續漢志都紵作  
縠衣也謂以都布為大袍而紵之以綿續漢志都紵作  
縠紵誤矣都布注見光武建武四年冠進賢冠去聲進  
賢古緇布冠也儒者之服前高七寸後高三寸長八寸  
後漢改名進賢執爵而酌爵禮器也酌音胤漱也所以  
潔口祝哽在前哽者食留咽中也老人每食多哽故於  
未食前祝之使母哽也祝又職救反下同祝饘在後饘  
者食室氣不通也於已食後祝之使母饘上自為下說  
句絕上謂天子也為去聲自為其下說書國橋門而觀  
聽漢官儀曰辟雍四門外水國統以節觀者門外皆有  
橋觀者在水外故曰國橋門賜榮爵關內侯通鑑考異  
曰帝紀載詔文上言李躬而下獨封榮似脫躬字榮傳  
哀宏漢紀詔獨言桓榮不及李躬今闕疑養終厥身養  
去聲供也以其俸祿養之盡其天年天下三老謂鄉縣



之三老注見漢王劉邦二年太常府百官志太常卿掌禮儀祭祀每祭祀先奏其禮儀及行事常贊天子設几杖設施陳也几老者所馮杖老者所依記曲禮曰大夫七十而致仕若不得謝則必賜之几杖避位發難避位猶言出席發舉也難去聲舉所疑而難問也擁經而進擁持經書而前進首山徐廣曰即雷首山在河東蒲阪縣封禪書所謂薄山也括地志云薄山一名襄山一名雷首山一名首陽山在陝州芮縣北十里此山西起雷山東至蒲阪凡十名以州縣分之多在蒲州專門章句意斷處曰章言斷處曰句言其專於分章析句之學也儒林傳贊塗分流別專門並與注云說經者各自是其一家

**正誤**

祿養終厥身今按下奉上曰養如養

**質實**

一統志云李躬梓潼人首

**書法**

徒聞宣布圖讖而已至是始盛三雍之儀復先

代之典帝於此可謂賢矣文治可謂盛矣故詳書之終綱目書臨學二書視學三書諸學二詳光武建武五年書養老四是年後主景耀元年魏主髦齊壬申年魏主宏陳癸未年周主邕而魏宴國老庶老於華林不與齊丙子年

**發明**

光武中興投戈講藝息馬論道其留意文治又矣末年肇建三雍未及臨嚮明帝繼之舉宗祀

望雲物行大射養老之禮東都文物於是彬彬可觀書之于冊足為美稱詩曰貽厥孫謀以燕翼子光武以之又曰昭哉嗣服繩其祖武顯宗有焉

### 中山王馬就國

上以中山王馬郭太后少子太后尤愛之故獨留京師至是始與諸王俱就國賜以虎賁官騎恩寵尤厚獨得往來京師帝禮待陰郭每事必均數受賞賜恩寵俱渥

**書法**

馬者何郭后所愛子也建武末年嘗遣諸王就國矣明帝請特留之至是始遣帝之待廢后可

**集覽**

陰郭陰氏郭氏



謂無纖介之嫌矣特書美之

帝如長安○十一月遣使者以中牢祠蕭何霍光帝過式

其墓是月還宮

**集覽** 中牢注見昭

**質實**

一統志云蕭何墓在西安府咸陽縣

北三十五里霍光墓在西安府咸陽縣茂陵平陵之間

**書法**

祭臣不書此何以書錄功臣也書祭臣始此終綱目書祭臣六是年章帝元和二年祠獻王安

帝延光四年祠揚靈靈帝中平六年祠陳蕃唐太宗貞觀十九年祠魏徵肅宗至德二年祠張九齡

申庚

三年春二月太尉熹司徒訢免以郭丹為司徒虞延為太

**尉質實**

郭丹南陽穰縣人虞延陳留東昏人

○立貴人馬氏為皇后子烜為

皇太子

后援之女也光武時以選入太子宮能奉承陰后傍接同列禮則修備上下安之遂見寵異及帝即位為貴人

時后前母姊女賈氏亦以選入生皇子烜帝以后無子命養之謂曰人未必當自生子但患愛養不至耳后於

是盡心撫育勞悴過於所生太子亦孝性淳篤母子慈愛始終無纖芥之間后常以皇嗣未廣薦達左右若恐

不及後宮有進見者每加慰納若數所寵引輒增隆遇冠後宮即其人也后既正位宮闈愈自謙肅好讀書常

衣大練裙不加綠朔望諸姬主朝請望見后袍衣跡履

以為綺縠就視乃笑后曰此繒特宜染色故用之耳群臣奏事有難平者帝數以試后后輒分解趣理各得其

情然未嘗以家私干政事 **集覽** 難平平音病平帝由是寵敬始終無衰焉

圖畫中興功臣於雲臺

帝思中興功臣乃圖二十八將於南宮雲臺以鄧禹為首次馬成吳漢王梁賈復陳俊耿弇杜茂寇恂傅俊岑

彭堅鐔馮異王霸朱祐任光祭遵李忠景丹萬脩蓋延邛彤甄期劉植耿純臧宮馬武劉隆又益以王常李通

實融卓茂合三十二人馬 **集覽** 振房注見昭 **質實** 一統志云援以振房之親獨不與焉



雲臺在河南府洛陽縣東水南堡

夏六月有星孛于天船北

**集覽**

天船天官書曰天船有九星在大陵北一曰舟星

○大起北宮既而罷之

時天旱尚書僕射鍾離意請闕免冠上疏曰昔成湯遭旱以六事自責切見北宮大作民失農時自古非苦宮室小狹但患民不安寧宜且罷止以應天心帝策詔報曰湯引六事咎在一入其冠履勿謝又救大匠止作諸宮減省不急詔因謝公卿百僚遂應時澍雨帝性褊察好以耳目隱發為明公卿大臣數被詆毀近臣尚書以下至見提曳常以事怒即藥崧以杖撞之崧走入牀下帝怒甚疾言曰即出崧乃曰天子穆穆諸侯皇皇未聞人君自起撞即帝乃赦之是時朝廷莫不悚慄爭為嚴切以避誅責唯鍾離意獨敢諫爭數封還詔書臣下過失輒救解之會連有變異上疏曰陛下畏敬鬼神憂恤黎元而天氣未和寒暑違節者咎在群臣不能宣化治職而以苛刻為俗百官無相親之心吏民無雍之志至於感逆和氣以致天災百姓可以德勝難以力服鹿鳴之詩必言燕樂者以人神之心洽然後天氣和也願陛下垂聖德緩刑罰順時氣以調陰陽帝雖不時能用然知其至誠

**集覽**

成湯遭旱以六事自責帝王世紀湯於桑林之社以六事自責說苑曰湯時維拊川竭遂使人持六足鼎祝之山川曰政不節邪使民疾邪宮室營

邪女謁盛邪危直行邪讒夫昌邪何不雨之極也言未已而天大雨澍雨澍又音注說文時雨生萬物好以耳目隱發為明七制解云喜以耳聞目見開密地發人陰私為明提曳提音底擲也曳羊列反拖也七制解云至見被提提紐拽即藥崧即官名掌宿衛姓藥名崧河內人天子穆穆諸侯皇皇記曲禮文也又荀子注穆穆容儀謹也皇皇質實鍾離意會稽山陰人自修正也

**書法**

書築宮有之矣至武帝明光始書起未書大起也書大起非譏歟帝方大起北宮未幾以鍾離

一疏而立罷可謂改過不吝矣上書大起下書既而罷之所見其從諫之勇也故乙丑宮成不書綱目宮室書大者五是年後主建興五年魏大營宮室晉穆帝永和元年趙太發民治洛陽宮宋癸卯年宋大



修宮室梁丙子年齊大治宮室唯明帝書罷宮室書罷者三是年唐玄宗開元元年敬宗寶曆二年皆美也

### 秋八月晦日食

詔曰昔楚莊無災以致戒懼魯哀禍大天不降譴今之動變儻尚可救有司勉思厥職以匡無德

**集覽**

### 冬十月帝奉皇太后如章陵

車駕從皇太后幸章陵荆州刺史郭賀官有殊政上賜以三公之服備載冕旒教行部去襜帷使百姓見其容服以章有德

**集覽**

教行部去襜帷行下孟反去口舉反襜蠻有德

### 大水

### 四年春帝如河內不至而還

帝近出觀覽城第欲遂校獵河內

**書法**

不至何美從諫也凡遊幸書不至書不果皆美也綱目遊幸書不至二是年晉武帝辛卯年不

**發明**

昔仲虺美成湯之德以從諫弗弗改過不吝為首稱蓋過者人所不免惟能聽人之言而勇於

改乃為盛德之舉爾頭宗繼體至是四載去夏北宮之役鍾離意上疏即教大匠止作今春校獵之行

東平王進諫帝覽奏即還此亦從諫弗弗改過不吝之意也故綱目前書大起北宮既而罷之此書帝如河內不至而還皆所以著其改過之美若顯宗者於是乎有光前古矣

冬十月司徒丹司空鮪免以范遷為司徒伏恭為司空

酉辛



**實**

范遷沛國相人

○陵鄉侯梁松下獄死

松坐怨望縣飛書誹謗下獄死初上為太子太中大夫

鄭興子衆以通經知名太子及山陽王荆因梁松以繼

帛請之衆曰太子儲君無外交之義漢有舊防藩王不

宜私通賓客松曰長者意不可逆衆曰犯禁觸罪不如

守正而死遂不往及松敗賓

客多坐之唯衆不染於辭

漢有舊防此漢家舊制也防通作坊記經解曰以

舊坊為無所用而壞之者注坊音房本又作防

鄭衆開封人

于賓攻莎車王賢殺之

莎車王賢以兵威逼奪于賓大宛媯塞王國使其將守

之于賓人殺其將君德立大人休莫霸為王賢率諸國

兵擊之大為休莫霸所敗脫身走還休莫霸進圍莎車

中流矢死于賓人復立其兄子廣德為王廣德父先拘

在莎車賢乃歸其父以女妻之與之和親是歲于賓王

廣德將諸國兵攻莎車誘莎車王賢殺之并其國匈奴

發諸國兵圍于賓廣德請降匈奴立賢質子不居徵

為莎車王廣德又攻殺之更立弟齊黎為莎車王

覽 武帝元狩元年媯塞國名在西域注見

書法 蛮夷相殺不書此何以書漢殺之也自漢以賢

是奪于賓國于賓攻殺之是以是為漢病也故書

戊壬

五年春二月驃騎將軍蒼罷歸藩

東平王蒼自以至親輔政聲望日重意不自安前後累

上疏稱自漢興以來宗室子弟無得在公卿位者乞上

驃騎將軍印綬退就藩國辭甚懇切至是帝乃許蒼還

國而不聽上將軍印綬以驃騎長史為東平太傅掾為

中大夫令史 質實 東平國名注見 獻帝興平元年 書法 書就國多矣未有書歸藩者書歸藩何特筆也 其特筆何賢蒼也若蒼者可以為漢藩矣故自 為驃騎至 卒六書之



冬十月帝如鄴是月還宮○十一月北匈奴寇五原雲中

南單于擊却之○安豐侯竇融卒考異 提要此句上有十二月三字

融年老子孫縱誕多不法長子穆尚內黃公主矯稱陰太后詔令六安侯劉盱去婦以女妻之盱婦家上書言

狀帝大怒盡免穆等官諸竇為郎吏者皆將家屬歸故郡獨留融京師融尋薨後數歲穆等復坐事與子勲宣

皆下獄死久之詔還融夫 **集覽** 六安郡名注見秦 **質實**

人與小孫一人居雒陽 **安豐** 縣名注見唐昭宗大順二年內

六年春二月王維山出寶鼎詔禁章奏浮詞 **集覽** 王維山

文曰在廬江郡雜或作維

詔曰祥瑞之降以應有德方今政化多僻何以致茲易

日鼎象三公豈公卿奉職得其理邪其賜三公帛五十匹九卿二千石半之先帝詔書禁人上事言聖而間者

章奏頗多浮詞自今若有過稱虛譽尚書皆宜抑而不

省示不為諂子嗤也 **書法** 書禁浮詞何特筆也世祖書封事不得言聖此

帝元鼎四年是年自是無書得鼎者矣

七年春正月皇太后陰氏崩二月葬光烈皇后

**書法** 西漢之世皇后書崩不書葬書葬者必有故也

許右執傳太后潘妾至東漢始書葬不書葬者亦必有故也世祖郭氏和帝陰氏桓帝鄧氏靈帝宋

氏皆廢獻帝何氏弒后書葬自此始照烈以後復不書葬晉復書之宋以後不書惟路太后以譏書

○北單于求合市許之 **考異** 北上漏句

北匈奴猶盛數寇邊遣使求合市上冀其交通不復為寇許之

以宋均為尚書令

子甲

亥癸



將軍

八年春正月司徒遷卒以虞延為司徒○以吳崇為度遼

初均為九江守五日一聽事悉省掾史閉督郵府內屬  
 縣無事百姓安業九江舊多虎暴常募設檻穽而猶多  
 傷害均下詔屬縣曰夫江淮之有猛獸猶北土之有雞  
 豚也今為民害咎在殘吏而勞勤張捕非憂恤之本也  
 其務退姦貪思進忠善可一去檻穽除削課制其後無  
 復虎患帝聞均名故任以樞機均謂人曰國家喜文法  
 庶吏以為足止姦也然文吏習為欺謾而庶吏清在一  
 已無益百姓流亡盜賊為害也均欲叩首爭之時未可  
 改也久將自苦之乃可言耳未及言

**集覽** 閉督郵府督  
 會遷司隸校尉後上聞其言追善之  
 縣罰負郵殿糾攝之馮鑑續事始曰後漢有郡主簿亦  
 曰督郵隋以錄事參軍代之掌勾稽文簿舉彈善惡今  
 閉其府門

**正誤** 閉督郵府內今按府字當連內字為句  
 示無事也督郵乃督察屬縣事務者九江無事催  
 督故閉督郵於前

**質實** 宋均南陽安衆人九江郡  
 內不令妄出也名注見秦王政六年壽春

初大司農耿國上言宜置度遼將軍屯五原以防南匈奴  
 奴逃亡朝廷不從南匈奴須卜骨都侯等知漢與北虜  
 交侵內懷嫌怨欲畔密使人詣北虜令遣兵迎之鄭衆  
 出塞疑有異同候果得須卜使人乃上言宜更置大將  
 以防二虜交通由是始置度遼營以中郎將吳崇  
 行度遼將軍事將黎陽虎牙營士屯五原曼栢

**集覽** 須卜骨都侯須卜注見平帝元始二年骨都侯注見光  
 武建武二十四年五原曼栢五原郡有曼栢縣案五原  
 今勝州連谷縣

**質實** 耿國扶風茂陵人况之子牟之弟  
 是也曼音萬

**書法** 建武之末北匈奴求和親以皇太子諫不許後  
 雖許之漢與南匈奴未隙也故永平之五北虜  
 入寇南單于猶擊却之於是間一歲耳北虜求合市  
 則忘其前言身自許焉自此疑隙遂開而度遼營不  
 得不置矣  
 故謹書之

秋大水

郡國十  
四大水

通鑑綱目卷之九十一 漢明帝永平八年



冬十月詔聽有罪亡命者贖考異據分注帝聞西域有神

竺求其道得其書及沙門攝摩騰至京師置於鴻臚寺竊

考後魏孝明神龜元年遣使如西域求佛書綱目大書示

戒又觀歷代崇信異端如晉成帝咸康元年趙聽其民事

佛孝武太元六年立佛精舍於內殿後秦姚興弘始七年

以鳩摩羅什為國師後魏文成興安元年復建佛圖獻文

皇興三年置僧祇佛圖戶宣武永平二年親講佛書作永

明閑居寺孝明熙平元年作永寧寺宋明帝泰始七年作

湘宮寺梁武帝大通元年中大通元年太清元年三捨身

於同泰寺大同三年修長干塔中大同元年講佛書於同

泰寺北齊文宣帝天保六年以道士為沙門陳武帝永定

二年捨身於大莊嚴寺周靜帝大象二年復佛道二教隋

文帝開皇二十年禁毀佛天尊及神像唐高祖武德九年

罷沙汰僧道高宗顯慶二年遣天竺方士歸國中宗嗣聖

二年太后以僧懷義為白馬寺主七年太后頒大雲經於

天下代宗永泰元年置百高座講仁王經大曆二年作章

敬寺三年幸章敬寺度僧尼千人內出孟蘭盆賜章敬寺

憲宗元和十四年遣中使迎佛骨至京師武宗會昌六年

詔上京增置八寺復度僧尼宣宗大中元年敕復廢寺懿

宗咸通三年置戒壇度僧尼十二年幸安國寺十四年遣

使迎佛骨凡若此者綱目莫不悉書況漢明帝求佛書啓

豐端為天下後世之禍致堂胡氏論之詳矣朱子感興詩

云誰敢繼三聖為我焚其書蓋嫉之甚矣獨此闕漏

不書所與訥齋趙氏書云未及細看者或此類也

募死罪繫囚詣度遼營有罪亡命者令贖各有差楚王

英奉黃纁白丸詣國相曰託在蕃輔過惡累積歡喜大

之恩奉送纁帛以贖愆罪國相以聞詔報曰楚王誦黃老

當有神其名曰佛因遣使之天竺求其道得其書及沙

門以來其書大抵以虛無為宗貴慈悲不殺以為人死

精神不滅隋復受形生時所行善惡皆有報應故所貴

脩練精神以至為佛善為宏闊勝大之言以勸誘愚俗

精於其道者號曰沙門於是中國始傳其術圖其形像

而王公貴人獨楚

王英最先好之

集覽伊蒲塞即優婆塞也如今之苦

戒行堪近舊住也釋氏要覽曰優婆塞乃梵語也又謂

之鄒波索迦秦言名善宿男唐曰近事男一名清信士



桑門即沙門也。如今僧精於其道者，號沙門。表宏曰：沙門，漢言息也。息，意去欲而歸于無為也。梵云沙迦，意曩又云沙門。那或云桑門，唐謂之勤息。秦譯云勤行。又云善覺佛。列子曰：西方有聖人焉，其名曰佛。案佛地論曰：佛覺也。覺，一切種智。後能開覺有情，如夢覺。故名佛。普曜經曰：佛梵率天降神於西域迦維羅淨飯王宮摩耶夫人剖右脅而生。天堂。注見武帝元狩元年身毒。

是月晦日食既，詔群司極言復以示百官。

詔群司勉修職事，極言無諱。於是在位者皆上封事，各言得失。帝覽章深自引咎，以所上班示百官。詔曰：群僚所言皆朕之過，民冤不能理，吏黠不能禁，而輕用民力，繕修宮宇，出入無節，喜怒過差，亦覽前戒，殊然兢懼，徒恐薄德，久致怠耳。

書法

特筆也。詔求極言難矣，而又以示百官，所以開深羨之。是故食既大變也。綱目書食既十有二詳，惠帝七年無不有大應者。帝則國家無事，明年而以大

有年書帝誠有以回天矣。終綱目書日食三百六十七，書舉士者五，求言者三而已。詳文帝二年。

發明

詔以極言復示百官，蓋特筆也。顯宗有聽言之美，故其書法如此。

以鄭衆為軍司馬

初，鄭衆為越騎司馬，使北匈奴單于欲令衆拜衆不為。任單于圍守閉之，不與水火。衆拔刀自誓，單于恐而止。乃更發使隨衆還京師。然雖遣使入貢，而寇鈔不息。邊城晝閉，帝議遣使報其使者。鄭衆上疏諫曰：臣聞北單于所以要致漢使者，欲以離南單于之衆，堅三十六國之心也。又當揚漢和親，誇示隣敵，令西域欲歸化者局促狐疑，懷土之人絕望中國耳。漢使既到，便僮蹇自信。若復遣之，虜必自謂得謀，其群臣駭議者不敢復言。如是南庭動搖，烏桓有離心矣。南單于久居漢地，具知形勢，萬分離析，旋為邊害。今幸有度遼之衆，揚威北垂，雖勿報答，不敢為患。帝不從。復遣衆，衆因上言：臣前奉使不為匈奴拜，單于恚恨，遣兵圍臣。今復銜命，必見陵折。臣誠不忍持大漢之彊，帝不聽。衆不得已，既行，在路連上書將有損大漢之彊，帝不聽。衆不得已，既行，在路連上書。



固爭之詔切責衆追還繫廷尉會赦歸家其後帝見匈奴來者聞衆與單于爭禮之狀乃復召衆爲軍司馬

**集覽** 西域揚漢揚者稱說也三十六國注見哀帝元壽二年

通於天子者四品一曰章二曰奏三曰表四曰駢議駢者執意不回猶如色之間雜也萬分離析言多端分析

爲害度遼謂度正誤要致漢使今按萬分猶言萬分一也

遼將軍吳崇一軍司馬爾何以書予節也衆

**書法** 詔司隸校尉部刺史歲上墨綬長吏視事三歲以上

治狀尤異者各一人與計借上及尤不治者亦以聞

**覽** 歲上墨綬長吏秩四百石至二百石是爲長吏皆銅

異政治出乎衆人之上者與計借上注見武帝元光五年

**大有年集覽** 大有年注見唐太宗貞觀四年

丙寅

九年夏四月詔司隸刺史歲考長吏殿最以聞

**書法** 入綱目以來未之有也於是特書書大有年始

太宗貞觀四年玄宗開元十三年皆盛時也書有年

二後唐丁亥年巳丑年書大熟一晉孝武太元七年

書太稔四梁武帝辛酉年唐高宗永徽五年德宗貞

元三年憲宗元和六年書麥稔一唐代宗永泰元年

**發明** 春秋之法美惡不嫌同詞綱目取法春秋亦有

爲拘者要在學者審觀之爾春秋十二公獨桓公三

並記故有年大有年得見於經若舊史不存春秋亦

不得而附益之有如二百四十二年之間固有務農

重穀閔雨喜雨之君而皆不以有年書者是聖人削

之也春秋記異不記祥獨於二公書有年何哉自泰

丙寅

九年夏四月詔司隸刺史歲考長吏殿最以聞

詔司隸校尉部刺史歲上墨綬長吏視事三歲以上

治狀尤異者各一人與計借上及尤不治者亦以聞

**覽** 歲上墨綬長吏秩四百石至二百石是爲長吏皆銅

異政治出乎衆人之上者與計借上注見武帝元光五年

**大有年集覽** 大有年注見唐太宗貞觀四年

太宗貞觀四年玄宗開元十三年皆盛時也書有年

二後唐丁亥年巳丑年書大熟一晉孝武太元七年

書太稔四梁武帝辛酉年唐高宗永徽五年德宗貞

元三年憲宗元和六年書麥稔一唐代宗永泰元年

**發明** 春秋之法美惡不嫌同詞綱目取法春秋亦有

爲拘者要在學者審觀之爾春秋十二公獨桓公三

並記故有年大有年得見於經若舊史不存春秋亦

不得而附益之有如二百四十二年之間固有務農

重穀閔雨喜雨之君而皆不以有年書者是聖人削

之也春秋記異不記祥獨於二公書有年何哉自泰



秋以為異而特存之况二公享國俱十八年獨一年書有則他年之歎可知胡氏安國傳春秋亦本此義然則春秋之書有年乃紀異也綱目書此豈紀異乎自周威烈王至今凡幾年矣獨此始書大有雖先漢文景盛時亦闕然無之及考班范二史惟見東都是年載此故通鑑因而紀之綱目遂得揭而書之蓋春秋記異不記祥是春秋之特筆也綱目災祥並記是綱目兼史法而紀實也顯宗是時君德清明政事修舉天人交感故獲有年之應前史備而錄之綱目因而書之正所以著當時治效之美其與先儒發明麟筆之意固自有並行而不相悖者臣故詳而辨之以告後之觀綱目者云

○匈奴遣子入學

帝崇尚儒學自皇太子諸王侯及大臣子弟功臣子孫莫不受經又為外戚樊氏郭氏陰氏馬氏諸子立學於南宮號四姓小侯置五經師搜選高能以授其業自期門羽林之士悉令通孝經章句匈奴亦遣子入學

覽

四姓小侯表宏漢紀曰以樊郭陰馬四姓非列侯故曰小侯禮記庶方小侯亦其義也

集

書法

特書也文治於是極盛矣終綱目一書而已

十年春二月廣陵王荆有罪自殺國除

卯丁

先是廣陵王荆復呼相士謂曰我貌類先帝先帝三十得天下我今亦三十可起兵未相者請吏告之荆惶恐自繫獄帝加恩不考極其事詔不得臣屬吏民唯食租如故使相中尉謹宿衛之荆又使巫祭祀祝詛詔長水校尉樊條等雜治其獄事竟奏請誅荆帝怒曰諸卿以我弟故欲誅之耶我子卿等敢爾邪條對曰天下者高帝天下非陛下之天下也春秋之義君親無將將而必誅臣等以荆屬託母弟陛下留聖心加惻隱故敢請耳如令陛下子臣等專誅而已

集覽 臣屬吏民言不得以也唯食租如故使相漢故事王侯將相免官不署事者稱使相唯食所封之邑租賦而已鄭畋曰使相品秩雖高昔居真相之下僚音紬漢書作儵顏師古音式竹反君親無將將而必誅公羊傳莊三十二年公以病將死召季子曰吾將焉致乎魯國公子牙謂我曰魯一死一及君已知之矣季子曰是將為亂乎俄而牙弑械成季



子和藥飲牙飲而死公子牙今將爾君親無將而  
誅焉注牙實欲自弑君兵械已成親謂父母無將如字  
下將而同或音子匹反非也又昭元年陳侯之弟招殺  
陳世子偃師言將自是弑君也君親無將將而必誅馬  
又史記叔孫通傳曰人臣無將將即反罪死  
無赦瓚曰將逆亂也顏師古曰將有其意  
故使相中尉謹宿衛之今按唯食租如故五字句絕下  
文十四年楚王英男女為侯主者食邑如故文義同使  
相屬下句使字上聲  
相謂其國之相也  
質實 廣陵國名注見武帝元朔五年

夏閏四月帝如南陽

上幸南陽召校官弟子作雅樂奏  
鹿鳴帝自御墳篋和之以娛嘉賓  
鳴詩小雅篇名燕群臣嘉賓之詩也墳篋並樂器音喧  
池墳本作墟詩何人斯篇伯氏吹塤仲氏吹篋文公集  
傳伯仲兄弟也墟以土燒為之大如鷲子銳上平底形  
似稱鍾六孔篋以竹為之長尺四寸圍三寸七孔一孔  
上出徑三  
分凡八孔

冬十二月還宮○以丁鴻為侍中

初陵陽侯丁綝卒子鴻當襲封上書稱病讓國於弟盛  
不報既葬乃挂衰經於冢廬而逃去友人九江鮑駿遇  
鴻於東海讓之曰昔伯夷吳札亂世權行故得申其志  
耳今子以兄弟私恩而絕不滅之基可乎鴻感悟垂涕  
乃還就國鮑駿因上書薦鴻  
經學至行上徵鴻為侍中  
夷讓之遂逃去叔齊亦不肯立而逃正義曰孤竹國在  
平州濱東海夷齊姓點氏或曰姓墨氏應劭曰蓋伯夷  
之國君姓墨胎氏索隱曰孤竹君是殷湯所封傳至夷  
齊之父名初字子朝伯夷名元或作允字公信叔齊名  
致或作智字公達夷齊謚也伯叔少長之字也地志孤  
竹城在遼西今支縣吳札春秋吳王壽夢有子四人幼  
日季札壽夢以其賢欲立之季札不可乃立長子諸樊  
攝行國事壽夢卒諸樊已除喪讓位季札季札遂棄其室  
而耕

集覽

伯夷高末孤竹君長子也父欲立叔齊伯

正誤

伯夷今按伯夷叔齊之名

質實

一統志云陵陽

建安三年丁綝穎川定陵人伯夷孤竹君之子也其父  
將死遺命立其弟叔齊叔齊讓伯夷伯夷曰父命也遂



十一年春正月東平王蒼來朝

逃去叔齊亦不立而逃之聞西伯善養老往歸焉及武王伐紂夷齊扣馬而諫左右欲兵之太公曰義士也扶而去之殷亡耻食周粟隱于首陽山遂餓而死按孤竹國在永平府城西一十五里吳札注見成帝永始元年延陵季子九江郡名注見秦王政六年壽春

蒼與諸王俱來朝月餘還國帝臨送歸宮懷然懷思乃遣使手詔賜東平國中傳曰辭別之後獨坐不樂因就車歸伏軾而吟瞻望永懷實勞我心誦及來救以增歎息日者問東平王處家何等最樂王言為善最樂其言甚大副是要腹矣今送列侯印十九枚諸王子年五歲已上能趨拜者皆令帶之  
**集覽** 伏軾伏車前橫板隆起者來救詩小雅篇名刺幽王也侮慢諸侯諸侯來朝不能錫命以禮日者猶言往日也要腹要讀為腰  
**質實** 東平國名注見獻帝興平元年

十二年春哀牢內附

哀牢王柳貌率其民五萬餘戶  
**集覽** 哀牢南夷種名居內附以其地置哀牢博南二縣  
**質實** 一統志云哀牢皆著尾即今大理國也唐時號南詔  
章帝建初元年哀牢縣名東漢所置屬永昌郡晉仍舊後廢之故址在金齒軍民指揮使司境內故牢王國東博南縣名東漢所置晉因之後改永平縣唐時南詔置勝鄉郡宋時大理因之元初廢郡立永平千戶所後復為永平縣屬永昌府  
改屬金齒軍民指揮使司 國朝

夏四月修汴渠隄

初平帝時汴河決壞久而不修建武十年光武欲修之浚儀令樂俊上言民新被兵革未宜興役乃止其後汴渠東浸日月彌廣充豫百姓怨歎會有薦樂浪王景能治水者夏四月詔發卒數十萬遣景與將作謁者王景能修汴渠隄自滎陽東至千乘海口千餘里上里立一水門令更相洄注無復潰漏之患雖簡省役費然猶以百億計  
**集覽** 浚儀地志陳留有浚儀縣竹書紀年云梁惠王為大溝於此郭以行圃田之水縣北有浚



水象而儀之故曰浚儀渠隄酈道元云汴出陳留浚儀縣陰溝至蒙為汴水東入泗括地志云汴渠即黃瀆

渠汴自滎陽首受河所謂石門在滎陽山北一里過汴

已東積石為堤又號金堤漢成帝陽嘉中所作樂浪音

洛郎漢武時以朝鮮地置四郡此其一也千乘注見

周赧王三十一年河注河逆流而上也注謂灌浸也

**實**一統志云浚儀漢之縣名屬陳留郡魏晉以後皆因

屬鄭州唐於此置汴州以開封縣省入尋復舊宋初改

祥符縣金元因之國朝改屬開封府汴渠堤即金堤

也自開封府滎陽縣東至千乘海口千餘里歷代築之

以禦河患通謂之金堤漢孝文時河決酸棗東瀆金堤

即此樂浪郡名注見武帝元封二年

**書法**書渠隄謹溝洫也書隄始此終綱目書修隄四

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

隄甲寅年隄丙戌年宋北

庚午

十三年夏四月汴渠成

河汴分疏復其舊跡

**書法**

凡書成久辭也自往年四月始修於是一年而後成用民多矣故謹書之綱目渠潭書成三隄

堰書成二漢汴渠是年唐廣運渠天寶二年周汴渠

成不書修則美其速成也甲寅年

冬十月晦日食○十一月楚王英有罪廢徙丹陽

**考異**

提

無十一  
月三字

楚王英與方士作金龜玉鶴刻文字為符瑞男子燕廣

告英與漁陽王平顏忠等造作圖書有逆謀事下案驗

有司奏英大逆不道請誅之帝以親親不忍十一月廢

英徙丹陽涇縣賜湯沐邑五百戶男女為侯主者食邑

如故許太后勿上集覽涇縣地志丹陽郡有涇縣今屬

壘綬留住楚宮寧國府湯沐邑顏師古曰謂以



其邑之賦稅供湯沐之具紀王制方伯為朝天子皆有湯沐之邑注給齋戒自潔清之用浴用湯沐用潘潘芳表反浙米汁也許太后即賈實一統志云漁陽郡名注許美人也楚王英所生母見秦王政三年丹陽漢

之郡名治宛陵縣東漢永和間析置宣城郡桓帝時省宣城復為丹陽郡三國屬吳晉復置宣城郡治宛陵宋

析置淮南郡尋又置南豫州治宣城陳改南豫州為宣州隋初郡廢州存大業初復改為宣城郡唐置宣州天

寶初置宣城郡乾元初復為宣州昭宗時陞寧國軍節度宋仍為宣州屬江南東路乾道初陞寧國府元改為

寧國路屬江浙行省本朝改為寧國府直隸京師涇縣漢初所置屬丹陽郡因涇水為名晉屬宣城郡隋屬

宣州唐初置南徐州後改為歙州既而州廢縣存宋元仍舊本朝因之屬寧國府

未辛

### 十四年春三月司徒延有罪自殺

先是有私以英謀告司徒虞延者延以英藩戚至親不然其言及英事覺詔書切讓延延自殺

### 夏四月以邢穆為司徒○故楚王英自殺

楚王英至丹陽自殺詔以諸侯禮葬於涇封燕廣為折姦侯是時窮治楚獄遂至累年其辭語相連自京師親戚諸侯州郡豪傑及考案吏阿附坐死徙者以千數而繫獄者尚數千人英陰疏天下名士上得其錄有具郡太守尹興名乃徵興及掾史五百餘人詣尉就考諸吏不勝掠治死者大半唯門下掾陸續主簿梁宏功曹史駟勳備受五毒肌肉消爛終無異辭續母自吳來維陽作食以饋續雖見考辭色未嘗變而對食悲泣不自勝治獄者問其故續曰母來不得見故悲耳問何以知之續曰母截肉未嘗不方斷葱以寸為度故知之使者以狀聞上乃赦興等禁錮終身顏忠王平辭引隧鄉侯耿建朗陵侯臧信漢澤侯鄧鯉曲成侯劉建建等辭未嘗與忠平相見是時上怒甚吏皆惶恐諸所連及率一切陷入無敢以情恕者侍御史寒朗心傷其寃試以建等物色獨問忠平而二人錯愕不能對朗知其詐乃上言建等無姦專為忠平所誣疑天下無辜類多如此帝曰即如是忠平何故引之對曰忠平自知所犯不道故多虛引冀以自明帝曰即如是何不早奏對曰臣恐海內別有發其姦者帝怒曰吏持兩端促提下捶之左右方引去朗曰願一言而死帝曰誰與共為章對曰臣獨



作之上曰何以不與三府議對曰臣自知當必族滅不敢多汚染人上曰何故族滅對曰臣考事一年不能窮盡姦狀一覺寤而巳臣見考囚在事者咸共言妖惡大冀陛下所宜同疾今出之不如入之可無後責是以考一連十考十連百又公卿朝會陛下問以得失皆長跪言舊制大罪禍及九族陛下大恩裁止於身天下幸甚及其歸舍口雖不言而仰屋竊歎莫不知其多冤無敢悟陛下言者臣今所陳誠死無悔帝意解詔遣朗出後二日車駕自幸洛陽獄錄囚徒理出千餘人時天旱即夜起彷徨由是多所降宥任城令袁安遷楚郡太守到郡不入府先往按楚王英獄事理其無明驗者條上出之府丞掾史皆叩頭爭以為阿附反虜法與同罪不可安曰如有不合太守自當坐之不以相及也遂

**集覽** 顏師古曰項與手足俱加木也通鑑釋文曰五毒害人

之草也如野葛狼毒之類朗陵縣名屬陽安郡按陽安今簡州是屬成都府漢澤地志河東有漢澤縣應劭曰縣外有漢澤也漢澤號反曲成縣名屬涿郡成或作城

以建等物色獨問忠平物色者人物顏色也先是劉建辭云未嘗與忠平相識故畫建等物色以問忠平錯愕也案寒朗本傳注錯愕倉卒也錯干故反悞五故反敢

悟悟或作悟亦作忤並五故反逆也錄囚徒顏師古曰省錄之知其情狀有冤滯與不也今云慮囚本錄聲之去者耳近俗不曉其意說其文遂為思慮之慮失其源矣韻會去聲有錄字注寬省也太玄踣于挫獄三歲見錄王涯說通作慮任城東平屬

**正誤** 五毒今按李賢曰楚也或云鞭筆灼微纏及釋文以為毒草皆非朗陵今按此陽安屬汝南郡非簡州也詳見第十三卷物色今按物色謂形狀也取建等未嘗與顏忠王平相見必不相識故以建等形狀問忠平不能對則知其詐也

**實** 一統志云吳郡注見和帝永元元年陸續會稽吳人因之晉省入安昌縣故城在汝寧府確山縣西南三十里漢之縣名屬汝南郡東漢郡唐初於此置澤州尋移州治端氏縣後改漢澤縣為陽城縣五代宋金元皆仍舊本朝因之改屬澤州曲



成漢之縣名屬東萊郡後又為侯國晉改為曲城縣隋省之故城在登州府招遠縣西五十里寒朗魯郡薛人任城漢初縣名屬山陽郡後陞為任城國晉復為縣改屬高平郡金徙濟州治此本朝初屬濟寧府後省之故址在兗州府濟寧州東楚郡注見秦王政六年會稽郡

**發明** 英已廢矣而猶書爵蓋前既書其有罪所斷已明故也

**初作壽陵**

初作壽陵制裁今流水而已無得起墳萬年之後掃地而祭打水脯糈而已過百日唯四時設奠置吏卒數人供給灑掃敢有所興作者以擅議宗廟法從事

**集覽**

打水脯糈 打本作孟方言盃謂之孟脯乾肉也糈音

**書法**

初作何緩辭也帝於是即位十四年矣故書初陵皆久而後作者也

申土

**十五年春二月帝東巡耕于下邳三月至魯請孔子宅**

**考**

**異** 下文漏還宮與大初三年同

幸孔子宅親御講堂命皇太子諸王說經

**質實**

下邳縣名注見高帝六年

**書法**

君臨其臣則書幸綱目書請孔子宅一加道也唯玄宗開元十三年書幸疑誤

**發明**

天佑下民作之君師職治職教相與並行固不可舉一而廢一也自後世尊君太甚於是行固不

孔子為陪臣而天子不當拜之者崇師重道之意殆不如如此顯宗尊崇師傳莫絕前古觀其師事桓榮之禮蓋可見矣至魯之行前史皆曰幸孔子宅此固世俗習熟之語學者亦習其句讀而不察者也至綱目修之始以請孔子宅為文嗚呼吾聖人之道豈區區較此一字哉式問表墓古帝王於一賢士猶敬之如彼孰謂萬世仁義禮樂之宗主扶三綱垂世教天地賴之以有立人類賴之以不滅其故居宮室乃可以



臨幸之禮加之哉不有君子表而出之則聖人與衆人等耳雖然此可與識者語未易與諛俗論也嗟夫

封皇子六人為王

**考異**

皇字羨按尊立例注曰封立之命出於天子不應自謂其子為皇子

只從文帝初例但云子某則此當書曰立子恭等六人為王

封皇子恭為鉅鹿王黨為樂成王衍為下邳王暢為汝南王昞為常山王長為濟陰王帝親定其封域裁令半

楚淮陽馬后曰諸子食數縣於制不已儉乎帝曰我子豈宜與先帝子等歲給二十萬足矣

**集覽**

半楚淮陽裁猶言僅也諸子之封域比楚王英淮陽王延之地裁及其一半

**寶貝**

鉅鹿郡名注見靈帝

中平元年樂成

郡名未詳沿革汝南

郡名注見光武建

武十九年常山

國名注見光武建

武九年常山

見光武建武八年

**書法**

景帝六子武廟立三子皆序此其不序何成帝意也成帝意則曷為不序帝之言曰我子豈宜與先帝子等於是封域裁半楚淮陽帝知節矣故畧之不序者所以成帝之美也綱目自漢宣帝以下

唐封子不悉書有故則書之

### 冬遣都尉耿秉竇固將兵屯涼州

謁者僕射耿秉數上言請擊匈奴上以顯親侯竇固嘗

從其世父融在河西明習邊事乃使秉固與大僕祭彤

虎賁中郎將馬廖下博侯劉張好時侯耿忠等共議之

耿秉曰昔者匈奴并左社之屬故不可得而制孝武既

得河西四郡及居延朔方羗胡分離唯有西域俄復內

屬故呼韓邪單于請事款塞其勢易乘也今有南單于

形勢相似然西域尚未內屬北虜未有壹作臣愚以為

當先擊白山得伊吾破車師通使烏孫諸國以斷其右

臂伊吾亦有匈奴南呼衍一部破此復為折其左角然

後匈奴可擊也上善其言議者或以為今兵出白山匈奴

必并兵相助又當分其東以離其衆上從之十二月

以秉為駙馬都尉固為奉車都尉以騎都尉秦彭為秉

副耿忠為固副皆置

**集覽**

祭彤姓名祭則界反彤音融

從事司馬出屯涼州

伯廖亦以廖為名者居延

見武帝元朔二年白山鳥桓居上谷塞外白山者最為



自恨無功出獄數日歐血死帝雅重彤方更任用聞之大驚嗟嘆良久鳥桓鮮卑每朝賀京師常過彤冢拜謁仰天號泣遼東吏民為立祠四時奉祭焉竇固獨有功加位特進

**集覽**

高闕塞注見秦王政三年高闕

盧水按晉書惠帝時盧水胡反史紹釋文曰盧水胡地胡也天山注見武帝元朔三年祁連山

在西域近天山按傳云在敦煌北其地有蒲類澤章懷曰蒲類海今名婆悉海索隱曰廣志云蒲類海在蒲昌

海西蒲昌海即鹽澤也又蒲類秦海注見安帝延光二年鹽澤注見武帝元狩元年宜禾都尉正義曰宜禾本

城名在隴西後置縣屬涼州崇輿地要覽今瓜州本漢晉昌郡宜禾故城在晉昌縣漢宜禾都尉所居絕幕注

見武帝元朔六年左賢王信在漢北崇北史魏太武帝伐其名也涿邪山匈奴中山在漠北崇北史魏太武帝伐

柔然循弱水西行至涿邪山即此邪音以奢反字或作涿位特進注見成帝鴻嘉元年

見高帝七年平城縣一統志云蒲類海在外夷火州土魯番西南一名鹽澤又名婆悉海周四百里葱嶺于闐

以東之水皆注於此漢張騫道西域度玉門見二水交流發葱嶺趨海關匯鹽澤伏流千里至積石而再出宜

禾都尉漢初所置治宜禾城晉為縣符秦徙江漢人萬餘戶於此後魏僑置會稽郡宋省之故城在陝西行都

司故瓜州西北界

**書法**

伊吾盧何虜要地也故特筆書之下獄書卒既出也

**發明**

彤之無功為左賢王信所誤爾然彤為主將偵候不明至以小山為涿邪山則何詞以追其責

故綱目明書不見虜而還以見其所坐正在此也若夫下獄既免不書死而書卒則亦以其罪不至此將

卒之爾抑揚輕重之間其不苟也如此

西域諸國遣子入侍

竇固使假司馬班超與從事郭恂俱使西域超行到鄯善鄯善王廣奉超禮敬甚備後忽更踈懈超謂其官屬

曰寧覺廣禮意薄乎官屬曰胡人不能常久無他故也超曰此必虜使來狐疑未知所從故也明者觀未萌况

已著邪乃召侍胡詐之曰匈奴使來數日今安在乎侍胡惶恐曰到已三日去此三十里超乃閉侍胡悉會其



疆富白山即太白山也匈奴呼為祁連山即此又注見武帝元朔三年祁連伊吾本匈奴中伊吾盧地明帝始取其地置宜禾都尉以屯田唐貞觀初置伊州或名伊吾郡領縣三伊吾其一也括地志云伊州在敦煌郡北大磧之外南至玉門關八百里五代史晉高居誨使于闐記自瓜州西渡都鄉河曰陽關沙州西曰胡盧磧案胡盧磧漢明征匈奴屯田於伊吾盧即此地車師注見武帝元鼎二年烏孫注見武帝元狩元年南呼街匈奴傳有呼街氏索隱曰呼街本南部之號質實後因以為氏蓋其貴種也常與單于婚姻質實志云耿秉茂陵人國之子顯親漢之縣名初屬天水郡東漢改屬漢陽郡後廢之故城在鞏昌府秦州東南馬廖扶風茂陵人援之子下傳縣名注見唐穆宗長慶二年好時縣名注見光武建武二十五年見唐穆宗長慶二年好元康四年伊吾漢之屯名即古伊吾盧地在敦煌郡北大磧之外為西北諸胡往來要路漢明帝取其地為屯田兵鎮之所後魏置伊吾郡後為胡戎所據唐初內附置西伊州尋改伊州或為伊吾郡五代時號胡盧磧小月氏遺種居之宋時伊州將姓陳氏其先自唐初領州凡數十世元有忽納失里者封威武王卒弟安克帖木

兒嗣 本朝初遣使入貢詔設哈密衛改封安克帖木兒為忠順王世襲其封秦彭茂陵人涼州注見唐中宗

景龍二年

酉癸

十六年春二月遣太僕祭彤及竇固等伐北匈奴固取伊吾盧地形不見虜而還下獄免卒

遣彤與度遼將軍吳棠將河東西河羌胡及南單于兵萬一千騎出高闕塞竇固耿忠率酒泉敦煌張掖甲卒及盧水羌胡萬二千騎出酒泉塞耿秉秦彭率武威隴西天水募士及羌胡萬騎出張掖居延塞騎都尉來苗護烏桓校尉文穆將太原鴈門代郡上谷漁陽右北平定襄郡兵及烏桓鮮卑萬一千騎出平城塞伐北匈奴竇固耿忠至天山擊呼衍王斬首千餘級追至蒲類海取伊吾盧地置宜禾都尉留吏士屯田伊吾盧地耿秉秦彭擊匈奴林王絕幕六百餘里至三木樓山而還來苗文穆至匈奴水上虜皆奔走無所獲祭彤與南匈奴左賢王信不相得出高闕塞九百餘里得小山信妄以為涿邪山不見虜而還彤與吳棠坐逗留畏懦下獄免彤



自恨無功出獄數日歐血死帝雅重彤方更任用聞之大驚嗟嘆良久烏桓鮮卑每朝賀京師常過彤冢拜謁仰天號泣遼東吏民為立祠四時奉祭焉竇固獨有功加位特進

**集覽**

高闕塞注見秦王政三年高闕

盧水按晉書惠帝時盧水胡反史炤釋文曰盧水胡北地胡也天山注見武帝元朔三年祁連山

在西域近天山按傳云在敦煌北其地有蒲類澤章懷

曰蒲類海今名婁悉海索隱曰廣志云蒲類海在蒲昌

年鹽澤注見武帝元狩元年宜禾都尉正義曰宜禾本

城名在隴西後置縣屬涼州案輿地要覽今瓜州本漢

見武帝元朔六年左賢王信注見高帝七年信

其名也涿邪山匈奴中山在漠北案北史魏太武帝伐

柔然循弱水西行至涿邪山即此邪音以奢

反字或作涿位特進注見成帝鴻嘉元年

見高帝七年平城縣一統志云蒲類海在外夷火州土

魯番西南一名鹽澤又名婆悉海周四百里葱嶺于闐

以東之水皆注於此漢張騫道西域度玉門見二水交

流發葱嶺趨海關匯鹽澤伏流千里至積石而再出宜

禾都尉漢初所置治宜禾城晉為縣符秦徙江漢人萬

餘戶於此後魏僑置會稽郡宋省之故城在陝西行都

司故瓜州西北界

**書法**

伊吾盧何虜要地也故特

**發明**

彤之無功為左賢王信所誤爾然彤為主將偵

故綱目明書不見虜而還以見其所坐正在此也若

夫下獄既免不書死而書卒則亦以其罪不至此將

卒之爾抑揚輕重之間其不苟也如此

**西域諸國遣子入侍**

竇固使假司馬班超與從事郭恂俱使西域超行到鄯

善鄯善王廣奉超禮敬甚備後忽更踈懈超謂其官屬

曰寧覺廣禮意薄乎官屬曰胡人不能常久無他故也超曰此必虜使來狐疑未知所從故也明者覩未萌况已著邪乃召侍胡詐之曰匈奴使來數日今安在乎侍胡惶恐曰到已三日去此三十里超乃閉侍胡悉會其



吏士三十六人與共飲酒酣因激怒之曰卿曹與我俱在絕域今虜使到裁數日而王廣禮敬即廢如令鄯善曰吾屬送匈奴骸骨長為豺狼食矣為之柰何官屬皆曰當今之計獨有因夜以火攻虜使彼不知我多少必大震怖可殄盡也滅此虜則鄯善破膽功成事立矣衆曰當與從事議之超怒曰吉凶決於今日從事文俗吏聞此必恐而謀泄死無所名非壯士也衆曰善初夜超遂將吏士往犇虜營會天大風超令十人持鼓藏虜舍後約曰見火燃皆當鳴鼓大呼餘人悉持兵弩夾門而伏超乃順風縱火前後鼓譟虜衆驚亂超手格殺三人吏兵斬其使及從士三十餘級餘衆百許人悉燒死明日乃還告郭恂恂大驚既而色動超知其意舉手曰掾雖不行班超超何心獨擅之乎恂乃悅超於是召鄯善王廣以虜使首示之一國震怖超告以漢威德自今以後勿復與北虜通廣叩頭願屬漢無二志遂納子為質還白竇固固大喜具上超功效并求更選使使西域帝曰吏如班超何故不遣而更選乎今以超為軍司馬令遂前功固復使超使于賓欲益其兵超願但將本所從三十六人曰于賓國大而遠今將數百人無益於疆如有

不虞多益為累耳是時于賓王廣德禮意甚疎且其俗信遣使監護其國超既至于賓廣德禮意甚疎且其俗信坐巫言神怒何故欲向漢漢使有駟馬急求取以祠我廣德乃遣國相私來北就超請馬超密知其狀報許之而令巫自來取馬有頃巫至超即斬其首收私來比鞭笞數百以巫首送廣德因責讓之廣德素聞超在鄯善誅滅虜使大惶恐即殺匈奴使者而降超重賜其王以下因鎮撫焉於是諸國皆遣子入侍西域與漢絕六十載至是

**集覽** 假司馬注見武帝天漢二年從事大將軍之屬官也從軍職參謀議鄯善王廣

鄯善注見武帝元鼎二年廣其王之名文俗吏謂郭恂也拘泥文法未脫流俗故曰文俗吏初夜攝言初更時為質注見周顯王四十年負馬軍司馬大將軍之屬官有司馬一人雄張張主亮及心自修大也駟馬駟始華友淺黃色

**質實** 班超安陵人固之弟也

而黑喙者

夏五月司徒穆有罪下獄死

淮陽王延性驕奢而過下嚴烈有上書告延與姬元謝奔及姊塔韓光招姦猾作圖讖祠祭祀詛事下案驗奔



光及司徒邢穆皆生死  
所連及死徙者甚衆  
**質實** 淮陽國名注見宋  
明帝泰始三年

是月晦日食○以王敏為司徒○秋七月徙淮陽王延為

阜陵王

有司奏請誅淮陽王延上以延罪薄  
於楚王羨徙延為阜陵王食二縣  
**質實** 阜陵國名注  
見晉明帝咸  
和元年

比匈奴大入雲中**考異** 此誤不書寇與元朔  
三年匈奴入代郡同

北匈奴大入雲中雲中太守蕭范拒之吏以衆少欲移  
書傍郡求救范不許會日暮范令軍士各交縛兩炬三  
頭藜火營中星列虜謂漢兵救至大驚持旦將退范令  
軍中糜食晨往赴之斬首數百級虜自相讎藉死者千  
餘人由此不  
**集覽** 尊食注見光武建武五年麟藉音  
敢向雲中  
**質實** 蕭范杜  
陵人

成甲

十七年春正月謁原陵

**書法** 猾夏書寇此其書入何譏也曷為譏  
之兵端自我始也故蕭范破虜不書

上常謁原陵夜夢先帝太后如平生歡既寐悲不能寐  
即案曆明日吉遂率百官上陵其日降甘露於陵樹  
帝令百官采取以薦會畢帝從席前伏御牀視  
太后鏡奩中物感動悲涕左右皆泣莫能仰視  
**質實** 原  
注見光武建  
武中元二年

北海王睦卒

睦少好學光武及上皆愛之嘗遣中大夫詣京師朝賀  
召而誨之曰朝廷設問寡人大夫將何辭以對使者曰  
大王忠孝慈仁敬賢樂士臣敢不以實對睦曰吁子危  
我哉此乃孤幼時進趣之行也大夫其對以孤襲爵以  
來志意衰惰聲色是娛犬馬是好  
**質實** 北海國名注見  
宣帝永康元年

青州



司徒敏卒以鮑昱為司徒 ○白狼等國入貢

益州刺史朱輔宣示漢德威懷遠夷自汶山以西前世所不至正朔所未加白狼槃木等百餘國皆奉種稱臣

奉 **集覽** 汶山今成都路茂州是按方輿勝覽漢汶山郡古氏羗地秦漢時君長十數冉駹最大依山以

居疊石為室如浮圖然以梯上下貨藏于上人居其中畜園于下漢武時請臣遂以冉駹為汶山郡唐改茂州

白狼槃木 白狼與槃木皆西南夷遠國名在木牛徼外 **質實** 汶山郡名注見武帝元鼎六年

竇固司馬班超執疏勒王兜題而更立其故王子忠

初龜茲王建為匈奴所立倚恃虜威據有北道攻殺疏勒王立其臣兜題為疏勒王班超從間道至疏勒逆遣

吏田慮先往降之救慮曰兜題本非疏勒種國人必不用命若不即降便可執之慮既到兜題見慮輕弱無降

意慮因其無備遂前劫縛兜題左右出其不意皆驚懼奔走慮馳報超超即赴之悉召疏勒將吏說以龜茲無

道之狀因立其故王子忠為王國人悅超問忠及官屬當殺兜題邪生遣之邪咸曰當殺之超曰殺之無

益於事當令龜茲知 **集覽** 北道即扶風郡枸邑也疏勒漢威德遂解遣之 **注** 見武帝元鼎二年逆遣逆

謂上書猶今言上表也謂奏上而遣之周禮宰夫主諸臣之復萬民之逆注復之言報也反也反報于王謂於

朝廷奏事自 **正誤** 逆遣今按逆遣猶言預遣班超未至下而上曰逆 **注** 而先遣田慮故曰逆遣安帝延光二

年苟淑逆曰云云集覽注逆迎也迎先便說此義為近若以逆為上書何不直云奏遣乎且班超已至疏勒又

何暇上書于朝而遣吏乎下文 勅慮乃超戒勅之非詔勅也

夏五月百官上壽

公卿百官以威德懷遠祥物顯應帝集朝堂奉觴上壽制曰天生神物以應王者遠人慕化實由有德朕以虛

薄何以享斯唯高祖光武聖德所被不敢有辭其敬奉賜太常擇吉日策告宗廟仍推恩賜民爵及粟有差

**集覽** 賜民爵明帝本紀詔賜天下男爵人二級三老孝弟力田人三級前書音義曰男子謂戶內之長也

人賜爵者有罪則得 賜貧者得賣與人



**書法**

上壽不書據兒寬不書此何以書譏滿也自是西北始多事矣綱目責備賢者故特書譏之終

冬十一月遣竇固等擊車師降之復置西域都護戊巳校尉

**尉考異**

提要此句下有官字據後建初元年書罷都護及戊巳校尉官則此當從提要

遣奉車都尉竇固駙馬都尉耿秉騎都尉劉張出敦煌擊破白山虜於蒲類海上遂進擊車師車師前王叩後王之子也其庭相去五百餘里固以後王道遠山谷深士卒寒苦欲攻前王秉以為先赴後王并力根本則前王自服固計未決秉奮身而起曰請行前乃上馬引兵北入衆軍不得已並進斬首數千級後王安得震怖走出門迎秉脫帽抱馬足降秉將以詣固其前王亦歸命遂定車師而還於是固奏復置西域都護及戊巳校尉以陳睦為都護司馬耿恭為戊校尉屯後王部金蒲城謁者關寵為巳校尉

**集覽**

昆侖塞昆侖山名因以名塞也前王部柳中城在今肅州酒泉縣西南以山

有昆侖之體故名焉周穆王見西王母于此山有石室王母臺史記注肅州昆侖非河源所出者夏禹本紀注金城臨羌縣有昆侖祠敦煌廟至縣有昆侖障其河源所出也又崑崙注見隋煬帝大業三年請行前漢書項籍傳使司馬欣將秦軍行前注置前而行也又終軍傳臣宜當矢石啓前行注行下即反安得後王名

**誤**

請行前今

**質實**

白山注見光武建武二十一年關寵按行如字安衆人柳中縣名注見齊明帝建武

四年高昌國

乙亥

十八年春二月竇固軍還○北匈奴擊車師後王安得殺之遂攻戊校尉耿恭擊却之

**考異**

提要戊誤作已

北單于遣左鹿蠡王率二萬騎擊車師耿恭遣司馬將兵三百人救之皆為所殺匈奴遂破殺車師後王安得而攻金蒲城恭以毒藥傳矢語匈奴曰漢家箭神其中瘡者必有異虜中矢者視創皆涕大驚會天暴風雨隨兩擊之殺傷甚衆匈奴震怖相謂曰漢兵神真可畏也遂解去

**集覽**

左鹿蠡王鹿或作谷注見昭帝始元



二年右谷蠡王傳失傳讀與附同者也

夏六月有星孛于太微

**集覽** 太微注見景帝後三年

秋八月帝崩

帝崩於東宮前殿年四十八遺詔無起寢廟藏主於光烈皇后更衣別室帝遵奉建武制度無所變更后妃之家不得封侯與政館陶公主為子求郎不許而賜錢千萬謂群臣曰即官上應列宿出宰百里苟非其人則民受其殃是以難之公車以反支日不受章奏帝聞而恠曰民廢農桑遠來詣闕而復拘以禁忌豈為政之意乎於是遂蠲其制尚書閭章二妹為貴人章精力曉舊典久次當遷重職帝為後宮親屬竟不用是以吏得其人民樂其業遠近畏服戶口滋殖焉

**集覽** 藏主主謂神主也注見光武建別室顏師古曰園中有寢有便殿寢者陵上正殿也便殿寢側之別室所謂更衣也為子求郎句絕為其子求為郎官也即注見武帝元朔三年即官上應列宿注見桓帝延熹七年太微積星名為郎位公車注見文帝三年反支申酉朔二日反支午未朔三日反支辰巳朔四日反支寅卯朔五日反支

反支寅卯朔五日反支支子丑朔六日反支

**書法**

賀善贊曰永平富教之事綱目屢書于策其間有終綱目所無者二事匈奴遣子入學日食詔

群司極言得失復以示百官是也至其一念之微近於滿假綱目亦無隱乎爾是以百官上壽自武帝以來不書惟此獨書春秋責備賢者綱目於明帝蓋拳拳焉

太子烜即位尊皇后曰皇太后塋頭節陵

**質實**

一統志云頭節陵在

河南府城東南

○冬十月以趙喜為太傅牟融為太尉並錄尚書

**事集覽**

錄尚書事錄承記也總領衆事也漢武初有領尚書事章帝時趙喜牟融並錄尚書事尚書有錄名

蓋始于此猶冢宰總之○十一月以第五倫為司空

倫為蜀郡太守在郡公清所舉吏多得其人故帝自遠郡用之

西域攻沒都護陳睦北匈奴圍已校尉關寵車師叛與匈



奴共圍耿恭詔酒泉太守段彭將兵救之

**考異**

提要已誤作戊

焉耆龜茲攻沒都護陳睦北匈奴圍關寵於柳中城會  
中國有大喪救兵不至車師復叛與匈奴共攻耿恭  
率屬士衆禦之數月食盡窮困乃煮鎧弩食其筋革恭  
與士卒推誠同死生故皆無二心而稍稍死亡餘數十  
人單于知恭已困欲必降之遣使招恭恭誘其使上城  
手擊殺之委諸城上單于大怒更益兵圍恭不能下關  
寵上書求救詔公卿會議司空倫以為不宜救司徒鮑  
昱曰今使人於危難之地急而棄之外則縱蠻夷之暴  
內則傷死難之臣誠令權時後無邊事可也匈奴如復  
犯塞為寇陛下將何以使將又二部兵人裁各數十  
奴圍之歷旬不下是其寡弱力盡之效也可令敦煌酒  
泉太守各將精騎二千以赴其急帝然之乃遣征西將  
軍耿秉屯酒泉行太守事遣酒泉太守段彭與謁者王  
蒙皇甫援發張掖酒泉敦煌三郡及鄯善兵合七千餘  
人以救之

**書法**

自十六年至是三年爾而邊境亦多事矣西域  
之通其得失何如哉綱目備書之所以戒也

**發明**

王者不勤遠畧非惡廣地也以其無益於事耳  
自孝武圖制匈奴通西域以耗中國世祖鑒之  
閉關謝質西邊自是無事蓋二十年有竇固者始遣  
使班超故前年書西域遣子入侍至是甫三載即有  
攻沒都護之幸紛紛遂復多事然則西域之於中國  
果何補耶即綱目之所書合前後而觀之則得失之  
分瞭然在目不待辨而明矣或  
者猶以班超為奇功豈不過哉

是月晦日食○以馬廖為衛尉防為中郎將光為越騎校

**尉考異**

以字下當有舅字據分注馬廖兄弟終明帝世未  
嘗改官此當書舅以著外戚權勢之隆刊本誤漏

字舅

太后兄弟終明帝世未嘗改官帝以廖為衛尉防為中  
郎將光為越騎校尉廖等傾身交結冠蓋之士爭赴趣  
之第五倫上疏曰臣聞書曰臣無作威作福其害于而  
家凶于而國近世光烈皇后雖友愛天至而抑損陰氏  
不假以權勢其後梁竇之家互有非法明帝即位竟多  
誅之今之議者復以馬氏為言竊聞衛尉廖以布三千



通鑑綱目卷之第九十一

匹城門校尉防以錢三百萬私贍三輔衣冠知與不知  
莫不畢給又聞臘日亦遺其在維中者錢各五千越騎  
校尉光臘用羊三百頭米四百斛肉五千斤臣愚以為  
不應經義皇恐不敢不以聞臣今言此誠欲上忠陛下  
下全后 **集覽** 越騎校尉如淳曰越人內附以為騎也校  
家也 者營壘之稱故謂軍之一部為一校也尉  
者候也 顏師古曰越騎校尉主越騎在八校尉之數友  
愛天至友愛其兄弟乃天性之至極 **三輔衣冠** **三輔注**  
見武帝征和元年衣冠謂士大夫也 **知與**  
不知謂無問素相知與不相知皆賜贍之

大旱

通鑑綱目卷之第九十一終



